




ԶՄԻՍԾԻՆ

1981
Բ



ԼԸ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ՎԻՃԻԿԻՆ

1981



ՀՐԱՄԱՆԱԻ

Տ. Տ. ՎԱՋԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



**ՍՐԲՈՑ ՎԱՐԴԱՆԱՆՑ ՏՈՆԱԿԱՏԱՐՈՒԹՅՈՒՆԸ ԵՎ
ՎԵՀԱՓԱՌ ՀԱՅՐԱՊԵՏԻ ԱՆՎԱՆԱԿՈՉՈՒԹՅԱՆ
ՏԱՐԵԴԱՐՁԸ ՄԱՅՐ ԱԹՈՌՈՒՄ**

Հայ ժողովրդի համար ազգային-եկեղեցական մեծագույն տոներից մեկն է 451 թվականին «Վասն Յիսուսի և վասն հայրենեաց» մղված Ավարայրի հերոսամարտի պանծալի հիշատակի ոգեկոչմանը նվիրված Վարդանանց տոնը:

Այդ դյուցազնամարտը շուրջ մեկ ու կես հազարամյակ ոգեկան մեծ ուժ և ավյուն է ներշնչել մեր ժողովրդի զավակներին տարբեր ժամանակներում, օրհասական ամեն մի պահի:

Եվ այսօր Վարդանանց հայրենասիրական ոգու կենդանության իրավ վկայություն է ավանդաբար ամեն տարի առանձնակի ոգևորությամբ նշվող Վարդանանց ազգային-հայրենասիրական ու եկեղեցական մեծ տոնը:

Այդ օրը միաժամանակ նշվում է նաև Նորին Ս. Օծություն Ամենայն Հայոց Վազգեն Ա Վեհափառ Հայրապետի անվանակոչության տարեդարձը:

Սույն թվականի փետրվարի 26-ին, հինգշաբթի օրը, առավոտյան, Հայաստանյայց եկեղեցիների աղոթաբույր կամարների ներքո հնչում են «Նորահրաշ» և «Արիացեալք» հոգեկից շարականները:

Մայր տաճարում առավոտյան հանդիսավոր ժամերգությունից հետո, ժամը 10.30-ին, Ավագ խորանի վրա սկսվում է հանդիսավոր ս. պատարագի մատուցումը: Օրվա պատարագիչն է հոգևոր ճեմարանի տեսուչ

Տ. Եզնիկ քհն. Պետրոսյանը: Պատարագի դարաց բաժնի երգեցողությունը կատարում է հոգևոր ճեմարանի ուսանողների երգչախումբը:

Մայր տաճարը լեփ-լեցուն է հավատավոր բազմությամբ, որոնք եկել են կրկին նորոգելու ազգային-հայրենասիրական իրենց ուխտը՝ հավատարիմ մնալու համար մեր ժողովրդական ու ազգային հարուստ ավանդներին:

Ժամը 11.30-ին Մայր տաճարի զանգակների դողանջի ներքո, եկեղեցական թափոքով Մայր տաճար է առաջնորդվում Ամենայն Հայոց Վեհափառ Հայրապետը:

Լուռ է Մայր տաճարը: Օրվա խորհուրդը համակել է բոլորին: Եվ ահա սրբազան պատարագի ավարտից հետո պատարագիչ Տ. Եզնիկ քհն. Պետրոսյանը իջման Ս. Սեղանից խոսում է հայրենաշունչ մի քարոզ՝ «Արիմն մարտիրոսաց հիմն Եկեղեցույ» բնաբանով՝ վեր հանելով Վարդանանց հերոսամարտի կատարած մեծ դերը՝ մեր ժողովրդի պատմության ընթացքում:

Այնուհետև Վեհափառ Հայրապետի անվանակոչության տոնի առթիվ կատարվում է Հայրապետական մաղթանքի արարողություն, որով և ավարտվում է եկեղեցուց նեոս կատարվող առարողությունը:

Ս. առատարագից հետո, ժամը 13-ին, Վեհափառ հանդիսությունների դահլիճում, Վեհափառ Հայրապետի բարձր նախագա-

հույժամբ, սկսվում է Վարդանանց տոնին նվիրված հանդիսությունը, որը կազմակերպել էր հոգևոր ճեմարանի տեսչությունը:

Հանդիսությանը ներկա էին Մայր Աթոռի միաբանությունը, Գերագույն հոգևոր խորհրդի անդամները, մայրավանքի պաշտոնեությունն ու աշխատավորները, հոգևոր ճեմարանի դասախոսական կազմն ու ուսանողությունը, մտավորականության ներկայացուցիչներ, ուխտավորներ և այլ հյուրեր:

Հանդիսությանը ներկա էին նաև Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ տիար Ռուբեն Պարսամյանը և տեղակալ տիար Անդրանիկ Հասրաթյանը:

Հանդիսությունն սկսվում է Վեհափառ Հայրապետի «Հայր մեր»-ով, որից հետո հնչում է Հայկական ՍՍՀ պետական հիմնի նվագը:

Ապա հանդիսության քացման հետևյալ գեղեցիկ խոսքով հանդես է գալիս հոգևոր ճեմարանի տեսուչ Տ. Եզնիկ քհն. Պետրոսյանը:

ՀՈԳԵՎՈՐ ԾԵՄԱՐԱՆԻ ՏԵՍՈՒՉ
Տ. ԵԶՆԻԿ ՔԱՀԱՆԱ ՊԵՏՐՈՍՅԱՆԻ
ԲԱՑՄԱՆ ԽՈՍՔԸ

Հայ ժողովուրդը իր պատմության ընթացքում բազմաթիվ անգամներ է մարտնչել իր գոյության պահպանության համար, կանգնել անդունդի եզրին, մահվան դեմ առ դեմ, իր հոգևոր-մշակութային արժեքները ձեռքին, երբեմն էլ ոտաթոթիկ և լքված բոլորի կողմից, սակայն միշտ իր ներքին ոգեկան ուժով փյունիկի պես հարություն է առել և հրաշքներ գործել:

Ավարայրից առաջ և Ավարայրից հետո մենք ունեցել ենք քաջ թագավորներ, բանակներ զինավառ, որոնք կանգնել են օտար փոթորիկների դեմ և կուրծք տվել անեղ հեղեղներին:

Սակայն այս ամենի միօից, իբրև խորհուրդ այս ամենի, իբրև հուշարձանը հայ ժողովրդի հայրենասիրության և իր հոգեկան արժեքների գնահատման, իբրև լուսն խորան, դեպի երկինք է ձգվում Ավարայրի հերոսամարտը: Հայոց պատմության մեջ առաջին անգամ ժողովրդի բոլոր դասերը՝ հոգևորականներ, նախարարներ, շինականներ, միասիրտ ու միակամ, գնացին մահվան ընդառաջ, դեպի հերոսացում, դեպի սրբացում:

Հաճախ կարծվում է, թե քրիստոնեությունը ստրկության, լոկ հնազանդության ուսմունք է: Միևնույն տասնյակ դարեր ա-

ռաջ հայ ժողովուրդը Ավարայրով ապացուցեց, որ քրիստոնեությունը սիրանքի և հավերժության ուսմունք է:

Ավարայրը քրիստոնյա աշխարհի թերևս առաջին ու միակ ազմական քախումն էր օտար ուժերի դեմ, ուր բախվեցին լուսի և խավարի, կյանքի և մահվան, հավատի և հավատարացության, հայրենասիրության և ստրկացման իրարամերժ գաղափարները, ուր ճշտվում էր մեկ անգամ ևս Հիսուսի՝ մեռնելով ապրելու պատգամը:

Մաշտոցը Աստծուն խոսեցրեց հայերենով:

Ղևոնդը Հիսուսին պաշտպանեց իր կյանքի կենդանի պատարագով:

Վարդանը հայրենիքը և քրիստոնեությունը սրբագործեց իր կարմիր արյունով:

Ավարայր մեր հոգու վիթխարի ընդվզումն էր: Այնտեղ ոչ միայն մեր ազմական ուժն էր մարտնչում: Այնտեղ զինվորյալ էին բոլորը՝ մտքի և հոգու, լուսի և Ավետարանի, հողի և հայրենիքի մշակներն էին կովի դաշտ իջել, նրանք, որ իրենց ամբողջ կյանքում լույս էին երազել, գրքեր գրել, մագաղաթներ ծաղկել, տաճարներ կառուցել, Ավարայր էին իջել իրենց էությունը, լուսի իրենց պաշտամունքը խավարի ճանկերից փրկելու համար:

Եվ դարեր անցան:

Ամեն դար քերեց իր Ավարայրը:

Ամեն դար իր Վարդանը ունեցավ:

Ամեն դար ունեցավ իր Ղևոնդը:

Մեր կյանքի իմաստը Ավարայրի խորհրդի հաստատումը եղավ:

*
* *

Այսօր, երբ ոգեկոչում ենք հիշատակը Ս. Ղևոնդյանց քահանայից և Վարդանանց հայ մարտիկների, ունենք նաև սրտագին մի պարտականություն՝ շնորհավորելու Ամենայն Հայոց Վեհափառ Հայրապետին՝ իր անվանակոչության տոնի առթիվ:

Եվ այս զուգադիպությունը պատահականություն չէ, որովհետև ինչպես անցյալի մեր բոլոր Հայրապետները, այսօր էլ Նորին Սուրբ Օծություն Տ. Տ. Վազգեն Ա Վեհափառ Հայրապետը Ս. Ղևոնդյանց նախաձեռնություններով և Վարդանանց ափսոսանքներով աշխատում է կենդանի և վառ պահել մեր անցյալի ուխտապահ հոգևորականության՝ Ղևոնդյանց քահանաների սուրբ ավանդությունը և հայ հավատի կրակը, ինչպես ի հայրենիս, այնպես էլ աշխարհով մեկ ցրված հայ ժողովրդի հոգում՝ Վարդանանց հերոսամարտի ոգին և անսակառելի հայրենասիրությունը:

Թող երկա՛ր, շատ երկա՛ր բազմի Հայոց Հայրապետը Լուսավորչի գահի վրա՝ ի պայծառությամբ Ղևոնդյանց արյունով ամրացած ու ծաղկած Հայ Եկեղեցու և ի բարօրություն հայրենյաց:

Վեհափառ Տեր, թույլ տվեք այս հանդիսության բոլոր մասնակիցների անունից կրկին անգամ շնորհավորել Ձեզ անկեղծ, ջերմ և նվիրված սրտով:

Իսկ այժմ, սիրելի հանդիսականներ, թույլ տվեք Ս. Վարդանանց հիշատակին նվիրված հանդիսությունը հայտարարել բացված:

Հրավիրում ենք օրվա բանախոս, հոգևոր ճեմարանի դասախոս պրն. Բաբգեն Ներսիսյանին՝ կարդալու իր բանախոսությունը:

Այնուհետև Վարդանանց հերոսամարտին նվիրված հետևյալ բանախոսությամբ հանդես է գալիս հոգևոր ճեմարանի հայոց լեզվի և գրականության դասախոս Բաբգեն Ներսիսյանը:

ԲԱԲԳԵՆ ՆԵՐՍԻՍՅԱՆԻ ԽՈՍՔԸ

Վարդան և Վարդանանք անունները հայ ժողովրդի շուրթերին դարեր ի վեր հնչում է որպես նվիրական սրբություն, հայրենասիրություն, հերոսություն, որպես հայրենիքի ու մեր սուրբ հավատի համար ընկած մարտիկների սուրբ նահատակություն:

Վարդանի և Վարդանանց կատարած անմահ գործը, նրանց մղած հերոսական պայքարը պարսից բռնապետության դեմ՝ քրիստոնեական հավատի պահպանման համար ու նրանց նահատակությունը Ավարայրի դաշտում՝ հանուն սուրբ հավատի և հայրենիքի, ճիշտ հասկանալու համար անհրաժեշտաբար պետք է ետադարձ մի հայացք ձգել հայ ժողովրդի հազարամյակներից եկող պատմության խորքերը, առավելապես Հայաստանում քրիստոնեության տարածման ժամանակաշրջանին:

Երբ Տրդատ Մեծի և Սուրբ Գրիգոր Լուսավորչի անմիջական նախաձեռնությամբ ու ջանքերով քրիստոնեությունը Դ դարի առաջին տասնամյակում Հայաստանում համընդհանուր և պետական կրոն դարձավ, փոխվեց հայ ժողովրդի, հայ պետության քաղաքական դրությունը իրար հետ մրցող և աշխարհակալ ձգտումներ ունեցող ժամանակի երկու հսկա պետությունների միջև: Դրանցից մեկը Բյուզանդական կայսրությունն էր, մյուսը՝ Պարսից Սասանյան պետությունը: Սրանցից յուրաքանչյուրը միտում էր Հայաստանի լիակատար տերը դառնալ:

Իրար հաջորդող պարսից արքաները և

պետական գործիչները մեծ մտավախությամբ էին ապրում Հայաստանը կորցնելուց՝ քաջ գիտակցելով, որ եթե հայերը դավանանքով հունական կայսրությանն են հարում, վաղ թե ուշ, անշուշտ, ձգտելու են նաև քաղաքականապես մոտենալ նրանց:

Հենց այս մտավախությունն էլ ստիպում էր պարսիկներին ոչ մի խոչընդոտի առջև կանգ չառնել հայերին կրոնափոխ անելու և ըստ ամենայնի կրոնով և ազգային սովորություններով ու պետական կյանքով միացնել Պարսկաստանին և առմիշտ զրրկել նրանց ազատ ու ինքնուրույն ազգային կյանքից: Հենց սրան էր ձգտում Ծապուհը, այս նպատակն իրականացնելուն էր միտում Հազկերտ Բ-ը:

Նախաձեռնելի չէր, իհարկե, նաև Բյուզանդական կայսրության տիրապետության տակ գտնվող Հայաստանի վիճակը: Այստեղ էլ հայերին ազգային և ինքնուրույն ազատ կյանքի նույն սարսափելի կորուստն էր սպառնում: Դեռ ավելին, սեփական դպրություն, գիր ու գրականություն չունենալու պատճառով հայերը ենթակա էին ազգային ինքնապահպանման ամենակարեւոր պատվարը՝ սեփական լեզուն կորցնելու ահավոր վտանգին:

Ի՞նչ անել, ո՞ւմ դիմել, ումի՞ց փրկություն հայցել, ինչպե՞ս փրկել հայրենին ու ժողովուրդը կորստից: Ահա այս տանջող հարցն էր կապարի ծանրությամբ ճնշում ու մտահոգում ժամանակի հայ ժողովրդի ազգային վշտով տառապող նրա արժանավոր զավակներին, պետական գործիչներին և Մայր Եկեղեցու հոգևոր առաջնորդներին: Իսկ փրկության միջոցը, փրկության ելքը չէր երևում:

Միակ հույսը մնում էր ամենակարող Արարիչը, հայի նեղ օրերին նրան օգնության հասնող հայի Աստվածը: Եվ հույսը Աստծո վրա դրած հայ ժողովուրդը շարունակում էր ապրել: Եվ հույսը ապրեցնում էր:

Եվ քանի որ հույսն Աստված էր, Աստված չլքեց հային, կյանքի ու մահվան այդ օրհասական պահին Տիրոջ ամենակարող աջը գորավիզ եղավ հային, նրա բարերար ու փրկարար շունչը անցավ հայ ժողովրդի արժանավոր զավակ Սուրբ Մաշտոցին, և նա հաշկական նշանագրերը ձեռքին լուսատու աստղի նման փայլեց հայոց երկնակամարում:

Հայ ժողովրդի արժանավոր զավակներ Սուրբ Սահակ Պարթևի ու Սուրբ Մեսրոպ Մաշտոցի անմիջական ջանքերով և հայոց Վոսմշապուհ թագավորի աջակցությամբ Հայաստանում հաստատվեցին հայ մանուկների համար ազգային լեզվով կրթական

օջախներ, որոնք երկնեցին Ե դարի պատմիչ հսկաներին ու փիլիսոփաներին՝ Կորյուն Երանելուն, Եզնիկ փիլիսոփային, պատմահայր Խորենացուն, Հովսեփ Վայոցձորեցուն և քաղցրագրուցիկ Եղիշեին, որը Մամիկոնյան Դավիթ Երեցի խնդրանքով ձեռնամուխ եղավ Վարդանանց պատմությունը գրի առնելու գործին: Եվ նա իր գրիչը, իր ողջ ուժն ու եռանդը ի սպաս դրեց հայ ժողովրդի գոյության և հավատքի համար Վարդանանց մղած իրավացի և արդար պատերազմն ու ժամանակաշրջանը գրի առնելուն, որը ոչ թե պատմություն, այլ քանաստեղծություն է՝ լի քնարական սղորտաբոյս գեղյուններով, որի նպատակն է «նեղ օրերում սիրելիների համար մխիթարություն, հուսացողների համար հույս և քաջերին քաջալերություն լինելը»: Այն գրված է ցույց տալու համար ինչպես ժամանակակիցներին, այնպես էլ գալիք սերունդներին, որ մարդու և ժողովրդի համար ամենից արժեքավոր բարիքը, ամենանվիրական զգացմունքն ու ամենաբարձր պարգևը վերուստ տրված ազատությունն է, իսկ ամենից սիրելին՝ հայրենիքը, որի պաշտպանության համար պետք չէ խնայել ոչ մեկ բան, զոհաբերել ամեն ինչ, ինչպես զոհաբերեց Վարդանը, նույնիսկ իր կյանքը:

Ամսահացնելով Վարդանի ու Վարդանանց մղած սուր պատերազմը և այդ պատերազմում նահատակվածներին, ամսահացավ և ինքը՝ Եղիշեն, որպես դեպքերի անմիջական մասնակցի, և սերունդներին հասավ որպես Ավարայրը երգող պլպույի, որպես քաղցրագրուցիկ Եղիշե՝ քաջ գիտակցելով, որ «Չգիտակցված մահը մահ է, գիտակցված մահը՝ անմահություն»: Հետևաբար ավելի լավ է, որ մարդ «Աշոք լինի կույր, քան՝ մտոք»:

Եվ որովհետև Եղիշեն պայծառ միտք ուներ և քաջ գիտակցում էր հայ ժողովրդի համար Հազկերտի ահավոր ու կորստաբեր նենգ միտումները, ուստի ցատումով գրում է.

«Մեր» շանթում, գալարվում էր ինչպես մի թունավոր օձ, մեր» ձգվում, մոնչում էր ինչպես գայրացած առյուծ, ճմլվում ու թապրկտվում էր խարդախ մտադրությամբ»:

Հազկերտը իր հավատարիմ ծառա Դենշապուհին հայոց երկիր ուղարկեց: Սա հայոց ողջ երկիրը աշխարհագիր արեց, իբր թե հարկերը և այրուձիի ծանրությունը թեթևացնելու նպատակով:

Իսկ հայկական այրուձին տարել էր Պարսկաստան նույնպես նենգ միտումով, նախ Հայաստանի ռազմական հզորությունը թուլացնելու և իր թշնամիների դեմ պատերազմելու այն դիվային մտածումով, որ եթե

կոտորեն՝ թշնամիներ կկոտորեն, իսկ եթե կոտորվեն՝ թշնամիներ կկոտորվեն:

Այնինչ աշխարհագրից հետո երկրի հարկը և հայկական այրուձիի ծախսը ոչ միայն չթեթևացրեց, այլև ավելի ծանրացրեց:

Այնուհետև բռնացավ Եկեղեցու ազատության վրա և հարկի տակ դրեց անգամ վանքերում բնակվող միայնակյացներին:

Նախարարներին քանարկությամբ թըշնամացրեց միմյանց հետ և ամեն տան մեջ խռովություն գցեց: Եվ այս ամենն անում էր, որպեսզի գուցե քանդի միաբանությունը հայոց աշխարհի և Եկեղեցու ուխտը ցրի:

Չնայած այս բոլոր դժնդակ ու դիվային գործերին և հարկերի անասելի ծանրությանը, որը առնում էին ոչ թե ինչպես վայել է պետական արժանապատվությանը, այլ ավազակաբարո հափշտակելով այն աստիճան, որ իրենք էլ մեծապես զարմանում էին՝ թե մի տեղից, որ այսքան զանձ է դուրս գալիս, էլ ինչպես է շեն մնում այդ աշխարհը:

Եվ երբ տեսան, որ այս ամենով չկարողացան ոչ միայն հայերին ետ կանգնեցնել և նույնիսկ շեղել իրենց հավատից, այլ ընդհակառակը, նրանք էլ ստավել են միաբանվում և երդվում աներեր ու հաստատում մնալ իրենց հավատին և, հանուն Քրիստոսի սիրո, մեծ համբերությամբ տալու են բոլոր կարգի նեղություններն ու չարչարանքները, այդ ամենից առավել գրգռված ու մոլեգնած Հազկերտը իր զաղտնի փայփայած միտումները կենսագործելու համար անցավ բացահայտ բռնության և հրաման տվեց մոգերին ու մոգպետներին՝ գրել և հայոց աշխարհ ողորկել դավաճախոխության չարագուշակ ու դժնդակ սպառնալից թուղթը:

Իսկ երբ ստացավ «Այս հավատից մեզ ոչ ոք չի կարող խախտել, ո՛չ հրեշտակները և ո՛չ մարդիկ, ո՛չ սուրբ և ո՛չ հուրը, ո՛չ ջուրը և ո՛չ էլ որևէ այլ դառն հարված» հաստատումն ու վճռական մերժողական պատասխանը, այնժամ մոլեգնած ու փրփրած շահը սպառնալից հրամայական հրովարտակով հայ նախարարներին արքունի դուռը կանչեց՝ մերժողական պատասխանի համար խստագույնս պատժելու միտումով:

Ու հայ մեծամեծերից լսեց. «Այն, որ ավանդ ենք ստացել մեր նախնիներից՝ մեր հայրենիքը, մեր ազատությունը, մեր իշխանությունը, դա չենք տա ոչ ոքի և ետ չենք կանգնի մեր քրիստոնեական հավատից»:

«Եթե թագավորը իմաստությունն իրեն արթոնակից չունի, չի կարող իր վիճակի մեջ

վայելույ լինել»—գրում է Եղիշեն դառնացած հոգով:

Եվ որովհետև Հազկերտի աթոռակիցը ոչ թե իմաստությունն էր, այլ դիվային չարությունը, հետևաբար հայ նախարարները որոշում են առերես ուրանալ իրենց հավատը, մինչև հայրենի հող, հայոց աշխարհ վերադառնալը:

Հայ նախարարների դավաճանությունն լուրը Հայաստան աշխարհ է հասնում: Հայոց աշխարհի բոլոր կողմերից հավաքվեցին մեծ բազմությամբ այր ու կին, շինական և ազատ, քահանա և միայնակյաց և զինվորագրվեցին հանուն Քրիստոսի հավատի և վճիռ կայացրին:

«Հարազատ եղբոր ձեռքը թող բարձրանա այն մերձավորի դեմ, որ դուրս է եկել Աստծու պատվիրանի ուխտից: Հայրը չխնայի որդուն և որդին չակնածի հոր պատվից: Կինը կռվի իր ամուսնու հետ և ծառան դիմադրի իր տիրոջը: Աստվածային օրենքը թագավորի ամեն բանում և մույն օրենքից հանցավորներն ստանան իրենց դատապարտությունն ու արժանի պատիժը»:

Իսկ մոգայետը, իր շուրջը կատարվածից սարսափած, ասում էր.

«Թողեք գրեմ և ցույց տամ մեծ թագավորին, որ ձեռք վերցնի այսպիսի առաջարկություններից, որովհետև եթե աստվածներն իրենք էլ օգնության գան, հնարավոր չէ, որ Հայաստանում հաստատություն գրտնի մոգական կրոնը: Մարդիկ, որոնք ո'չ շղթաներից են վախենում, ո'չ տանջանքներից երկյուղ են կրում, ո'չ հարստությունը բանի տեղ են դնում: Եվ վերջապես, բոլոր չարիքներից ամենից վատթարն է, մահը գերադասում են կյանքից, ո'վ է, որ կարող է նրանց դիմադրել»:

Միակ էլքը՝ Հայ Եկեղեցու շուրջ համախըմբվելն էր: Եվ ողջ հայ ժողովուրդը, Քրիստոսի հավատքին հավատարիմ, համախմբվեց սպարապետ Վարդան Մամիկոնյանի և Եկեղեցու շուրջ:

Հայաստան ուղարկված Հազկերտի բանակն ու մոգերը ջախջախվեցին և դուրս շարտվեցին Հայաստանից:

Իսկ գալիքը՝ անսպասելին, Ավարայրը դեռ առջևում էր:

Թագավորի հրամանը մերժելու և Անգղի դեպքերի վրեժը լուծելու համար պարսից զորաբանակը, փղերի երամակներով ու Մատյան գնդով, մոգերի ու մոգայետների և ամբողջ հեթանոս բազմության հետ առաջ խաղաց և սև ամպի նման եկավ ու հայոց աշխարհի վրա կախվեց:

Իսկ հայոց բանակը, ձիավոր ու հետե-

վակ, սպարապետ Վարդան Մամիկոնյանի գլխավորությամբ, Տղմուտ գետի ափ Արտազ գավառի Ավարայրի դաշտ հասավ:

Նշանավոր զորավարի ու հայրենասերի համար ուսիկը հայրենի աշխարհը և զորքըն էր: Փորձության ժամին հայրենիքի փրկությունը տեսնում էր ժողովրդի իմաստության ու սխրագործության մեջ:

Պարսիկ բռնակալները իրենց բարբարոսական քաղաքականության միջոցով ձրգտում էին ծունկի բերել, հնազանդեցնել ժողովրդին, ստիպել ուրանալու քրիստոնեական հավատը:

Սակայն նրանց արյունաբոս քաղաքականությունը ոչ թե ընկճում, այլ ավելի ու ավելի է բորբոքում և ուժեղացնում ցատումն ու բողոքը ինչպես օտարերկրյա բռնակալների, այնպես էլ հայ դավաճան նախարարների դեմ:

Ծանր էր փոքրաթիվ հայերի համար կռվել իրենցից թվով մի քանի անգամ գերազանց թշնամու դեմ: Ցավալի ու ծանր էր մանավանդ այն հանգամանքը, որ թշնամուն միացել էին նաև Հայաստանի մարդպան Վասակ Սյունեցին և նրա համախոհ մի քանի իշխաններն իրենց զորքերով:

Թշնամին հարափոփոխ, դավադրորեն դասավորում էր իր զորագունդը:

Ջանգված առ զանգված մթնում էր նա, լցվում, թանձրանում, տարածվում:

Ծավալվում և տեղավորվում էր նաև հայոց զորաբանակը, որը տարածվեց և պատնեշի նման փակեց թշնամու ճանապարհը:

Վերջապես երկու կողմերի շեփորները ազդարարեցին ճակատամարտի սկիզբը:

Սանձակոծ ձիանք, ամենի փղեր Հողն էին դոփում ոտով անհամբեր...

Համկարծ բանակից դուրս եկավ Վարդան Ու ահեղ կռվին տվեց նա նշան...

Նա քաջ էր մարմնով, հոգով էլ վեհանձ:

Եվ վեհանձնաբար էլ հայոց զորագնդերը առաջնորդեց ի մարտ:

Մեծ տազնապ և անչափ իրարանցման աղետ կար երկու կողմերում էլ, երբ հանդուգն հարձակումով իրար էին բախվում:

Հայոց այրուձին անցավ գետը և մեծ զորությամբ հարձակվեց: Նրան հետևեցին և հետիտուն գնդերը:

Ասես երկրաշարժ եղավ, գետինը շարժվեց, ցնցահարվեցին զորաբանակները: Բազմահազար զինվորներ և զենքեր գործի անցան:

Լսվեցին զենքերի շառաչյունները, նվազին, սուլեցին նետերը գլուխների վրա, շարքերի մեջ և ամենուր:

Բարձրացան առաջին ճիչերը, նետաձիգ-

ների մոմոտներն ու նետալարերի ճայթումները:

Կարսից գործի աջ թևը ընկրկեց, տագնապ ու իրարանցում ընկալ կրանց սեչ, և ջարդվելով խոնավահար սառանջ սկսեց, սինչա անգամ Մատյան գնդի հաստատու կազմակերպությունը քայքայվեց, ցրիվ եկավ, և նա դեռևս պարտություն չկրած փախուստ տվեց:

Կովի ամենաթեժ ու ծանր պահն էր: Ընկնում էին և հայ քաջերը:

Կովում էին միգակով, սրով:

Կոխը հետզհետե դժոխային էր դառնում: Վարդանը շրջապատվում էր անհույս, բայց հարատևում էր:

Նա խախտում է ընդունված ռազմակարգը, ճահճով գրոհում է թշնամու վրա, թույլ չտալով, որ թշնամու աջ ու ձախ թևերը շրջապատեն իրեն:

Նա փոքրաթիվ ջոկատով գնում է մեռնելու, բայց գիտակցված ու նպատակային մահով, գազանին խոցելու և արյունաքամ անելու միտումով:

Եվ մեծ հայրենասերն ու հմուտ զորավարն ընկալ անհավասար մարտում: Նա հերոսաբար նահատակվեց՝ իր քաջությամբ ու հայրենասիրությամբ վառ օրինակ հանդիսանալով գալիք սուպազա սերունդներին:

Իսկ Ավարայրի պլպուլը՝ Եղիշեն, արձանագրում է.

«Տիրովհետև ոչ թե մի կողմը հաղթեց, և մյուս կողմը պարտվեց, այլ քաջերը քաջերի դեմ դուրս գալով երկու կողմերն էլ պարտություն կրեցին»:

Վարդանի՝ հայրենիքի նկատմամբ ունեցած անսահման սերը փոխանցվեց գալիք սերունդներին դարեր ու հազարամյակներ:

Ավարայրից հետո շատ անգամ չար ամպեր կուտակվեցին զարկված ու զրկված հայոց աշխարհի գլխին, մեկը մյուսից ավելի մահասարսուտ, մեկը մյուսից ավելի դժնդակ ու կորստաբեր:

Հետագայում ավելի վատթարը եկավ, 15 թվի Եղեռնը, բայց և Մուսա լեռը, Վանա ալքովող այգեստանները, հերոսական Սարդարապատը, Կարաբեքիր փաշան՝ իր զազրելի չար ու դիվային սև միտումներով: Բայց Վարդանի և Վարդանանց հայրենամարտի ռազմական մահից հայ ժողովրդի գալիք սերունդների մեջ:

Վարդանանց ռազմ և ամենակարող Արարչի շունչը միշտ էլ գորավիզ և նեցուկ եղան հայ ժողովրդին:

Հայոց աշխարհում նոր Վարդաններ ծնվեցին, Սասունցի Դավիթներ հրեղեն թրերով, Իսրայել Օրիններ խորունկ ու հեռատես,

իմաստուն խոհերով, քաջ Դավիթ-Բեկեր, պողպատյա կամքով հայրենիքի ազատության համար մարտնչող ազնիվ ֆիդայիներ, անխոցելի Անդրանիկներ, անկոտրում կամք ունեցող Դանիել Բեկ Փիրումյաններ և վերջապես ցարիզմի լուծը հայոց աշխարհից դեն շարտելու կոչնակ հնչեցնող բոցաշունչ հեղափոխականներ՝ Ստեփան Ծափումյան, Ալեքսանդր Մյասնիկյան, Հայկ Բժշկյան (Գայ) և շատ ու շատ այլ հայրենամարտի քաջազուններ, որոնք պատմության տարբեր ժամանակամիջոցներում հայոց աշխարհի օրհասական պահերին Վարդանի նման պողպատյա բռնեցք դարձրին հային, և հայրենի հողն ու աշխարհը իր դյուցազուն և հայրենամարտի գավակների ու ամենակարող Արարչի օգնությամբ փրկվեց հրդեհների ճարակից և առասպելական փյունիկ թռչունի նման կրակի բոցերից ելավ, ելավ նոր գեղեցկությամբ ու փառքով, վառ և լուսավոր:

Բոլոր կարգի նենգ ու ստոր թշնամիների չար միտումները ի դերև ելան, հօդս ցնդեցին, իսկ հայոց աշխարհը կանգուն մնաց և այսօր էլ Սովետական Միության եղբայրական մյուս ժողովուրդների հետ ձեռք-ձեռքի տված շարունակում է բարգավաճել: Եվ աշխարհով մեկ ավելած հայության համար Հայաստանը այսօր դարձել է ոչ թե բույսի շող, երազ, այլ հսկա ուժ ու ապավեն և պարծանք համայն հայության համար:

Այսօրվա ծաղկող Հայաստանի քաղաքամայր Երևանում շատ հայրենամարտի անվանի դեմքերի արձանների հետ վեր է խոյանում նաև Վարդան Մամիկոնյանի արձանը՝ սուրբ ձեռքին, Ավարայրի դաշտում թշնամու վրա խոյանալու պահին, որպես ծաղկող Հայաստանի հարատևության և անպարտելիության խորհրդանշան:

Փառք ու պատիվ նրան, մեր վերածնված Մայր Հայաստանին, որպես հայ ժողովրդի միասնական հավատի ներշնչողի:

Հավերժ փառք անցյալի օրհասական օրերին հայրենիքի ու հայոց հավատի պահպանության համար Ավարայրում և այլ հերոսամարտերում ընկած հայրենասեր բոլոր նահատակներին:

Բանախոսությունից անմիջապես հետո սկսվում է հանդիսության գեղարվեստական բաժինը: Հոգևոր ճեմարանի ողջ ուսանողությունը օրվա խորհրդով ներշնչված մեծ ապրումով կատարում է ճեմարանի գրաբար լեզվի դասախոս պրն. Երվանդ Մելքոնյանի՝ Եղիշե պատմիչի «Վասն Վարդանայ և հայոց պատերազմի» պատմական երկի հի-

ման վրա խմբագրած ու կազմած գրական-երաժշտական ապը (կոմպոզիցիա):

Ասքի կատարման ժամանակ, Նիլիզի հեղինակային խոսքի ընթերցմանը զուգահեռ, կարդացվում են Հազկերտ արքայի կատարի զայրույթն արտահայտող խոսքերն ու Միհրմեդյանի սպառնացող հրովարտակը, որով թելադրվում է հայերին «կա՛մ ուրանալ իրենց կրոնը և դրական պատասխան տալ մամակին և կա՛մ էլ ներկայանալ Մեծ Դուռն արքայի»:

Ի պատասխան այս ամենի, հոգևոր ճեմարանի ողջ ուսանողությունը միախորհուրդ ընթերցում է հայ ժողովրդի միասնական կամքն արտահայտող մերժողական հետևյալ գիրը.

«Այս հավատից մեզ ոչ ոք չի կարող խախտել, ո՛չ հրեշտակները և ո՛չ մարդիկ, ո՛չ սուրը և ո՛չ հուրը, ո՛չ ջուրը և ո՛չ էլ որևէ այլ հարված: Ձեր կողմից տանջանք, իսկ մեր կողմից հանձնառություն, ձեր սուրը և մեր պարանոցը»:

Ապա առանձին-առանձին ընթերցվում են Հովսեփ կաթողիկոսի, քաջարի Ղևոնդ երեցի և կաղնեբազուկ Վարդան զորավարի հորդորանքի ու քաջալերանքի հուժկու և ոգևորիչ խոսքերը, որոնք մղում են ողջ հայությանը՝ արյան գնով առաջնորդվել ի մարտ՝ հարազատ հայրենիքի ու ցանկալի կրոնի ազատության համար:

Ասքը համեմված էր նաև երաժշտական տարբեր հատվածներով: Այսպես, մեջ ընդ մեջ կատարվում են «Նորահրաշ» շարականը և «Բամ փորոտան» ու «Լոնց...» հայրենաշունչ երգերը:

Գեղարվեստական բաժնի ավարտից հետո ճեմարանի տեսուչ Տ. Եզնիկ քհն. Պետրոսյանը հրավիրում է հանդիսությունը մահազահող Վեհափառ Հայրապետին տալու Իր օրհնության խոսքը:

ՎԵՀԱՓԱՌ ԷԱՅՐԱՊԵՏԻ ՕՐՀՆՈՒԹՅԱՆ ԽՈՍՔԸ

(26 փետրվարի 1981 թ.)

Նաև այս տարի Մեզ համար հոգեկան բացառիկ մխիթարություն եղավ՝ Սրբոց Վարդանանց հիշատակության օրին, ներկա գտնվելու մախ Մայր տաճարում սրբազան արարողությանը և գոհաբանական մաղթանքին, և այստեղ հիմա այս հանդիսության՝ կազմակերպված մեր հոգևոր ճեմարանի տեսչության կողմից:

Կարծում ենք, այս զգացմունքը դուք ևս բաժանում եք, սիրելի ներկաներ, և գոհ եք, որ մասնակցում եք Մեզ հետ միասին այս հանդիսության:

Մենք գոհունակությամբ լսեցինք անշուշտ նաև եկեղեցում արտասանված քարոզը՝ տեսուչ տեղ հոր կողմից, ինչպես նաև այստեղ արտասանված ճառը՝ մեր դասախոսներից պրն. Բաբգեն Ներսիսյանի կողմից պատրաստված, որը Մեր վրա բացառիկ տպավորություն գործեց իր պատմական դեպքերը հարազատ և ճշգրիտ կերպով ներկայացնելու հանգամանքով, իր գեղարվեստական ճաշակով և մանավանդ բոցաշունչ, ջերմ հայրենասիրական ոգով:

Մաղթում ենք, որ ինչպես անցյալում և ինչպես հիմա, նաև հետագային մեր հոգեվոր ճեմարանի դասախոսները հույ՜ն ոգեշնչումով և տեսիլքներով, գաղափարական ներշնչանքներով դաստիարակեն մեր նոր սերունդները, իբրև հավատավոր հոգիներ, իբրև հարազատ զավակները մեր ժողովրդին և իբրև անկաշառ հայրենասերներ:

Հայ ժողովրդի բազմադարյան պատմության մեջ, մոտ 8000-ամյա պատմության, ինչպես պատմաբանները մոտավորապես ճշտում են, կան երեք իրադարձություններ, որոնք մասնավոր կերպով բնորոշում են մեր ժողովրդի ազգային նկարագիրը, դիմագծությունը, բնորոշում են և բյուրեղացնում՝ այնպես ամբողջական և կատարյալ կերպով, որ մնում են խորհրդանշիչ և ուղեցույց մեր ժողովրդի համար բոլոր ժամանակներին ի գործը:

Այդ պատմական երեք իրադարձություններն են. առաջինը՝ չորրորդ դարու սկզբին քրիստոնեության ընդունումը համայն մեր ժողովրդի կողմից և պետական կրոն հռչակումը, Ս. Գրիգոր Լուսավորչի օրով: Երկրորդ իրադարձությունը՝ տառերի գյուտը, Ե դարու առաջին կեսին. տառերի գյուտը, Ս. Գրքի թարգմանությունը հայերեն լեզվի, և հետևաբար՝ սկզբնավորությունը հայ գրականության և նույնիսկ, Մենք ճշտում ենք ասել, սկզբնավորումը ընդհանրապես հայ մշակույթի: Որովհետև Մենք հավատում ենք, որ Ս. Մեսրոպ ոչ միայն հայ ալբուրները կազմավորեց և մյուս թարգմանիչների հետ հայերեն լեզվով թարգմանեց Աստվածաշունչը, այլ նաև այդ պահից ծնունդ առավ հայ մշակույթի զգացողությունը՝ ինքնուրույն հայկականի, և տարածվեց նաև ստեղծագործության մյուս բնագավառների վրա: Այդ իմաստով է, ևս թնշում ենք, որ Ս. Մեսրոպը կարելի է նկատել նաև ընդհանրապես հայ մշակույթի սկզբնավորող: Վերջապես, երրորդ պատմական մեծ դեպքը, երևույթը՝ այդ հենց Վարդանանց հերոսամարտն է, որի մասին դուք լսեցիք արդեն և դասախոսության բովանդակությունից և քիչ առաջ՝ գեղարվեստ-

տական ներկայացումից, որ մեր ուսանողները ներկայացրին այնքան հաջող և հուզիչ կերպով, որի համար պետք է շնորհավորել կազմակերպիչներին:

Վարդանանց պատերազմը, որ ինչպես ինքը Եղիշեն էլ բնորոշում է, տարվեց հանուն հավատի և հանուն հայրենիքի, «Վասն հաւատոյ և վասն հայրենեաց»:

Այս երեք պատմական իրադարձությունները, որոնք շատ հեռու չեն իրարից, ընդամենը մի 150 տարվա պատմության տարածքի վրա գտնվելով, սխալ պիտի լինեին իրարից անջատ նկատել և անջատ հասկանալ: Նույնիսկ Մեր կարծիքով անջատ կարելի չէ հասկանալ: Երեքն էլ մեկ ամբողջություն են կազմում: Այդ երեք իրադարձություններն էլ խորհրդանշում են, ներկայացնում են, կատարելագույն ձևով և չափով, հայ ժողովրդի ոգեկանությունը, գաղափարականությունը: Հայ ժողովուրդը, ճիշտ է, պատմականորեն ծնունդ է առել հավանաբար շուրջ 3000 և ավելի տարիներ մեզանից առաջ, բայց իսկապես, բառին ճշմարիտ իմաստով, ազգային իմաստով, ազգային գիտակցությամբ կազմավորման իմաստով, հայ ժողովուրդը իբրև այդպիսին ծնունդ առավ հենց Դ և Ե դարերի այդ ժամանակահատվածում, որի մասին խոսում ենք:

Եթե այդ իրադարձությունները տեղի չունենային այն ժամանակ, դժվար թե հայ ժողովուրդը իբրև այդպիսին հետագա դարերին կարողանար իր ինքնության պահպանիչ, իբրև ուրույն ստեղծագործ ոգեկան արժեք ներկայացնող վավերական ազգ լինել սույն աշխարհի վրա:

Արդեն պետք է հավատանք պատմաբանների այն ուղիղ դատողության, թե «աշխարհի վրա չկան ազգություններ, այլ կան մշակույթներ»: Այսինքն՝ որ առանց ազգային ուրույն, ինքնադեմ մշակույթի ազգություն գոյություն չունի այս աշխարհի վրա: Այլ խոսքով՝ նրանք են վավերական ազգությունները և վավերական ժողովուրդները, որոնք վավերական սեփական, ինքնատիպ մշակույթ ունեն: Ահա այդ պրոցեսը կատարվեց մեր ժողովրդի կյանքում հիմնապես և վերջնականապես Դ դարու ընթացքին, մինչև Ե դարու կեսերը: Եվ այս Վարդանանց պատերազմը ևս անբաժանելի մասը կկազմե հայ ժողովրդի ոգեկանության, ավելին կարող ենք նույնիսկ ասել, թե նա հանդիսացավ գերագույն ապացույց մահով իսկ այդ ոգեկանության, իրենք

պաշտպանեցին և արյամբ կնքեցին ազգային իդեալները քրիստոնեության, մշակույթի և հայրենիքի:

Եվ պատմության ընթացքում հայտնի է մեզ բոլորիս, թե հայ ժողովուրդը հավատարիմ մնաց այդ երեք իրադարձությունների խորհրդին և պատգամին: Նույնիսկ վատթարագույն պայմանների մեջ, հրաշքի համագոր իրադարձության մեջ մահացավ և հարություն առավ, վերածնվեց մեր ժողովուրդը նույն ոգեշնչումով և այսօր էլ նա շարունակում է ապրել և՛ մայր հայրենիքից ներս, և՛ արտասահմանում, բայց մահավանդ մայր երկրում՝ կերտելով իր նոր հայրենիքը, վերաշինելով այն և ծաղկեցնելով, կերտելով իր առավել պայծառ ապագան:

Եվ մենք այսօր փառք պետք է տանք Աստուծո, որ մեր երկրում խաղաղության պայմաններում, արդեն իբրև ազգություն, ինքնավստահ և ինքնահաստատ կարողանում ենք ոգեկոչել մեր անցյալը, մեր հերոսներին, և ոգեշնչվելով նրանցից, շարունակելու մեր աշխատանքը առավել եռանդով, առավել նպատակապացությամբ և առավել հավատքով դեպի մեր սեփական ուժերը, առավել հավատքով դեպի մեր գալիքը:

Վարդանանք մեզ հետ են, մեզ հետ քայլում են, մեզ ներշնչում են, մեզ առաջնորդում և ապահովում մեր բոլոր արդար իդեերի ապագա իրականացումը:

Լույս և հավերժական փառք Վարդանանց շուրջ հիշատակին:


Վարդանանց նվիրված հանդիսությունը ավարտվում է խմբովին երգված Տերունական աղոթքով և Վեհափառ Հայրապետի «Պահպանիչ»-ով:

Ժամը 15-ին, օրվա տոնի առթիվ, Մայր Աթոռի միաբանական սեղանատանը տրվում է ճաշկերույթ, որին մասնակցում են Մայր Աթոռի ողջ միաբանությունը, հոգևոր ճեմարանի դասախոսական կազմն ու ուսանողությունը և այլ հյուրեր:

Իսկ ժամը 16-ին հոգևոր ճեմարանի բոլոր ուսանողները, ղեկավարությամբ ընդհանուր դաստիարակ Տ. Ստեփանոս արդ. Չաքալյանի, այցելում են Երևան և թարմ ծաղիկներ զետեղում ազգային մեծ հերոսի՝ սպարապետ Վարդան Մամիկոնյանի հուշարձանին:

Խոհանոց և օրհնություն, հավերժ փառք հիշատակին հայրենիքի համար զոհված Վարդանանց հերոսամարտիկներին:

ԶԱՏԻՎ ԱԲԵՂԱ ԱՎԵՏԻՔՅԱՆ



ՀԱՆԴԻՍՈՒԹՅՈՒՆ ԵՐԵՎԱՆԻ Ս. ՍԱՐԳԻՍ ԵԿԵՂԵՑՈՒՄ

Սույն թվականի փետրվարի 8-ին, առավոտյան ժամը 11-ին, Արարատյան հայրապետական թեմի առաջնորդական փոխանորդի ընտրության առթիվ, քաղաքամայր Երևանի առաջնորդանիստ Ս. Սարգիս եկեղեցում, բազմահազար հավատացյալների ներկայությամբ, սկսվում է հանդիսավոր և պատարագը: Պատարագիչն է մորթնտիր առաջնորդական փոխանորդ Տ. Արսեն եպս. Բերբերյանը:

Ս. պատարագին ներկա են Մայր Աթոռի Գերագույն հոգևոր խորհրդի անդամները, Արարատյան թեմի եկեղեցիների եկեղեցական խորհրդի նախագահները, վարչության անդամները և այլ հրավիրյալներ:

Ս. պատարագին ներկա է նաև Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահի տեղակալ տիար Անդրանիկ Հասրաթյանը:

Ժամը 12-ին, եկեղեցու զանգակների ուրախ դողանքի ներքո, «Հրաշափառ»-ով, տաճար է մուտք գործում և իր զանգին բազմում Ամենայն Հայոց Վազգեն Ա Վեհափառ Հայրապետը:

Վեհին այս առթիվ ուղեկցում էին Մայր Աթոռի միաբաններ Տ. Գրիգորիս վրդ. Բունիաթյանը և Տ. Զատիկ աթղ. Սվետիցյանը:

Տաճարում լուրջությամբ է: Եկեղեցու քառաձայն երկնետ երգչախումբը հանդիսավորապես կատարում է Մ. Եկմայանի Ս. Պատարագի երգեցողությունը:

«Հայր մեր»-ից առաջ Տ. Գրիգորիս վրդ. Բունիաթյանը ընթերցում է Վեհափառ Հայրապետի 30 հունվար 1981 թվակիր սրբատառ կոնդակը՝ Տ. Արսեն եպս. Բերբերյանին

նին Արարատյան հայրապետական թեմի առաջնորդական փոխանորդ նշանակելու վերաբերյալ (Հայրապետական սույն կոնդակը հրատարակվել է «Էջմիածին» ամսագրի 1981 թվականի հունվար համարում, էջ 6):

Հայրապետական կոնդակի ընթերցումից հետո շնորհակալական ջերմ խոսքով հանդես է գալիս պատարագիչ սրբազանը:

Տ. ԱՐՍԵՆ ԵՊՍ. ԲԵՐԲԵՐՅԱՆԻ ԽՈՍՔԸ

Վեհափառ Տեր,

Երախտագիտական խոր զգացումներով ունկնդրեցի՞նք հայրապետական Ձեր սրբատառ կոնդակը և նրա բովանդակության մեջ եղած ջերմ խոսքերը, որոնք իբրև պատգամ լուսավորելու են իմ հոգևոր կյանքի առաքելության ճանապարհը:

Սիրելի ներկաներ, այս սրբազան պատարագի ընթացքում ես վերհիշում եմ Հայոց Հայրապետին տված իմ խոստումը եպիսկոպոսական ձեռնադրության առթիվ, 1973 թվականի հոկտեմբերին, որի բովանդակությունը հետևյալն էր. խոստանում եմ և ուխտում՝ երբեք օրհնագանց չլինել, Եկեղեցու կարգը չարհամարհել, այլ շարունակել խրատել իմ խնամքին հանձնված ժողովրդին, սովորեցնել և հորդորել նրանց պահպանելու աստվածատուր և եկեղեցական օրենքները և հնազանդվել հոգևոր իշխանությանը ու ընդհանրապես՝ իմ կոչումից ու աստիճանից բխող պարտականությունների համաձայն իմ կամքն ու խորհուրդները, իմ մտքի գործությունն ու իմ ջանքերը ուղղել հոգուս իմ ժողովրդի և

նրանց հոգիների փրկությանը: Ուստի, այս ուխտի իմաստը խորապես գիտակցելով, այս սրբազան պահին հայցում եմ Ամենաբարձրյալին, որ առավել հոգևոր իմաստություն շնորհի ինձ՝ ամենայն սրբությանը և որոշադրելու վերոհիշյալ սկզբունքները ինձ հանձնված ժողովրդի կյանքում՝ համագործակցությամբ իմ հոգևոր եղբայրների»:

Իսկ այժմ, Վեհափառ Տեր, Ձեզ կրկին հավաստիացնում եմ, որ Ձեր կյանքի օրհնակով աշխատելու եմ միշտ վառ պահել մեր հավաստացյալների հոգում սուրբ հավատքը, եկեղեցական ավանդությունները ու հայրենասիրական զգացումները, որոնք կոչված են մեր ժողովրդի կյանքը լուսավորելու:

Թույլ տվեք այս առթիվ մաղթել Ձերդ Սրբության կենաց երկար տարիներ՝ հովվելու մեր ժողովրդին, ի Հայաստան և ի սփյուռս աշխարհի, այն աստվածահաճ շնչով, որ հատուկ է Ձեզ: Մեր մեծ և երանելի Հայրապետների շարքում Դուք Ձեր արժանի տեղը գրավեցիք դեռևս Ձեր կենդանության օրերին և երիտասարդ հասակում և դարձաք ոչ միայն մեր ժողովրդի ու հայրենիքի, այլև համաքրիստոնեական չափանիշով իրապես արժանավոր հովվապետ, և փառավորեցիք մեր ս. Եկեղեցին ու մեր պատվական ժողովուրդը:

Այնուհետև եկեղեցու Ավագ խորան է առաջնորդվում Վեհափառ Հայրապետը և տալիս իր օրհնությունն ու պատգամը օրվա հանդիսության առիթով:

ՎԵՀԱՓԱՌ ՀԱՅՐԱՊԵՏԻ ՔԱՐՈՉԸ
ԵՐԵՎԱՆԻ Ս. ՍԱՐԳԻՍ ԵԿԵՂԵՑՈՒՄ
(8 փետրվար 1981 թ.):

«Յանուն Հօր և Որդու և Հոգույն Սրբու, ամեն»:

Սիրելի ժողովուրդ, այս առավոտ, այս պայծառ երկնքի լույսով հագեցած, գալիս ենք Ս. Էջմիածնից՝ ձեզ բերելու Աստուծո օրհնությունը:

Ս. Էջմիածինն այն վայրն է, այն սրբատեղին, որտեղից ճառագայթում է և շողարձակվում Աստուծո օրհնությունը մեր բոլոր եկեղեցիների վրա, ի Հայաստան և ի սփյուռս աշխարհի, և հաճախ մեր հաչ ազգի գավակների վրա, ուր որ էլ գտնվելիս լինեն նրանք աշխարհի ճանապարհների վրա:

Ահա այդ օրհնության խոսքով գալիս ենք Մենք այս առավոտ այստեղ, այս Ս. Սարգիս եկեղեցու կամարների ներքև հանդիսավոր մի առիթով:

Նախ Մենք կուգենք զոհություն տալ Աստուծո Ամենակալին, որ մանավանդ վերջին տասնամյակներին իր օգնականությամբ և իր օրհնությամբ ճնշով հանդիսացավ մեզ՝ Մայր Աթոռիս, Հայաստանյայց Եկեղեցուն ի Հայաստան, որպեսզի Մեր բոլոր եկեղեցաշեն ծրագրերը քալ առ քալ կյանքի կոչվեն: Դուք, հայաստանցի հավատացյալներդ, տեղյակ եք մեր անցյալի ողբերգություններին և գիտեք, թե ամեն անգամ, երբ մեր հայրենի հողը և մեր ժողովուրդը տառապանքներ, հալածանքներ կրեցին՝ հաճախ նահատակվելով, այդ բոլոր դեպքերում նույն չափով և երբեմն նույնիսկ առավել չափով տուժեց, զոհվեց նաև մեր Եկեղեցին: Ծառ անգամ նահատակվեցին մեր Եկեղեցու հոգևոր ապաստարանները՝ եպիսկոպոսներ, վարդապետներ, քահանաներ, տարկավազներ: Այդ ժամանակները, փառք Տիրոջ, հեռացան մեզանից, և ահա այս վերջին տասնամյակներին, հայրենի վերաշինության թափին զուգահեռ, քալ առ քալ զարգացավ նաև եկեղեցական կյանքը, հոգևոր կյանքը, որի ականատեսներն եք դուք և վկաները:

Ահա այս հոգևոր-եկեղեցական առաքելության ճանապարհի վրա այսօր նոր մի էջ է բացվում Արարատյան թեմում, Արարատյան հայրապետական թեմում: Մենք դժբախտությունը ունեցանք կորցնելու մի քանի առիս առաջ Մեր փոխանորդին, հանգուցյալ Կոմիտաս արքեպ. Տեր-Ստեփանյանին: Նրա մահը եղավ անժամանակ և ողբերգական: Նա իր ուժերի լիության մեջ էր և սպասելի, որ տակավին մի քանի տասնամյակներ կարողանար իր ծառայությունները շարունակել: Ավա՜ղ, սակայն, ճակատագիրը այլ կերպ տնօրինեց, և նա հեռացավ մեզանից ընդմիշտ: Աստված լուսավորի նրա հոգին:

Առաջնորդական Աթոռը թափուր մնալով, Մեր առաջ խնդիր դրվեց, բնականաբար, ընտրել, նշանակել հաջորդին: Եվ մեր բոլորիս հայացքը կենտրոնացավ մեր երիտասարդ ուժերից գերաշնորհ Արսեն եպիսկոպոս Բեքբերյանի վրա, որ վերջին տարիներին ձեռնհաս կերպով վարում էր Մայր Աթոռի դիվանապետի պատասխանատու պաշտոնը, և որից Մենք զոհ էինք: Բայց այս կացության մեջ առաջնահերթ կարևորություն ուներ Արարատյան թեմը: Արարատյան թեմը հայրապետական թեմ է ոչ միայն այն իմաստով, որ Հայրապետն է առաջնորդը, այլ նաև այն իմաստով, որ առաջինն է մեր թեմերի շարքին: Պատմականորեն իրապես առաջին փնակն է, որովհետև Արարատյան աշխարհն է, որ Հիսուս



ՎԵՀԱՓԱՌԻ ՀԱՅՐԱՊԵՏԸ ԵՐԵՎԱՆԻ Ս. ՍԱՐԳԻՍ ԵԿԵՂԵՑՈՒՄ ՔԱՐՈՉԵԼԻՍ (1981 թ. ՓԵՏՐՎԱՐ 8)

իջավ, և որի հողի վրա հիմնվեց Ս. Էջմիածին, Հայաստանյայց Եկեղեցին, Կաթողիկոսություն, Հայրապետություն:

Ահա այս պատասխանատու պաշտոնը Մենք վստահում ենք սիրելի Արսեն եպիսկոպոսին: Մենք գիտենք, Մեր անձնական փորձառությունից, որ աշխատող մարդը, մի մեծ գաղափարի նվիրված անձը իր աշխատանքի ճանապարհին իր ուժերը կրկնապատկում է: Նույնիսկ անկախ իր կամքից, իրերի բնական բերումով, պարտականության գիտակցությունը և աշխատանքի թափը մղում են նրան դեպի այնպիսի իրագործումներ, որոնց ինքն էլ գուցե չէր սպասում մինչ այդ պաշտոնին կոչվելը:

Մարդիկ ինչպես հակառակ են երբեմն երբեմն տալիս իրենց և հետ անհանգիստ և նույնիսկ կործանվելու, աղասերելու, նույնչափով մարդիկ ընդունակ են նաև ինքզինքնին գերազանցելու, իրենց ուժերը բազմապատկելու և նվիրվելու ամբողջական ուժերով, մեծ գաղափարների իրագործման:

Ուրիշ խոսքով, գուցե ավելի գործնական ու հասկանալի ձևով պիտի ասենք ձեզ, որ մարդիկ իրենց աշխատանքի ճանապարհին ներշնչվում են ու նոր մարդիկ են դառնում: Որտեղից գալիս է այդ ներշնչանքը՝ երկրներից, մեր հոգուց, մեր շրջապատից, դժվար է ճշտել, բայց ներշնչանքը կա:

Մշմարիտ գաղափարապաշտ մարդիկ իրենց առաքելության ճանապարհին ներշնչվում են, այո՛, պաշտառակերպվում են և իրենց ուժերը բազմապատկում և գերազանցում են իրենց իրենց:

Ահա այս մեծ, հրաշակերտ ներշնչանքը մարդուն ենք Մենք ձեզ, սիրելի սրբազան: Մենք վստահ ենք նաև, որ սրբազանը՝ Արսեն եպիսկոպոս, իր աշխատանքի ճանապարհին պիտի վառվե ոչ միայն Մեր անձնական վստահությունը և քաջալերանքը, այլ նաև մեր պետական իշխանության, որի ռադառակա՛ մերաբերմունքից շատ բան կախում ունի ռեականաբար մեր եկեղեցական կյանքում:

Եվ աստեղ Մենք ասեք է հղճի պարտք հաճախել վկայելու ձեր առջև մի անձամբ ևս, որ այս վերջին տարիների բոլոր Մեր եկեղեցական-շինարարական, կազմակերպչական, հոգևոր-կրթական և այլ իրագործումները մեծ չափով կապարտինք նաև մեր հայրենի հարազատ պետության բարյացակամ և քաջալեր վերաբերմունքին:

Այս պահին Մենք կոչ ենք անում Արարության թեմի քահանայից դասին, վարչական մարմիններին, որ ձեր շուրջ համախորհված՝ մեկ սիրտ, մեկ հոգի, համե-

րաշխ, փոխադարձ հարգանքով և մանավանդ կարգապահությամբ, կարողանան ամեն մեկը իր աշխատանքը արժեքավորելու ընդհանուր գործի հառաջդիմության ի խրմիր:

Եկեղեցու կամարների ներքև, ինչպես Պողոս առաքյալն է պատգամում, մեր բոլոր գործերը, ամեն ինչը պետք է լինեն սիրով:

Եթե եկեղեցու կյանքից սերը և փոխադարձ հարգանքը և կարգապահությունը պակսի, դա կնշանակի մի տեսակ սրբապղծում, մի տեսակ ժխտում հոգևոր կյանքի առաքելության: Մեր առաքելությունը հիմնականում՝ բարոյական է, ընտանեկան, ընկերային, հայրենական կյանքի մեջ:

Ավետարանը՝ Հիսուսի Ավետարանը հիմնականում մարդկային կյանքի բարեկրթման, ազնվացման օրենք է: Այս գիտակցությամբ է, որ մենք հոգևորականներս իրավունք կունենանք այս վեղարը և այս սերունդը կրելու, խաչը ձեռքներիս առնելու և Ավետարանի անունով խոսելու: Այլապես, ինչպես Պողոս առաքյալն է ասում, կլինենք ոչ թե հոգևորականներ, այլ խոսքի վաճառականներ: Հեռու մեզանից այդպիսի առևտուր:

Սիրելի ժողովուրդ, այս պահին թույլ տվեք ձեր բոլորի ներկայության շնորհավորել մեր սիրելի սրբազանին և, իբրև նշանակալի արտահայտություն Մեր այս շնորհավորանքի և բարեմաղթությունների, իր կրծքին գետեղել այս գեղեցիկ պանակեն:

Սիրելի սրբազան, ահավասիկ ձեր Մայր Եկեղեցին՝ Ս. Սարգիսը, ահավասիկ ձեր ժողովուրդը, ձեր հոգևոր դասը, ձեր վարչական մարմինները, պաշտոնեությունը, նրանց հետ ձեռք-ձեռքի տված դեպի հառաջ ընթացեք և մխիթարեցեք ու ուրախացրեք Մեզ ձեր հաջողություններով:

Աստված Ձեզ օրհնի և միշտ օգնական և պահապան լինի:

Իսկ ձեզ, սիրելի ժողովուրդ, բոլորիդ բաշխում ենք Աստուծո օրհնությունը և աղոթում ենք ձեր բոլորի քաջառողջության, ձեր բոլորի հայրենամեկը գործոց հաջողության համար:

«Շնորհք, սեր և խաղաղություն՝ Տեառն մերոյ Յիսուսի Քրիստոսի եղիցին ընդ ձեզ, ընդ ամենեսեանդ. ամեն»:

Քարոզից հետո Վեհափառ Հայրապետը հանդիսավորապես Արսեն եպիսկոպոսին է հանձնում առաջնորդական գավազանը:

Հավարտ ս. պատարագի բոլորը շնորհավորում են Արսեն սրբազանին և բարե-

րաստականությունը՝ միշտ հայրենիքի կողքին լինելու, ամեն գնով, ամեն անգամ:

Մենք միայն մեր երկրի, մեր հայրենիքի շահերով պիտի ղեկավարվենք՝ առանց աջձախ նայելու: Մեր երկրի շահը, մեր երկրի անվտանգությունը, մեր երկրի ապահովությունը և կյանքի հառաջդիմությունը մեր գերագույն մտասկզբունքներն են:

Հայ հոգևորականի հոգուց, սրտից անբաժան է հայ հայրենիքի գիտակցությունը: Հայրենասիրություն՝ մեր այսօրվա Սովետական Հայաստանի հիմքերի վրա խալըսված:

Վստահ ենք նաև, որ Արարատյան թեմի Մեր նոր փոխանորդը նույն զգացումներով և նույն գիտակցությամբ պիտի ղեկավարվի, ինչպես նրա բոլոր գործակիցները: Մենք խոստանում ենք, Մենք ցանկանում ենք սիրով հետևելու, որ բոլոր Մեր գործակիցները այս գիտակցությամբ գործեն մեկ մարդու նման:

Թույլ տվեք, պրն. Պարսամյան, Ձեզ քաջառողջություն մաղթել:

Կեցցե մեր վերածնված Հայրենիքը:

Եկեղեցաշեն փայլուն հաջողություններ ենք մաղթում գերաշնորհ Տեր Արսեն եպիսկոպոսին Աստուծո օգնականությամբ և օրհնությամբ:

Վեհափառ Հայրապետի ելույթից հետո, ընդունելության ժամանակ, առաջինը շնոր-


հավորական խոսքով հանդես է գալիս ՀՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ տիար Ռուբեն Պարսամյանը՝ հաջողություններ մաղթելով Արարատյան թեմի նորընտիր առաջնորդական փոխանորդ Տ. Արսեն եպս. Բերբերյանին:

Ապա սեղանի շուրջ Տ. Արսեն եպս. Բերբերյանին ողջույնի և շնորհավորական խոսք են ասում Երևանի Ս. Սարգիս եկեղեցու եկեղեցական խորհրդի նախագահ պրն. Վալտեր Արամյանը, Արարատյան թեմի առաջնորդական փոխանորդի օգնական փոխանորդ Տ. Գարեգին արք. Ներսիսյանը, Գերագույն հոգևոր խորհրդի անդամ պրոֆ. Կարպիս Կարազյանը, Ս. Սարգիս եկեղեցու ավագերեց Տ. Ռուբեն քհն. Մարտիրոսյանը, պրոֆ. Զավեն Դոլաթջյանը և ուրիշներ: Ընդունելությունն ավարտվում է Վեհափառ Հայրապետի Գոհաբանական աղոթքով և «Պահպանիչ»-ով:

«Էջմիածին» ամսագրի խմբագրությունը ջերմորեն շնորհավորում է Տ. Արսեն եպս. Բերբերյանին՝ բարեմաղթելով նրան առաջնորդական բեղմնավոր, հոգեշեն և հայրենամեկ գործունեություն՝ ի պայծառություն մեր Մայր Եկեղեցու և ի մխիթարություն հայ հավատացյալ ժողովրդի:

ԶԱՏԻԿ ԱՐԵՂԱ ԱՎԵՏԻՔՅԱՆ





ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 1-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Անանիա վրդ. Արարաջյանը և «Հայր մեր»-ից առաջ քարոզում «Խնդրեցէ՛ք՝ և տացի ձեզ, հայցեցէ՛ք՝ և գտցիք, բախեցէ՛ք՝ և բացցիմ ձեզ» (Մատթ. է 7) բնաբանով:

Ս. պատարագին ներկա էր Վեհափառ Հայրապետը:

Ս. պատարագին ներկա էր Վեհափառ Հայրապետը:

*
* *

Փետրվարի 11-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում «Ավետարանի հայ միջնադարյան մեկնությունները» թեմայով զեկուցում է հոգևոր ճեմարանի տեսուչ Ս. Եզնիկ քհն. Պետրոսյանը:

*
* *

Փետրվարի 4-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

*
* *

Փետրվարի 6-ին, ուրբաթ.—Այսօր Վեհարանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստ:

*
* *

Փետրվարի 13-ին, ուրբաթ.—Այսօր, երեկոյան, Մայր տաճարում տեղի է ունենում Տեառնընդառաջի նախատոնակի ժամերգություն՝ նախագահությամբ Վեհափառ Հայրապետի:

Նույն օրը, երեկոյան ժամը 19-ին, Վեհափառ Հայրապետի ներկայությամբ, ճեմարանի մարզադաշտում վառվում է Տեառնընդառաջի ավանդական խարույկը:

*
* *

Փետրվարի 8-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Մովսիս վրդ. Սարգսյանը և «Հայր մեր»-ից առաջ քարոզում «Մի՛նչդեռ յաշխարհի եմ, լոյս եմ յաշխարհի» (Հովհ. Թ 5) բնաբանով:

Փետրվարի 14-ին, շաբաթ.—Տեառնընդառաջ. Տօն քառասնօրեայ գալստեանն Քրիստոսի ի տաճարն.

Այսօր Մայր տաճարում, Ավագ խորանի վրա, օրվա խորհրդի առթիվ ա. պատարագ է մատուցում Ս. Բարսեղ քին. Հագարյանը:

* *

Փետրվարի 15-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում Ս. Ստեփանոս արք. Չաքալյանը և «Հայր մեր»-ից առաջ քարոզում «Ես եմ հացն կենաց. որ գալ առ իս ո՛չ քաղցիցե, և որ հաւատայ իս ո՛չ երբեք ծառաեսցի» (Հովհ. Զ 35) բանքանով:

Ս. պատարագին ներկա էր Վեհափառ Հայրապետը:

* *

Փետրվարի 18-ին, չորեքշաբթի.—Այսօր Երևանում վախճանվեց Գերագույն հոգևոր խորհրդի նախկին անդամ, գրականագետ, բանասիրական գիտությունների դոկտոր, պրոֆեսոր, ՀՍՍՀ գիտությունների ակադեմիայի Մանուկ Աբեղյանի անվան գրականության ինստիտուտի ավագ գիտաշխատող Գրիգոր Արշակի Հակոբյանը:

Այս առթիվ Հայոց Հայրապետը ցավակցական հետևյալ գրությունն է ուղարկում 19 դեկտեմբեր թվագրով տիկին Հակոբյանին.

ՍԳԱԿԻՐ ՏԻԿԻՆ ՀԱՎՈՐԱՅՈՒՆԻՆ

Երևան

Այսօր վշտով լսեցինք Ձեր ամուսնու՝ վաստակավոր գրականագետ Գրիգոր Հակոբյանի վաղաժամ մահվան մասին և այսու ներկայացնում ենք Մեր խորին ցավակցությունը Ձեզ և Ձեր ընտանիքին:

Հանգուցյալը իր կյանքով, իր տաղանդով ու իր ողջ գրական գործունեությամբ անսահման սիրով նվիրված էր մեր ժողովրդին, մանավանդ վերջին տարիներին արժեքավոր գործեր հրապարակելով:

Նա կարևոր ծառայություն մատուցեց նաև Մայր Աթոռ Սուրբ Էջմիածնին տարիներ շարունակ իբրև անդամ Գերագույն հոգևոր խորհրդի:

Հարգանք և օրհնություն՝ Գրիգոր Հակոբյանի կյանքին ու բեղուն վաստակին և նրա արդար հոգուն:

Թող Տերը միշտ յուսավոր պահի Գրիգոր Հակոբյանի բարի հիշատակը:

ՎԱԶԳԵՆ Ս.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

19 փետրվար 1981 թ.

* *

Նույն օրը Վեհաքանում տեղի է ունենում դասախոսություն՝ «Հայ ժողովրդի ծագումը» թեմայով: Դասախոսությամբ հանդես է գալիս լեզվաբան և Երևանի համալսարանի դասախոս, դոկտ., պրոֆ. Ռաֆայել Իշխանյանը: Նոր ուսումնասիրության լույսի տակ զեկուցողը հանգամանալից խոսքով փորձում է ապացուցել, որ հայերը բնիկներ են և ոչ թե՛ եկվոր, և որ մ. թ. ա. Զ հարյուրամյակից այս կողմ Հայկական բարձրավանդակի վրա հիշվող բոլոր պետությունները հայկական են: Իր այս դրույթը ապացուցելու համար հարգելի դասախոսը բերում է մի շարք փաստեր:

Վերջում հարգելի դասախոսը հանգամանորեն պատասխանում է ներկաների տված հարցերին:

Սույն դասախոսությանը ներկա էր Վեհափառ Հայրապետը:

* *

Փետրվարի 22-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում Ս. Խաչատուր քին. Ֆրանգյանը:

Ս. պատարագին ներկա էր Վեհափառ Հայրապետը:

* *

Նույն օրը ուխտավորաբար Մայր Աթոռ է ժամանում Ս. Արիս եպս. Ծիրվանյանը: Երևանի օղանավակայանում սրբազան հորը դիմավորում է Ս. Մովսիս վրդ. Սարգսյանը:


* *


Փետրվարի 25-ին, չորեքշաբթի.—Այսօր Վեհաքանում, Վեհափառ Հայրապետի նախագահությամբ, գումարվում է միաբանական հեղթական հավաքույթ:

* *

Փետրվարի 28-ին, շաբաթ.—Այսօր, Վեհափառ Հայրապետի նախագահությամբ, կատարվում է երեկոյան հանդիսավոր ծամերգություն, որի վերջում, Մեծ պահքի առթիվ, «ծածկեն Սեղանն վարագուրի»:

Սկսվում է Մեծ պահքի հոգեշեն շրջանը:





ԾԻՐԱԿԻ ԹԵՄՈՒՄ

Փետրվարի 26-ին, հինգշաբթի.—Տոն «Սրբոց Վարդանանց զօրավարացն մերոց՝ հազար երեսուն և վեց վկայիցն...» և «Տօն անուանակոչութեան Նորին Վեհափառութեան Ս. Ս. Վազգենի Առաջնոյ Սրբազնագոյն կաթողիկոսի Ամենայն Հայոց».

Վարդանանց պատմությունը կամ Ավարայրի ճակատամարտը, արձանագրված պատմիչ Եղիշեի կողմից Ե դարում, այսօր էլ խորին ակնածանք ու ամենաջերմ գգացումներ է արթնացնում ամեն մի հավատացյալի, ամեն մի հայի սրտում:

Ավարայրը եկեղեցական տոն լինելուց բացի, համազգային ճշմարտության տոն է: Ահա այս է պատճառը, որ Ծիրակի թեմի կենտրոն Լենինականի Ս. Աստվածածին առաջնորդանիստ եկեղեցում հավաքվածները՝ թեմական և եկեղեցական խորհուրդներ, քահանայից դաս, հավատացյալ ժողովուրդ և այլ հրավիրյալներ, ում համար այս խորհուրդը արդյես թանկ է ու մասնունդն ու անձր Հայոց Հայրապետի այդպես սիրելի, եկել էին ներկա գտնվելու օրվա հանդիսությանը նվիրված հոգևոր համերգին՝ նախագահությանը ներքո Ծիրակի թեմի առաջնորդ Ս. Նարեկ եպս. Ծաքարյանի:

Ներկաներին իր խոսքն ուղղեց առաջնորդ սրբազանը՝ ներկայացնելով Վարդանանց խորհուրդը մեր ժողովրդի և Եկեղեցու կրանքում:

Տ. ՆԱՐԵԿ ԵՊԻՍԿՈՊՈՍ ԾԱՔԱՐՅԱՆԻ ԽՈՍՔԸ

Այսօր եկեղեցական և համազգային մեծ տոն է՝ տարեդարձը Սրբոց Վարդանանց 1036 վկաների:

Հավաքվել ենք այստեղ՝ ուրախ և երջանիկ նշելու մասն անվանակոչության տոնը Ս. Ս. Վազգեն Ա կաթողիկոսի Ամենայն Հայոց:

Այսօր երախտագիտության, բարի և վեհ գգացումների օր իսկ է, երբ մեր մոտածուները ուղղված են դեպի Ս. Էջմիածինը, ուր առաջին անգամ 451 թ. շողաց սուրբ Վարդանի, և դեպի Հայոց Հայրապետը, որը Ղևոնդյան ուխտապահ հոգևորականության օրինակով առաջնորդում է Հայոց Եկեղեցին խաղաղ ու ապահով:

Մենք, Ծիրակի թեմի առաջնորդություն և հավատացյալ ժողովուրդ, երախտապարտ ենք Հայոց Հայրապետին, Իր հոգածության և ուշադրության համար դեպի մեր համայնքը: Այդ սերն էր, որ հայրական վերաբերմունքովը Հայոց Հայրապետի եկեղեցիս օծովեց երաժշտական թանկարժեք մի գործիքով, որը երեք տարի առաջ եկավ այստեղ գեղեցկացնելու համար երգեցողությունը մեր ս. պատարագի:

Վազգեն Ա կաթողիկոսը մեր հոգևոր հայրն է՝ հովվապետ բարի և անձնոյր, մասն մեր այս շեն ու խաղաղ օրերի Հովսեփ կաթողիկոսը, հայրենի խաղաղ ու ապահով պարմաններում:

Վարդանանց պատերազմը միայն պատմություն կամ դուցազնություն չէ, այլև մերձկանօհ աղբյուրը բոլոր դարերի համար, ոգեղեն մի ուժ, հրեղեն մի պլուն մեր հայրենիքի երկնականմարում հավիտյանն փալլող: Ավարայրը մղվեց, որպեսզի հաճախ ժողովուրդն ու Եկեղեցին միշտ լույս և կրանք ունենան, առաջադիմություն՝ մեզ դեպի ապագան տանող: Այո՛, այդ մասն նրանցով չէ՛ր, որ սերնդից սերունդ Ավարայրի խորհուրդը է՛լ ավելի նվիրականա-

ցավ և շարունակվեց, մինչև հայրենական վերածննդյան այս խոստումնալից օրերը, անչափ որքան դիպուկ է, ուրեմն, բանաստեղծի մտածումը թե՛

«Դարերը կանցնին՝ բայց Վարդանը քաջ,
Բայց Վարդանը Սուրբ կերթա միշտ

առաջ...»:

Զիհներ ոգին այս եկեղեցասեր և հայրենամուկ վկաների, չէր լինի ինչպես Ս. Էջմիածինը, այդպես էլ այս հայրենին, Հայաստանը, այսօր մոխիրներից հառնած, մարմնացումը մեր դարավոր ազգային հույսերի:

Թող այսուհետև էլ Վարդանանց հերոսների ու սրբերի ոգին դառնա ուղեհիշ ու պայծառ աստղը մեր բոլոր մաքառումների, խոյանքների, հանուն Ս. Էջմիածնի և մեր վերածնած մայր հայրենիքի:

Ծնորհավորելով Վեհափառ Հայրապետի անվանակոչության տոնը, մաղթենք Նրան քաջառողջություն, երկար ու խաղաղ գահակալություն՝ արևշատ օրերով:

Հանդիսությանը բացառիկ շուք տվեց այդ առթիվ պատրաստված հոգևոր համերգը, եկեղեցու քառածայն խմբի կողմից՝ ղեկավարությամբ խմբավար Արամ Աղաբաբյանի: Հոգևոր համերգի ծրագիրը պատրաստված էր ճաշակով: Ծրագրում կային Ներսես Ծնորհալին, Կոմիտաս վարդապետը, Մակար Եկմալյանը և արևմտաեվրոպական կոմպոզիտորներից՝ Բախը, Հենդելը, Շու-

բերտը և ուրիշներ: Երգերը կատարվեցին եկեղեցական ու դասական ոճին բնորոշ զսպությամբ և ոգևորությամբ:


Տոնական այդ պահին և ներկաների տրամադրության մեջ դարերի շունչն ու հոգին էին սավառնում այս նույն խնկարույր կամարների տակ: Հատկապես այն պահին գեղեցկորեն հնչեց Ն. Ծնորհալու Վարդանանց նվիրված «Արիացեալք» ստեղին, Ա. Աղաբաբյանի մշակմամբ:


«Հայրապետական մաղթանք»-ով բացվեց հոգևոր համերգը:

Ոչ միայն երգերի, այլև երգեհոնի հընչյուններից գերված բազմության ունեցած քար լուծյալ մեջ էլ կար մի անպատմելի խորհուրդ: Դա երախտիքի զգացումն էր դեպի այսօրվա Հայոց Հայրապետը, դեպի Վարդանանք, դեպի Հայց. Եկեղեցին հոգևոր օրորոցը մրանց բոլորի: Երախտագիտություն առ Աստված և առ մեր Սուրբ և Առաքելական Եկեղեցին և դեպի անձը՝ Նորին Սուրբ Օծություն Ս. Ս. Վազգեն Ա կաթողիկոսը Ամենայն Հայոց:

Վարդանանց սրբերի 1530-րդ տարեդարձը մահա առավոտյան ս. պատարագով և օրվա հորհրդին նվիրված քարոզով՝ արտասանված Ս. Նարեկ եպս. Ծաքադյանի կողմից, Հայրապետական մաղթանքից առաջ, ահա և երեկոյին այս համերգը, ամենօրեի կմնան ներկաներից ամեն մեկի սրբություն:

ԿԱՐԻՆԵ ՂԱՎԱԶՅԱՆ





ԱՂՈԹՔԻ ԿԱՐԵՎՈՐՈՒԹՅՈՒՆԸ

«Յանուն Հօր և Որդւոյ և Հոգւոյն Սրբոյ.
ամէն»:

«Ընդդէմէք և տացի ձեզ, հայցեցէք և
գտցիք, բախեցէք և բացցի ձեզ» (Մատթ.
Է 7):

Սիրելի հավատացյալ ժողովուրդ,

Բոլոր այն մխթարություններից, որոնք
մարդ կարող է ստանալ այս աշխարհում,
ոչ մի բան չի կարող համեմատության մեջ
դրվել այն հոգեպարար երանության հետ,
որ կարող է մեզ տալ աղոթքը:

Աղոթքը մարդու սրտի և հոգու վերա-
ցումն է դեպի Աստված, Վերջինիս հետ
նրա ներքին զրույցը: Ինչպես ասում է
մեծն Նարեկացին՝ «Ի խորոց սրտի խօսք
ընդ Աստուծոյ», այսինքն՝ սրտի խորքերից
խոսք Աստուծո հետ:

Դեռևս Հին Կտակարանում (Գիրք Երկ-
րորդումն Օրինաց) Աստված պատվիրում է
մեզ օրհնել «զՏէր Աստուած քո ի վերայ
երկրին քարոյեան զոր ետ քեզ... յիշեա-
ցես, զի նա տայ քեզ ոյժ առնել զօրոյսին»
(Ը 10, 18): Նույնն է պատվիրում Նա եզե-
կիել մարգարեի քերականով՝ ասելով. «Եւ
հնչեցէք առ ին զբանս ձեր, և ես լուայ»
(ԼԵ 13):

Ոչ միայն խնկարույր աղոթքներ, այլ նաև
հիասթափեցնող քանաստեղծություններ կարելի
է համարել Հին Կտակարանում տեղ գտած
Սաղմոսաց և Ժողովուրդի գրքերը:

Ս. Գրքում շատ են այնպիսի օրինակնե-
րը, երբ մեծ մարդիկ, սուրբեր, աղոթքի
շնորհիվ կատարում էին քազում մարդկա-
յին ուժերից վեր գործեր: Այդպես էր Մով-
սես մարգարեն, երբ քառասուն տարվա ա-
նապատում դեգերումից հետո կարողացավ
ստաջնորդել իր ժողովրդին Ավետյաց Եր-
կիր: Այդպիսին էին մեծ մարգարեները,
քահանայապետներն ու ստաջնորդները:

Ավետարանում, որն ինչպես գիտենք,
նվիրված է մեր Փրկչի՝ Հիսուս Քրիստոսի
կյանքին ու գործունեությանը, նույնպես
շատ են աղոթքի անհրաժեշտության և օգ-
տակարության վերաբերյալ օրինակները:
Քրիստոս ինքն է սովորեցնում իր աշա-
կերտներին «Հայր մեր» աղոթքին, որի հա-
մար և այն կոչում ենք Տերունական, այ-
սինքն՝ մեր Տիրոջ կողմից հաստատված:

Քրիստոսի կյանքի մեծագույն իրադար-
ձությունները առաջնորդվում էին ոչ այլ
կերպ, քան աղոթքով: Հիշենք թեկուզ Գեթ-
սեմանի պարտեզում Նրա ձերբակալումից
և մահվան դատապարտվելուց առաջ կա-
տարած արտահմիկ աղոթքը առ Աստված:

Քրիստոսի հարությունից և համբարձու-
մից հետո Նրա աշակերտները՝ առաքյալ-
ները, ապրում էին իրենց ամենօրյա ա-
ղոթքներով: Նրանք աղոթում էին իրենց
ծանր, քազում հալածանքներով լի կյանքը
պատվով ավարտելու, փառքով պսակելու

ու Երկնային Թագավորությանը արժանապատիվ համար: Այս առթիվ Պողոս առաքյալը իր «Առ Եփեսացիս» թղթում ասում է. «Ամենայն աղօթիք և խնդրածովք աղօթյալ առնել յամենայն ժամանակի Հոգուով, և ի նոյն տքնեսիք ամենայն ծուծկալութեամբ և խնդրածովք վասն ամենայն սրբոց» (Զ 18—19):

Եկեղեցական մեծ հայրերը և մեր ուսուցիչները, ողջ եկեղեցական պատմությունը լավագույն վկայությունն են աղոթքի ու նրա վրա հիմնված քրիստոնեական հավատքի անհրաժեշտության:

Ահա այսպիսի կարևորություն է ներկայացնում մեզ համար աղոթքը, սիրելի հավատացյալներ: Եթե կարելի է այսպես արտահայտվել, աղոթքը մարդու հոգևոր կյանքի առաջին պայմանն է, նրա շունչը: Ինչպես մարմնավոր մեր շնչառությունը անհրաժեշտ է գոյության համար կարևոր ուժերը պահպանելու, այդպես էլ աղոթքը օգնում է մարդուն՝ իր մեջ ընդունելու հոգևոր գոյի՝ Աստուծո ներկայությունը մեր մեջ: Ինչպես ծովի կամ օվկիանոսի հատակում եղած մարգարիտները մի տեսակ կաղապարվում, արտաքուստ պաշտպանվում են աճխոցելի պատյաններով՝ խեցիներով, այդպես էլ կյանքում մեր հոգու մաքրամաքուր մասերը պարուրում ենք, զրահավորում աղոթքով: Եվ, վերջապես, թշվառության, հիվանդության, թերության կամ մահվան անկողնում մեր միակ անբաժան ընկերն է աղոթքը, որ չի հեռանում մեզանից, չի լքում մեզ, այլ դառնում է մեր ուղեկիցը դեպի հավիտենություն:

«Ոչինչ այնքան չի քաղցրացնում մարդու կյանքը, ինչպես աղոթքը»: այսպես է պատկերել աղոթքի արժեքն ու մեծությունը Ընդհանրական Եկեղեցու մեծագույն սրբերից մեկը՝ Հովհան Ոսկեբերանը:՝

«Խնդրեցէք և տացի ձեզ, հայցեցէք և գտցիք, բախեցէք և բացցի ձեզ»:

Աղոթքը հոգևոր վարժությունների շարան է, որ մարդուն կենդանություն է պարգևում,

լցնում նրա հոգին լավատեսությամբ, ապրելու ու գործելու տենչով: Աղոթքն ընդունակ է մաքրելու մարդուն, վեհացնելու նրա հոգին, սովորեցնելու՝ տեսնել կյանքում միշտ քարին, մաքուրը, վսեմը: Ոչինչ աշխարհում ի վիճակի չէ կասեցնելու, փակ պահելու իր դռները մարդու կողմից անկեղծորեն արտասանված ու նրա մաքուր սրտից բխած աղոթքի դիմաց:


Հայաստանյայց Առաքելական Եկեղեցին՝ մեր սուրբ Եկեղեցին, իր բազմապիսի հրաշապատումներով, իր փառավոր անցյալով ու աշխարհա ներկայով այս ամենի լավագույն ապացույցն է: Եթե Հայկի աղետի պրկությունն ու նետի սրընթաց թոփքը որոշեցին Հայոց երկրի սահմանները, ապա աղոթքով կառուցվեցին մեր տաճարները, աղոթքով գրվեցին հայ գրքերը, շարականները:

Եվ, վերջապես, աղոթքը խաղաղության աղբյուր է և նրա պահապանը: Իսկ որքան կարոտ է հիմա աշխարհը խաղաղության, երբ իր կատարելությամբ հանդերձ դեռևս այսօրվա տկար այս Գունդը մի բուռ մարդկանց չար կամքով «խոտատում է» կանգնել պատերազմների ուղու վրա, այսինքն հասնել ինքնակործանման:

Սակայն մարդիկ, որ շատ բան են տեսել, չեն ուզում այդ: Լինեն դրանք ծերունական ջրակալած աչքեր թե մանկան, որն ամեն ինչի մեջ արև է տեսնում ու կապույտ երկինք, ջահել մոր թե ... բոլորը կարոտ են խաղաղության, կարոտ՝ հոգու հանգրստության, կարոտ՝ աղոթքի:

Ուստի և մենք ևս, սիրելի ժողովուրդ, միացնենք մեր աղոթքները այժմ առ Աստված ու մեկս մյուսին ցանկանք, մաղթենք խաղաղություն, անդորր ու երջանկություն: Թող Աստուծո շնորհաբեր Աջը լինի ձեր վրա այժմ և միշտ և հավիտյան հավիտեմից. ամեն:

ԱՆԱՆԻԱ ՎԱՐԴԱՊԵՏ ԱՐԱԲԱԶՅԱՆ





ԵԶՆԻԿ ՔԱՀԱՆԱ ՊԵՏՐՈՍՅԱՆ

ՏԵԱՌՆԸՆԴԱՌԱԶ ԿԱՄ ՔԱՌԱՍՆՕՐԵԱՅ ԳԱԼՈՒՍՏՆ ՔՐԻՍՏՈՍԻ Ի ՏԱԾԱՐՆ

Քրիստոսի սկզբնական տնօրինությունների (Գաբրիելի ավետումը, Եղիաքեթի այցելությունը, Բեթլեհեմի Ծնունդը, Հրեշտակների փառաբանությունը, ութօրյա թըլփատությունը և այլ եղելություններ մինչև Մկրտություն, Երկնային նշանների երևումը, Հովհաննեսի վկայությունը և այլն) համախմբված ամբողջությունը քրիստոնեական նախնական Եկեղեցու մեջ, ինչպես նաև որոշ իմաստով այժմ, բնորոշվում էր ԱՍՏՎԱԾԱՀԱՅՏՆՈՒԹՅՈՒՆ անվան տակ:

Վերոհիշյալ այս դեպքերի ամբողջացման մեջ է մտնում նաև Քրիստոսի Քառասնօրյա Գալուստը տաճար: Սա մի հրեական սովորություն էր՝ Տիրոջ առջև նորածին մանկանը ներկայացնելու իմաստավորումով, որի ընթացքում կատարվում են Քրիստոսի տաճար ընծայման և Աստվածածնի սրբացման օրինական պայմանները:

Այս դեպքի մասին Ավետարանում հիշատակություն կա միայն Ղուկասի մոտ (Ղուկ. Բ 22—38):

Տեղին է այստեղ մի փոքրիկ ծանոթություն տալ վերոհիշյալ երկու օրենքների մասին:

Ըստ հրեական օրենքի, ամեն արու զավակ ծնող մայր, պղծված համարվելով, պարտավոր էր ծննդյան քառասունքին տաճար գնալ և «ողջակեզ» անել մի տարեկան ոչխար՝ սրբվելու համար, ինչպես նաև երկու տատրակ կամ աղավնյակ՝ «վասն մեղաց»: Իսկ եթե աղքատ լինեին ծնողները,

կարելի էր երկու տատրակ կամ աղավնյակ զոհել միայն՝ մեկը «ողջակեզ»-ի, իսկ մյուսը՝ «վասն մեղաց»-ի համար (Ղևո. ԺԲ 2—8):

Սակայն ինչո՞ւ պետք է Աստվածածինը կատարեր այս պարտականությունը: ԶԷ՞ որ նա «անսերմ յղութեամբ» և «կուտական ծննդեամբ» էր ծնել իր զավակին: Այս բացատրվում է հրեա ամբոխի բամբասանքներից զերծ մնալու և զայթակողությունների առիթ չտալու պատճառաբանությամբ, քանի որ դեռ Քրիստոսի աստվածահրաշ ծնունդի պարագաները հաշտնի չէին բոլորին:

Կա նաև այն պարագան, որ ինչպես Քրիստոս, այնպես էլ Աստվածածինը իրենց ամեն քայլափոխում աշխատում են հավատարիմ մնալ սահմանադրված օրենքին՝ օրինակ հանդիսանալու համար հետագա սերունդներին:

Այս վերջին պատճառաբանությամբ է, որ Քրիստոս ենթարկվեց Անդրանկյաց օրենքի զործադրմանը: Իսկ Անդրանկյաց օրենքի մասին կարելի է ասել հետևյալը.

Եզրիպտացիների անդրանիկներին հասցրած պատուհասի առթիվ Աստված հրամայել էր, որ հրեաների բոլոր անդրանիկ արուները նվիրվեն Իրեն (Ելից ԼՂ 19—20)՝ Աստուծո տաճարի ծառայության համար: Իսկ երբ հրեաները անապատում, Մովսեսի բացակայության ժամանակ, ոսկե հորթ շինեցին՝ իրենց առաջնորդելու համար, և երբ

Ղևիի ցեղը, Աստուծո համաձայնությամբ, գործակից եղավ Մովսեսին՝ հորթապաշտներին պատժելու (Ելից ԼԲ 26), Աստված նրանց ընտրեց Իր պաշտոնյաները, և այսպիսով բոլոր անդրանիկ արուները ազատվեցին այդ պարտականությունից (Թուոց Գ 12): Բայց արու անդրանիկների վրա պարտականություն դրվեց՝ իրենց համար փրկանք վճարել Ղևտացիներին, ըստ լուրաքանչյուրի կարողության:

Վերոհիշյալ երկու օրենքների գործադրությունը սովորաբար կատարվում էին միասին, քառասունքի առթիվ:

Ավետարանում օրինական այս գործողությունների մասին մանրամասնություններ չեն հիշվում՝ ամեն ինչ պարզ լինելու պատճառով: Բայց հիշվում են երկու կարևոր անակնկալներ՝ Սիմեոն ծերունու և ապա Աննայի մարգարեությունները:

Սիմեոնը Ավետարանում հիշվում է պարզապես որպես «այդ մի», առանց որևէ այլ անհրաժեշտ բացատրությունների:

Ավետարանում Սիմեոնի համար ասվում է, որ նա Սուրբ Հոգուց հրաման էր ստացել մահ չտեսնել՝ նախքան Տիրոջ Օծյալին տեսնելը: Եվ տաճարում տեսնելով Մանուկ Հիսուսին, մարգարեական հոգով գգում է, որ նա է Մեսիան, Նա է այն, Որին ինքը անհրաժեշտ սպասում էր ամեն օր: Եվ այս առթիվ մի գեղեցիկ օրհներգություն է ուղղում առ Աստված և պատրաստակամություն հայտնում մահանալու, քանի որ արդեն տեսավ Մեսիսին:

Սիմեոնի նման մարգարեանում է նաև Աննան մի կին մարգարետի, որ համարվում էր տաճարի այրիների մեծավորը: Կարծվում է, որ Մարիամը եղել է այս Աննայի սանուհին, և այս առթիվ մեծ խնդություն էր մարգարետի համար՝ տեսնել իր սանուհուն պարզևսած այս մեծագույն շնորհը:

Թե՛ Սիմեոնը և թե՛ Աննա մարգարետի, Ավետարանի վկայությամբ, սուրբ անձեր են, սակայն ուղղակի տոն չունեն: Սիմեոնի տոնը նկատվում է Քառասնորյա Գալստյան հետ համակցված, իսկ Աննայի հիշատակը միակցվել է Յուդաբեր կանանց անունների հետ: Երկուսի պատմությունները Հին Հայտնավորքում հունվարի 10-ին է, իսկ Նորում՝ փետրվարի 15-ին:

*
* *

Ինչպես վերևում հիշեցինք, Քրիստոսի սկզբնական տնօրհնությունների համախըմբված ամբողջությունը կոչվում է Աստվածահայտնություն: Քրիստոնեական Եկեղեցին

սկզբնական շրջանում Աստվածահայտնություն անվանակա տակ տոնում էր այդ բոլոր տնօրհնությունների հիշատակները միասին, իսկ այդ մեծ տոնի օրը ընդունված էր հունվարի 6-ը: Հետագայում, Քրիստոսի Ծնունդը համարվելով Աստվածահայտնության հիմնական խորհուրդը, հունվարի 6-ը նկատվեց և կոչվեց **Տոն Ծննդեան**: Նույն շրջանին տնօրհնություններից ոմանք, բաժանվելով գլխավոր տոնից, առանձին տոներ են կազմում: Այսպիսով, հունվարի 6-ից հաշվելով 40 օր, փետրվարի 14-ը ընդունվում է «Տոն Քառասնորեայ Գալստեանն Քրիստոսի ի Տաճարն»:

Սակայն Բ—Դ դարերում Արևմուտքում և ապա Արևելքում Ծնունդը սկսեց տոնվել դեկտեմբերի 25-ին՝ հունվարի 6-ին թողնելով միայն Սկրտությունը. Տյառնդառաջի տոնն էլ հաստատելով փետրվարի 2-ին:

Եվ միայն Հայ Եկեղեցին է, որ հավատարիմ է մնում առաքելական սովորությանը:

Հայ, ինչպես նաև արևելյան այլ Եկեղեցիները Տյառնդառաջի օրը համարում են Տերունական տոն՝ նկատի ունենալով Քրիստոսի Քառասնորյա տաճար գալը և ընծայումը Աստծուն: Իսկ Արևմտյան Եկեղեցիները, հիմնականում Հռոմեական Կաթողիկե Եկեղեցին, նկատի ունենալով Տիրամոր սրբացումը, այն համարում են տոն նվիրված Աստվածածնին և կոչում՝ «Սրբություն Ս. Կուսին», «Ներկայացում», «Մաքրագործություն Կուսին» և այլն:

Տյառնդառաջի տոնը, շատ հավանաբար, քրիստոնյաների հնագույն և նշանավոր տոներից մեկն է: Այս տոնի մասին հիշատակություններ կան Հովհան Ոսկերեանի, Կյուրեղ Ալեքսանդրացու, Գեղասիոս Ա. Հռոմի Պապի (5-րդ դար) և Եկեղեցու այլ հայրերի գրվածքներում:

Հուստինիանոս Ա. կայսեր ժամանակ այս տոնը սկսվում է մեծ հանդիսավորությամբ կատարվել Հույն Եկեղեցում:

Իսկ Լատին Եկեղեցում այն սկսվում է հանդիսավորությամբ կատարվել Գրիգոր ԺԱ Պապի՝ ժամանակ (1370—1378):

Հայ Եկեղեցում այն ավելի շուտ է հանդիսավորապես կատարվել: Այս մասին վկայում է Ս. Սահակ Պարթևի Խ կանոնը²: Այստեղ կարելի է հիշել նաև, որ Տյառնդառաջի օրվան նվիրված շարականի հեղի-

¹ Հ. Միհաս Բժշկյան, Սրբազան պատմություն—Բ, Պատմություն քառանյայտաց Հռովմայ, Վեներիկ, 1838, էջ 339:

² «Կանոնագիրք Հայոց», Ա, աշխ.՝ Վազգեն Հակոբյանի, Երևան, 1964, էջ 398:

նակությունը վերագրվում է Մովսես Խորենացուն³:

• • •

Այս տոմարի առթիվ կրակ վառելու պարագան բացատրվում է հեթանոսական մի տվորություն՝ քրիստոնեական իմաստով զգեստավորելով:

2. Ղևոնդ Ալիշան⁴, Մաղաթիա արք. Օրմանյան⁵, Եղիշե պատրիարք Դուրյան⁶ և ուրիշներ Տյառնընդատաշի տոմարի հրավառության սկզբնավորությունը գտնում են հայ հեթանոսական կրոնի մեջ Տիր շաստծուն նվիրված մի տոնակատարության մեջ:

Եվ, շատ հավանաբար, այս նկատի ունենալով, Սիմեոն կաթողիկոս Երևանցին իր կազմած տոնացույցում նշել է. «Խոտելի է շրջիլն զհրովն, որ ի տգիտաց է ներմուծեալ»:

Սակայն պետք չէ մոռանալ, որ հայ աստվածաբանական միտքը այս կապակցությամբ արել է իր հիմնավոր մեկնությունները: Իբրև մմուշ այստեղ հիշենք Գրիգոր Տաթևացու բազմաթիվ պատճառաբանություններից երեքը միայն.

«Իսկ թե վասն է՞ր հուր վառենք:

Առաջին պատճառ՝ զի ի մերձեմալ Տեառն ի տաճարն ինքնին բացառ դուռն և ճալթմունք ահագին եղև և դրոշեցալ բաղաքն յօրինակ տիեզերաց: Եւ ամենեքեան վառեալ լուսով եկին ի տաճարն ընդատաշ Տեառն և ասեն՝ Տէր էանց ընդ այս դուռնս, ուստի և անուանեցալ աւուրս տօն Տեառնընդատաշ և Տր ընդ այս, զոր ծրելով ասենք, Տրընդէս: Վասն այն և մեք գնոյն օրինակ

³ «ՇԱՐԱԿԱՆ հոգևոր երգոց սուրբ և ողջափառ Եկեղեցոյս Հայաստանեայց յօրինեալ ի Սրբոց Թարգմանչացն մերոց և ի Սրբոյ Շնորհալոյն և յայլոց սուրբ հարց և վարդապետաց», Էջմիածին, 1861, էջ Ա:

⁴ Զ. Ղևոնդ Ալիշան, Հին հաւատք կամ հեթանոսական կրօնք Հայոց, Վնենտիկ, 1910, էջ 45—59, 309—314:

⁵ Մաղաթիա արք. Օրմանյան, Ծիսական բառարան, Անթիլիաս, 1957, էջ 62:

⁶ Եղիշե պատրիարք Դուրյան, Հայոց հին կրօնը կամ հայկական դիցաբանություն, Երուսաղեմ, 1933, էջ 48:

⁷ «ՏՕՆԱՑՈՅՑ նախապէս կարգեալ և աահմանեալ Սրբոյն Սահակայ Պարթևի հայրապետին Հայոց ըստ աւանդութեան Հայաստանեայց Սրբոյ Եկեղեցոյ: Եւ զկնի յոգնաջան կարգաւորութեամբ և աշխատասիրութեամբ Տեառն Սիմեոնի սրբազան կաթողիկոսին յերկուս հատորս բաժանեալ» Էջմիածին, 1887, էջ 18:

ձևացուցանենք հուր վառեալ և ջահ լուցեալ նախատօնակ Գալստեանն Տեառն:

Դարձեալ երկրորդ պատճառ հեթանոս ի պաշտօն առին զամենայն արարածս և առաւել ևս զհուրն պաշտէին, որպէս ազգն պարսից: Եւ այժմ բազում են ի կողմանս հիւսիսոյ կրակապաշտք: Վասն այն մեք վառեալ զհուրս ընծայենք ի պատիւ Աստուծոյ, եթէ դու ես ճշմարիտ Աստուած, որ երևցար այժմ, իսկ հուրս այս ոչ է Աստուած, այլ արարած քո, վասն այն ի ծառայութիւն քեզ քերենք, որպէս երբայցեցոց մանկունքն՝ զոստս ծառոց ընծայեցին ի պատիւ Քրիստոսի, զի նա է ճշմարիտ Աստուած, նոյնպէս և մեք զհուրս ընծայենք...

Եւ դարձեալ երրորդ պատճառ՝ զի գալստեանքն իրով Քրիստոս ասաց՝ Ես եմ լոյս աշխարհի, որ հաւատալ յիս՝ ի խաւարի մի մնացել: Այլև ասաց՝ Հուր եկի արկանել յերկիր և կամիմ թէ արդէն իսկ բորբոքիք: Այս նշանակ էր զՀոգին Սուրբ՝ որ հրեղէն լեզուօք էջ յառաքեալսն և մաքրեաց զմեզս նոցա և լուսաւորեաց զմիտս նոցա: Վասն այն դէմ ընդատաշ եղեալ Քրիստոսի, և լոյս վառեալ, զի Քրիստոս լոյս եկն յաշխարհս և մեք հաւատացաք ի լոյսն և որդիք լուսոյ եղաք: Եւ հուր բորբոքեալ՝ զհուր սիրոյ նորա խնդրենք, զի մաքրեցէ զժամզ և զաղտելոյթիւն մեղաց մերոց և սրբեալ պայծառացուցէ զմիտս և զհոգիս մեր: Վասն այն հուր վառենք յերկրոյս՝:

Ինչպէս նկատեցինք Տաթևացու պատճառաբանություններից, հրավառությունը առաջին հերթին տնօրինական, ավետարանական ծագում ունի. «ամենեքեան վառեալ լուսով եկին ի տաճարն ընդատաշ Տեառն... վասն այն և մեք գնոյն օրինակ ձևացուցանենք հուր վառեալ և ջահ լուցեալ նախատօնակ Գալստեանն Տեառն»:

Այս հաւատարմում է նաև Քրիստոսի հետևյալ խոսքով. «Հուր եկի արկանել յերկիր և զինչ կամիմ թէ արդէն իսկ բորբոքեք» (Ղուկ. ԺԲ 49):

• • •

«Տեառնընդատաշ» անվան փոխարեն ժողովորդը օգտագործում է «Տրընդէս» բառը:

Այս բառի առաջացումը Գր. Տաթևացին բացատրում է հետևյալ կերպ. «Եւ ամենեքեան վառեալ լուսով եկին ի տաճարն ընդ-

⁸ Գր. Տաթևացի, Գիրք քարոզութեանց որ կոչի Զմարան հատոր, Կ. Պոլիս, 1740, էջ 79—80:

առաջ Տեառն և ասեն՝ Տէր էանց ընդ այս դուռնս, ուստի և անուանեցաւ ատուրս տօն Տեառն, ընդառաջ և Տր ընդ այս, զոր ծքելով ասենք Տրընդէա»⁹:

Տաթևացու այս կարծիքին հակադրվում է Հայկազյան բառարանը, «Տէրընտա»-ը համարելով աղավաղված ձև. «ումկ. կարճելով և խանգարմամբ հնչման ասի Տէրընտա, տէրընտասի օր, զոր յետինք ոմանք կամեցան ըստ կամի մեկնել Տէր ընդ այս համարելով...»¹⁰:

Տրընդէա բառի ծագման մի այլ մեկնու-

⁹ Գր. Տաթևացի, անդ, էջ 79:

¹⁰ «Նոր բառգիրք Հայկազեան լեզուի, հտ. Բ. Երկասիրութիւն երից վարդապետաց յաշակերտութենէ Մեծին Մխիթարայ արքայափոր Հ. Գաբրիէլի Աւետիկեան, Հ. Խաչատրոյ Սիրմէլեան, Հ. Մկրտչի Աւգերեան», Վենետիկ, 1837, էջ 862:

թյուն է արել Մաղաքիա արք. Օրմանյանը. «...ըստ մեզ հավանական է թէ (Տեառնընդառաջ անունը) հին հեթանոսական տոներեն մնացած անուն մըն է, Տիր աստուծույն ի պատիվ տոնի մը անունը՝ որ Տյառն Զրիստոսի տոնին փոխուած է: Այս կարծիքն ավելի հաստատություն կգտնէ ժողովուրդին բերնին մեջ գործածված Տերընտա անունով, զոր հնար չէ պարզ աղավաղում մը նկատել»¹¹:


Օրմանյանի այս կարծիքը շատ հավանական է թվում՝ նկատի ունենալով մանավանդ, որ «տիրէնտազ» բառը պարսկերենում նշանակում է «նետաձիգ»¹², իսկ «Տիր» չաստծու անունը՝ «նետ»¹³:

¹¹ Մաղաքիա արք. Օրմանյան, անդ:

¹² Եղիշե պատրիարք Դուրյան, անդ:

¹³ Հ. Ղևոնդ Ալիշան, անդ, էջ 310:





ԱՐԹՈՒՆ ՀԱՏԻՏՅԱՆ

ՈՐԻԳԵՆԵՍ ԱԼԵՔՍԱՆԴՐԱՅԻ ԵԿԵՂԵՑՈՒ ԲԱԶՄԱՐԴՅՈՒՆ
ՎԱՐԴԱՊԵՏ
(185—254)

Որիգենես Ալեքսանդրացին թեև մեզ չի ներկայանում Ընդհանրական Եկեղեցու մեծանուն սրբերի լուսապատկով, բայց նա Գրարի առաջին հիսնամյակի քրիստոնեական մշակույթի ու գիտության մեծավաստակ և հանճարեղ ներկայացուցիչներից մեկն է, որպես աստվածաբան ու մտածող, մեկնիչ ու փոխտփա, քարոզիչ ու մանկավարժ, որը իր մատենագրական վաստակի հազվագյուտ և շուրջ արդյունավորությամբ հարստացրել է Ընդհանրական Եկեղեցու հոգևոր գանձարանը:

Պաղեստինյան Կեսարիայի աստվածաբանական դպրոցում Որիգենեսի աշակերտ, Գրարու պատմիչ և նրա վարքագիր Եվսեբիոս Կեսարացին, իր նշանավոր «Պատմություն Եկեղեցական» աշխատության «Դպրություն վեցերորդ» բաժնում, էջ 419—520-ում, նշում է, որ «բազմաթիվ և երկարապատում ճառեր հարկավոր էին, արդարև, ձեռնարկելու համար այս անձնավորության վարքը գրելու աշխատանքներին: Եվ անհրաժեշտ էր ըստ օրենի առանձին պատմություն շարադրել նրա մասին... քաղելով տվյալներ ոմանց նամակներից, նրա բարեկամների և ծանոթների խոսքերից, վկայությունների, որոնք հասել են մեզ մինչև մեր ժամանակները... որովհետև նա և՛ հավատի հարցերում և՛ սուրբ գրքերի ուսումնասիրության մեջ, հարևանցիորեն չէր ձեռնամուխ էր լինում իր աշխատանք-

ներին, այլ մտադյուր հոժարությամբ, մեծավաստակ ջանքերով իր մանկությունից սկսած ինքն իրեն կրթում էր այդ հարցերի մեջ... ամեն գիշեր ծանր վարժություններով տքնում էր և գիշերվա ժամերը բազում՝ նվիրում էր աստվածեղեն գրքերի ընթերցումներին. ապրում էր խստակրոն կյանքով, զօր ու գիշեր իրեն նվիրել էր ծոմապահության վարժություններին, և գիշերվա ժամերի քունը տահմանափակում էր. Փրկչի ավետարանական բոլոր պատվերները պահելը իր պարտքն էր համարում»:

Եվսեբիոս Կեսարացին Որիգենեսին իր այս խստակրոն կենցաղավարության և «կյանքի այս փոխտփայական եղանակին համար» անվանում է Adamantus, այսինքն «Պողպատե մարդ»². «Համբավավոր մատենագիր էր Եկեղեցվո»³, «գարմանալի Որիգենես, որ լի էր և կատարեալ ամենայն գիտությամբ»:

¹ Եվսեբիոս Կեսարացու Պատմություն եկեղեցական, լեռնալ յատրոլոն ի հայ հիմնքերոյ դարո: պարգարանալ նոր թարգմանութամբ ի լոյն բնագրէն, Վննտիկ, 1877:

² Johannes Quasten, Patrology, vol. II, էջ 38:

³ Մատենադարան հայկական թարգմանութանց նախնաց (դար Դ—ԺԳ), Վննտիկ, Մխիթարյան տպարան, 1889, էջ 649:

⁴ Մատենագրությունք նախնաց, վարք և վկայաբանությունք սրբոց, հատընտիր քաղուածք ի ճառընտրոց, հատոր Ա, Վննտիկ, 1874, էջ 317—331:

«Որիգենեսի Աշանակությունը չափել անկարելի է: Առանց կասկածի մա ամենամեծ ազդեցություն է ունեցել եկեղեցական հայրերի մեջ... Նա ոչ միայն յուր ժամանակի ամենամեծ քրիստոնյա մտածողն էր, այլ ընդհանրապես չկար մեկը ամբողջ աշխարհում, որ հավասարվեր նրան գիտության և աշխատանքի ընդունակության կողմից: Կարծես պողպատից և երկաթից էր կազմված: Նրա մեջ քրիստոնեական պատոհմականությունը հաղթեց նոր պատոհմականության յուր ծագման շրջանում և եկեղեցական գիտությունը վերջնականապես՝ հերետիկոսությունը»⁵:

Որիգենեսը առաջինն էր Եկեղեցու հայրերի և քրիստոնյա մտածողների մեջ, որ «քրիստոնեական աստվածաբանական գիտության հայր դարձավ», սահմանեց եկեղեցական-գիտական աստվածաբանության հիմնական սկզբունքները և մեթոդը և «դասական, հին գիտությունն ու փիլիսոփայությունը» եկեղեցականացնելու «առաջին վճռական քայլը առավ», հաշտեցնելով «գիտությունը քրիստոնեական հավատքի հետ, բարձր քաղաքակրթությունը՝ Ալեքսանդրիայի հետ, եկեղեցական վարդապետության հողի վրա»⁶:

Որիգենեսը այս իմաստով հանդիսանում է քրիստոնեական մտածողության մեծագույն ներկայացուցիչը, որի ուսմունքի հիմնական դրույթն էր հայտաբանների մասն «փիլիսոփայորեն հիմնավորել և արդարացնել քրիստոնեությունը»⁷:

Գ դարի սկզբներից եկեղեցական գրականությունը ոչ միայն ապրում է իր զարգացման բուռն շրջանը, այլ նաև ջատագովական ու հակաճառական ուժեղ պայքար է մղում երբեմնի իր հալածիչների և հակառակորդների դեմ:

Այս իմաստով Գ դարը իր Աշանակությամբ վերին աստիճանի մի հետաքրքիր ու կարևոր ժամանակահատված է ներկայացնում:

Եկեղեցու գոյության դեմ մղված արտա-

քին կոնիվներն ու հալածանքները չկարողացան ջլատել նրա ներքին կենսունակությունն ու կորովը: Եկեղեցին ապրեց հոգեվոր, լիակատար կյանքով, մինչև որ Դ դարի սկզբներին, Մեծն Կոստանդիանոսի օրով հույն-հռոմեական կայսրության մեջ «քրիստոնեության արտաքին դրության մեջ առաջ եկած հիմնական փոփոխությունը Եկեղեցու ներքին կյանքին համար ամենահաջող հետևանքներն ունեցավ, լիակատար հնարավորություն տալով նրա անդամներին հոգու բոլոր ուժերը կենտրոնացնելու Եկեղեցու ներքին հարցերի լուծման վրա», հարցեր, որոնք ոչ միայն պատմական, այլև խորին գիտական, գործնական Աշանակություն ունեն ինչպես բացառաբար այդ շրջանի կարևոր լինելու պատճառով, նույնպես նաև աստվածաբանական գիտությունների մասին եղած մեր ժամանակակից հարցի և նրանից սպասելիք պահանջների պատճառով»⁸:

Գ դարից սկսած «քրիստոնեական հանճարը առանձին ուժով երևան է գալիս աստվածաբանական գիտության զանազան ճյուղերի մեջ... Սույն ժամանակի աստվածաբանական երկերը, ուղեցույց են ծառայում ընդհանուր քրիստոնեության հաջորդ սերունդների համար»⁹:

Գ դարի եկեղեցական հայրերի գրականությունը կամ հայտաբանությունը բարացուցվում է որպես պաշտպանություն քրիստոնեական վարդապետության և գիտության՝ ընդդեմ այլ կրոնների և հերետիկոսական մոլորությունների:

Այս շրջանում դրվում է հիմքը քրիստոնեական աստվածաբանության և գիտության: Ընդհանրապես Արևելքում, և ի մասնավոր Ալեքսանդրիայում, Պաղեստինում, Անտիոքում, Ասորիքում, Կապադովկիայում բացվում են աստվածաբանական դպրոցներ, որոնց մեջ Աշանակոր էր Ալեքսանդրիայի աստվածաբանական դպրոցը:

Մեր թվարկությունից առաջ, 331 թվականին, Ալեքսանդր Մակեդոնացին հիմնադրում է Ալեքսանդրիա քաղաքը, որը շուտով դառնում է Արևելքն ու Արևմուտքը միացնող ամենափայլուն կենտրոնը կայսրության մտավորական կյանքի:

Ալեքսանդրիան խառն բնակչությամբ մի քառաք էր: Այստեղ իտար էին հանդիպում տրեւյան, եգիպտական, հունական և հրեական և Ա դարից սկսած նաև քրիստոնեական մշակույթները, կրոններն ու փիլիսոփայական լմբոնումները: «Հին աշխարհի կարևոր իմա-

⁵ Երուսաղ վարդապետ Տեր-Մինասեանց, Ընդհանուր եկեղեցական պատմություն, Ա հատոր, Հին Եկեղեցին, Ս. Էջմիածին, 1908, էջ 145—148:

⁶ Պրոֆ. Ն. Սագարդա, Յուդ-Արևելքի հին-եկեղեցական Աստուածաբանական գիտությունը իր ծաղկման շրջանում (IV—V դ.), ռուս. թարգմ. Արտակ վարդապետ Սմբատեան, Վաղարշապատ, տպարան Մայր Աթոռու Ս. Էջմիածնի, 1910, էջ 17—18:

⁷ Դավիթ Անհաղթ, Երկեր, թարգմանությունը, առաջաբանը և ծանոթագրությունները՝ Ս. Ս. Արևշատյանի, Երևան, 1980, էջ 4:

⁸ Սագարդա, նույնը, էջ 3—4:

⁹ Նույնը, էջ 3—4:

ցական այդ հոսանքները հոգն գիրար կճան-
չընան ու կթափանցեն: Այս է որ ալեք-
սանդրյան փիլիսոփայության կուտա զա-
նազան վարդապետություններ իրար թերե-
լու, հաշտեցնելու, մեկը մյուսով մեկնելու
նկարագիրը»¹⁰:

Փիլիսոփայական այս հոսանքների պայ-
քարից և շփումից ծնվեց Ալեքսանդրիայում
նոր-սլատոնականությունը, որը «Գ, Դ, Ե
դարերում, ամենեն ավելի կենդանի և ծաղ-
կող վարդապետություններն են մեկը եղած է,
հիշտ այն շրջաններում երբ քրիստոնեա-
կան փիլիսոփայությունը կազմավորվելու
վրա էր... Նոր-սլատոնականությունը գըլ-
խավոր ուժն էր քրիստոնեության դեմ պայ-
քարող: Նոր-սլատոնականները կպայքա-
րին անոր դեմ և հաղթանակը կմնա քրիս-
տոնեությանը»¹¹:

Քրիստոնեության և նոր-սլատոնականու-
թյան այդ պայքարի արդյունքն է լինում
Ալեքսանդրիայի քրիստոնեական աստվա-
ծաբանական դպրոցի հաստատումը: Այդ
դպրոցը «հանդիսանում է հնագույն կենտ-
րոնը սրբազան գիտության քրիստոնեու-
թյան պատմության մեջ»¹²:

Գ դարի սկզբից եկեղեցական գրականու-
թյունը զարգանում է նոր թափով և նոր
բովանդակությամբ: Այդ գրականության
կենտրոնն է լինում Ալեքսանդրիայի դպրո-
ցը, որի մշակած գրականության որոշիչ
նկարագիրն է լինում հավատի բովանդա-
կության բնագանգական ուսումնասիրու-
թյունը, մեծ հակում դեպի Պատմի փիլի-
սոփայությունը և Աստվածաշնչի աշխա-
նական մեկնությունը¹³:

Ալեքսանդրիայի աստվածաբանական
դպրոցի նշանավոր դավանաբաններն ու
ուսուցիչներն են հանդիսանում Կղեմես Ա-
լեքսանդրացին (150—215), Որիգենեսը,
Դիոնիսիոսը, Պետրոս Ալեք-
սանդրացին, Դիդիմոսը և Կյուրելոս Ալեք-
սանդրացին:

Ալեքսանդրիայի դպրոցը, սակայն, իր
ոսկեդարն է ապրում Որիգենեսի տեսչու-
թյան օրով: Որիգենեսը հաջորդում է Կղե-
մես Ալեքսանդրացուն որպես այդ դպրոցի
գլուխը:

Որիգենեսը համարվում է առաքելական
հաջորդ դարի Եկեղեցու մեծագույն վար-
դապետը, անապատ եռանդով լի գիտնա-
կանն ու աստվածաբանը, մաքուր նկարա-

գրի տեր, հանրագիտական կրթությամբ մի
մարդ և մեկը ամենաինքնատիպ քրիստո-
նեական մտածողներից, որը երբեք աշխար-
հը տեսած լինի¹⁴:

Որիգենեսի մասին մեզ հասել են կեն-
սագրական ավելի շատ տեղեկություններ,
քան Եկեղեցու մի այլ մտածողի կամ աստ-
վածաբանի մասին: Նրա կենսագրության,
անձնավորության, մատենագրական հա-
րուստ վաստակի, նրա ուսուցման մեթոդի
և մանկավարժական գործունեության մա-
սին, անապատ և ստույգ աղբյուրներ կարող
էին լինել ավելի քան 100 այն մամուլները,
եթե պահպանված լինեին: Բարեբախտա-
բար, սակայն, ինչպես նշվեց, Եվսեբիոս
Կեսարացին հավաքել է այդ մամուլների
մեծ մասը և օգտագործել իր «Պատմություն
Եկեղեցական» աշխատության մեջ, Որիգենե-
սի կենսագրությունն ու վարքագրությունը շա-
րադրելիս: Եվսեբիոսի պատմության «Դըպ-
րություն վեցերորդ»-ը ամբողջությամբ նվիր-
ված է Որիգենեսին:

Պամփիլիոս Կեսարացին, Եվսեբիոսի ու-
սուցիչը գրել է 5 գիրք ի պաշտպանություն
Որիգենեսի, որի առաջին հատորը մեզ է
հասել Ռուֆինոսի ատրերեն թարգմանու-
թյամբ¹⁵:

Որիգենեսի կենսագրության, նրա ուսուց-
ման և դաստիարակության արժեքավոր մե-
թոդների, ուսումնական ծրագրերի և անձ-
նական կյանքի մասին արժեքավոր տեղե-
կություններ կան նաև նրա աշակերտ Ս.
Գրիգոր Սքանչկազոր՝ Նեոկեսարիայի
հայրապետի «Ներքող Որիգենեսի մասին»
աշխատության մեջ¹⁶:

Ըստ վարքագրական տվյալների, Որիգե-
նեսը քրիստոնյա, բարեպաշտ և մի բազ-
մանդամ ընտանիքի երեց որդին է եղել:
Նա ծնվել է 185 թվականին Ալեքսանդրիա
քաղաքում: Հայրը՝ Լեոնիդոսը, իր որդուն
ջամբել է, «քրիստոնեական հոգատար
դաստիարակություն, սովորեցրել է Աստ-
վածաշնչի պատմություն, մեկնություն և աշ-
խարհիկ գիտություններ»։ «Ի մանկությունն
իրմե զգիրս սուրբս Աստուծոյ ունեալ էր և
նոքօք կրթէր զանձն... իսկ հայրն նորա ի
վերայ խրատու և արտաքին իմաստութեան
... մեծապէս փոքր առնէր, զի նախ քան
զկրթութիւն յունականին մակացութեամբ, ի
հրահանգս խրատու սրբութեան զնա ընտե-
լացուցանէր, և օր ըստ օրէ հատուածս ինչ
ի սուրբ գրոց ունեալ ի բերան և արտասա-

¹⁰ Շահան Ռ. Պրաբերան, Պատմություն իմաստա-
սիրության, Անթիպատ, 1977, էջ 132—133:

¹¹ Նույնը, էջ 134—135:

¹² Quasten, նույնը, էջ 2:

¹³ Նույնը, էջ 2:

¹⁴ Նույնը, էջ 37:

¹⁵ Նույնը, էջ 37:

¹⁶ Նույնը, էջ 32—33:

նել հրամայել» վկայում է Եվսեբիոս Կեսարացին:

Որիգեններ ունեցել է վեց փոքր եղբայրներ և մի քույր:

Որիգենեսի հայրը 202 թվականին, մահատակվում է Սեպտիմոս Սևերոս կայսրի (193—211) հալածանքների ժամանակ մարտիրոսական մահով:

Հորը մահատակության ի տես, երիտասարդ Որիգեններ բուռն ցանկությամբ ձրգտում էր «ընդունել զպսակ վկայութեան և ինքն ամենայնի խորհալի ի վկայութիւն մարտիրոսութեան», իսկ մայրը՝ «նույնպէս բարեպաշտ կին սաստիկ անհանգստացած և վախեցած «թաքոյց զամենայն հանդերձնորս և արգել զնա ի ներքս ի տան բռնի»:

Հորը մահատակությունից հետո կառավարությունը «յարքունիս» է գրավում ընտանիքի հորեմական կալվածք: Որիգենեսի մայրը, քույրը և եղբայրները մատնվում են ծայրահեղ աղքատության:

Ընտանիքը պահելու ծանր հոգը ընկնում է երիտասարդ Որիգենեսի վրա: Նա ուսուցչությամբ հոգում է իր ընտանիքի կարիքները:

Այդ շրջանին Որիգենեսը խորապես ուսումնասիրել էր արդեն հունական փիլիսոփայությունը, նոր-պղատոնականությունը Սմոնիոս Սակկայի մոտ (Գ դար), եբրայեցերեն լեզուն և Աստվածաշունչը:

Կղեմես Ալեքսանդրացին 200 թվականին Սեպտիմոս Սևերոս կայսրի հալածանքների պատճառով ստիպված հեռանում է Ալեքսանդրիայից: Տեղի աստվածաբանական դպրոցը անտերության է մատնվում: Քաղաքի Դիմետրիոս նոր եպիսկոպոսը սակայն դպրոցի տեսչությունը հանձնում է 18-ամյա Որիգենեսին, որը ուսուցիչ է կարգվում. «Եկաց ի վարդապետութիւն աշակերտաց» և 203—215 թվականներին հազվագյուտ արդյունավորությամբ և ձեռնհասորեն ղեկավարում է դպրոցը, հասցնում բազում աշակերտներ: Նույնիսկ զարգացած հեթանոս կանաչք մեծ ոգևորությամբ հետևում են նրա դասախոսություններին, ոչ միայն նրա ծովածավալ գիտնականության, հմտության, այլ նաև նրա քրիստոնեական, անձնական կյանքի մեծության, խստակեցության և մաքրության համար:

Դպրոցը ուներ իր հաստատուն ուսումնական ծրագիրն ու դասավանդվող առարկաները, կանոնավոր ուսումնական շրջանների բաժանված դասընթացներով և ուսուցման հստակ եռամսկով:

Ընդհանուր դասախոսություններին մասնակցելու իրավունք ուներ նաև հեթանոս

աշակերտությունը: Նրանց համար դասավանդվող հիմնական առարկաներն էին դիալեկտիկա, ֆիզիկա, մաթեմատիկա, երկրաչափություն, աստղագիտություն, հունական փիլիսոփայություն և հայեցողական աստվածաբանություն: Իսկ բարձրագույն գիտական-կրոնական դասախոսություններին մասնակցում էին միայն քրիստոնյա աշակերտները, այդ և կին հավատացյալներ, որոնք բացի վերոհիշյալ առարկաներից, սովորում էին նաև քրիստոնեական աստվածաբանություն, Աստվածաշունչի ալլաբանական մեկնություն և փիլիսոփայություն: «Այս դպրոցը բնականաբար դարձավ քրիստոնեության համար ուսուցիչներ պատրաստող դպրոց, այն ինչ նրա գլխին, կանգնած մարդիկ քրիստոնեության ամենամեծ մարդիկ գիտնականների շարքն անցան... և Որիգենեսը դառնում է քրիստոնեության ամենամեծ գիտնականը, որի համբավը ամեն կողմ տարածվում է»¹⁷:

Վարքագիրը՝ Եվսեբիոս Կեսարացին վկայում է «պողպատե» այս մարդու «ապրելու փիլիսոփայական կերպի», նրա ճշգրտական սովորությունների, ծմապահության, խստակեցության մասին. «Ինչպես նրա խոսքն էր, այդպես էր նաև նրա ապրելու կերպը. և ինչպիսին էր նրա ապրելու կերպը, այդպիսին էր նաև նրա խոսքը և այս էր պատճառը, որ նա աստվածային ներգործության շնորհիվ շատերին համոզում էր կիսելու իր մախանձահոգությունը... մահճի վրա երբեք չէր թնում, այլ հապճեպ կերպով սենյակի հատակի վրա գետնախշտիկ էր լինում: Խիստ կերպով հետևում էր Փրկչի պատվերին, չունենալ երկու պարեգոտ, կոշիկ և հողաթափ չհագնել և շատ չհոգալ վաղվա մասին: Փոքրուց վարժվել էր տոկալ ցրտի և մերկության, խիստ ծուկալության. հրաժարվում էր ունեցվածքներից» և իր աղ կենցաղավարությամբ հիացնում էր ոչ միայն իր քրիստոնյա աշակերտներին:

«Ս. Գրիգոր Սքանչելագործը Որիգենեսին իմաստունի տիարար է անվանում, որը ոչ միայն հորդորում էր խոսքի ու գործի, այլ իր սեփական օրինակով ավելի, քան թե իր վարդապետությամբ առաքինության ճանապարհն էր ուսուցանում» (նույնը, էջ 147):

Որիգենեսի հեթանոս աշակերտներից շատերը նույնպես հետևում էին նրա կյանքի աղ օրինակին, խստամբեր ճգնողական կենցաղավարության, և քրիստոնեական

¹⁷ Երուսաղ վարդապետ Տեր-Միմասեանց, նույնը, էջ 141 և 144:

ուսմունքին: Նրանցից շատերը սիրով ընդունեցին Աստծու խոսքը: Ոմանք նույնիսկ հալածանքների ժամանակ իրենց կյանքը վերջացրին մարտիրոսական վկայությամբ:

Այս ճգնողական խիստ կյանքի հետևանքը այն եղավ, որ 202—203 թվականներին երիտասարդ Որիգենեսը, «որը նույնպես իր դասերի ժամանակ պարապում էր կանանց հետ, իրեն զրկեց սեռական կարողությունից»¹⁸, տառացիորեն հասկանալով Հիսուսի վկայությունը, պնդելով, որ Ավետարանը արդարացնում է կամավոր ներքինացումը. «Կան ներքինիներ, որոնք իրենց մոր որովայնից այդպես են ծնվել: Կան ներքինիներ էլ, որոնք մարդկանց կողմից են ներքինի դարձած, ներքինիներ էլ կան, որոնք երկնքի արքայության համար իրենց ներքինիներ են դարձրել»¹⁹:

Ալեքսանդրիայում Որիգենեսի մանկավարժական, մատենագրական, մեկնողական և քարոզչական գործունեությունը ընդհատվում է մի շարք առումական ճանապարհորդություններով: 212 թվականին նա գնում է Հռոմ, ուր հանդիպում է ունենում ժամանակի նշանավոր եկեղեցական և հայտնի փիլիսոփա Հիպոլիտի հետ: 215-ին Որիգենեսը ացելում է Արաբիայի քրիստոնեական համայնքը, և ապա Անտիոք՝ հռամեքովը Ալեքսանդր Սևերոս կայսրի մոր՝ Հուսիա Մամեայի, ուր զանկություն էր հայտնել յսել նույն՝ ժամանակի աղ մեծ օխտականին: Այնուհետև Որիգենեսը այցելում է Աթենք, Նիկոմեդիա, Բուստրա, Կասպարովկյան Կեսարիա և այլն:

Կարակալա կատոր (211—217) 215 թվականին օտավում է Ալեքսանդրիան, փակում է տեղի աստվածաբանական դպրոցը, հալածում՝ դատաւումներին: Որիգենեսը 216 թվականին թողնում է Ալեքսանդրիան և հաստատվում պառետոնում Կեսարիայի եպիսկոպոսների հրավերով Որիգենեսը մի շարք աստվածաբանական դասախոսություններ է կարդում եպիսկոպոսների ներկայությամբ, երբ ինքն դեռ եկեղեցական որևէ աստիճան չունեւ: Այս հարցի առիթով կանոնական վեճ է ծագում Ալեքսանդրիայի և Երուսաղեմի Աթոռների միջև: Պաղեստինի եպիսկոպոսները մեծում են Ալեքսանդրիայի Աթոռի միջամտությունը իրենց եկեղեցական թեմական ներքին գործերին և Որիգենեսի քաճաճա են ձեռնադրում: Վե-

ճը գնալով բոլորովում է: Որիգենեսը Պաղեստինի եպիսկոպոսների հրավերով բացում է Կեսարիայում մի նոր աստվածաբանական դպրոց, և այն ղեկավարում 20 տարի շարունակ: Այստեղ է, որ Որիգենեսին աշակերտում են Ս. Գրիգոր Սքանչելագործը՝ Պոնտոսի Նեոկեսարիա քաղաքի ապագա եպիսկոպոսը և Գ. դարի նշանավոր եկեղեցական պատմիչ Եվսեբիոս Կեսարացին:

Պաղեստինյան Կեսարիայի աստվածաբանական դպրոցում Որիգենեսը հետևում է Ալեքսանդրիայի դպրոցում իր մշակած և հաստատած մանկավարժական համարյա նույն ավանդություններին, ուսման նույն ծրագրերին: Այս դպրոցում դասավանդում են տրամաբանություն, դիալեկտիկա, քնական գիտություններ, երկրաչափություն, աստղագիտություն, ապա բարոյագիտություն և աստվածաբանություն: Բարոյագիտությունը դասավանդվում էր ոչ միայն որպես բարոյական հարցերի նվիրված գործնական ուսումնասիրություն և քննություն, այլ որպես կյանքի փիլիսոփայություն²⁰: Գրիգոր Սքանչելագործը վկայում է, որ Որիգենեսը թույլ էր տալիս իր դպրոցում իր աշակերտներին կարդալ հին փիլիսոփաների բոլոր գործերը, բացի այն փիլիսոփաներից, որոնք մերժում էին Աստծո գոյությունը և աստվածային նախախնամությունը²¹:

Որիգենեսը փիլիսոփայությունն ու արտաքին գիտությունները համարում էր «նախադատարարական առարկաներ» Աստվածաշունչն ու քրիստոնեական վարդապետության ուսումնասիրության համար: Նա թելադրում էր իր աշակերտներին փիլիսոփայությունից և արտաքին գիտություններից վեճակ ալն, ի՛նչ օգտակար կարող էր լինել Աստվածաշունչի ճշգրիտ հասկացողության համար: Նրա կառնիքով փիլիսոփայությունը, քեռականությունը, դիալեկտիկան, հոգեբանությունը աղահիմնեղն են աստվածաբանության և առեղ ունեն միայն օրիսորհեանսն վարդապետության հետ իրենց լիոհիհառաքեռությունների մեջ:

244 թվականին Որիգենեսը ուսումնալ ալեում է Ուստիայի օրիստոնեանսն հալաոնեղնին: Դեկուս Լաւոսի օոոլ (250—253) Որիգենեսը ծանո հալաճաղնեղ է Լուոլ և ուոլ Էմիեղիոլ Կեսալաոոլ մալալաոոն մահալոլ է 254 թվալաղն Տուրոոլ (Փուղնիկ) 69 տալեկան հաալոլում

¹⁸ Նույնը, էջ 144:

¹⁹ Նոր Կտակարան, Մայր Աթոռ Ս. Էջմիածին, 1975, Մատթեոսի ավետարան, գլուխ ԺԹ համար 12, էջ 56:

²⁰ Quasten, նույնը, էջ 40:

²¹ Նույնը, էջ 40:

հիվանդ ու հյուծված իր կրած տառապանքներից:

«Որիզենեսի ճակատագիրն էր հակառակության, հակաճատության ճշման դառնալ և՛ իր կյանքի ընթացքում, և՛ հետմահու: Դրծվար է գտնել մի այլ մարդ, որը այնքան բարեկամներ ունենար և նույնքան թշնամիներ: Ծշմարիտ է, որ նա սխալներ գործեց, բայց ոչ ոք կարող է կասկածել, որ նա միշտ ցանկացավ լինել ու մնալ ուղղափառ և հավատացյալ քրիստոնյա: Նա իր աստվածաբանական կարևոր գործի սկզբում, որը կոչվում է «Սկզբունքների մասին» (De principiis) գրել է. «Միայն այն է ընդունելի որպես ճշմարտություն, որը ոչ մեկ ձևով չի տարբերվում եկեղեցական և առաքելական ավանդությունից»: Որիզենեսը միշտ հետևել էր այդ կանոնին և այն սրբագործեց իր կյանքի վախճանին իր արյունով»²²:

ՈՐԻԳԵՆԵՍԻ ՄԱՏԵՆԱԳՐԱԿԱՆ ՎԱՍՏԱԿԸ

Որիզենեսը թողել է բազմաժամր ու հարուստ մատենագրական վաստակ, որի մի կարևոր մասը, սակայն, կորել է հակաորիզենեսյան հակաճատությունների ժամանակ: «Ամբողջ հունական աստվածաբանության և դավանանքի զարգացումը կարելի է նկարագրել իբրև մի մաքառումն Որիզենեսի մտքերի հետ, նրանց յուրացումն ու մերժումը»²³:

Որիզենեսի և՛ Ալեքսանդրիայի, և՛ պաղեստինյան Կեսարիայի դպրոցներում կարգացած աստվածաբանական, փիլիսոփայական, մեկնողական դասախոսությունները, նրա մեծ անձնավորության, ծովածափալ հմտության ու գիտնականության թողած ազդեցությունն իր դասախոսություններով, աստվածաբանական ուղղություններով և նրա հանձնարի կնիքով տարածվեցին ամբողջ հունական արևելքում և Հռոմում:

Ս. Գրիգոր Սքանչելագործի «Ներքող Որիզենեսի մասին» աշխատությունը՝ արտասանված 238 թվականին Կեսարիայում, համարվում է մի կարևոր փաստաթուղթ Որիզենեսի մատենագրական վաստակի արժեքի, այդ շրջանի քրիստոնեական մտածողության, աստվածաբանության ու դաստիարակության պատմության մասին²⁴:

Պատահականություն չէր, որ Ս. Բարսեղը, Ս. Գրիգոր Աստվածաբանը Որիզենեսի

մատենագրական վաստակի ամենաընտիր կտորների մի ժողովածուն՝ Ֆիլոկալիան կազմեցին... «Որիզենեսի աստվածաբանական սկզբունքները հանդես էին գալիս իբրև իրենց՝ կապադովկիացիների մայրենի երկրի աստվածաբանական ավանդությունները... Որիզենեսի մեկնաբանական աշխատությունների ուսումնասիրությունը նրանց համար նախապատրաստություն էր արիտականների դեմ կռվելու համար: ...Որիզենեսի հզոր հոգին շարունակում էր յուր ազդեցությունն ունենալ աստվածաբանական մտքի ընթացքի վրա: Կարելի է ասել, որ Դ և Ե դարերի բոլոր աստվածաբանները աշխատում էին Որիզենեսից ստացած ավելի կամ պակաս հոգևոր ժառանգությամբ, մասամբ անընդմիջաբար մտենալով նրան, մասամբ նրա ստեղծած աստվածաբանական գիտության ուղղության ընդդիմադիր լինելով, բայց միևնույն ժամանակ ոգևորվելով նրա գիտական իդեալներով... Որիզենեսի տեսության ուժը անհաղթահարելի էր»²⁵:

Պամփիլուսը և Եվսեբիոս Կեսարացին որպես «աշակողմյան որիզենեզմի կողմնակիցներ» ի պաշտպանություն Որիզենեսի աստվածաբանական-գիտական, փիլիսոփայական ողջ ժառանգության, գրքեր գրեցին ընդդեմ նրա հակաաղորդների: «Ժատերի համար Որիզենեսի հեղինակությունը հավասար էր Աստվածաշունչի հեղինակության»²⁶:

Ընդհանրական Եկեղեցու մեծ հայր և աստվածաբան Ս. Աթանասը երբեք Որիզենեսի մասին «կշտամբիչ» խոսք չի ասել: Ս. Աթանասի աստվածաբանական առաջին աշխատությունների վրա, ինչպիսիք են «Ընդդեմ հեթանոսաց» և «Յաղագս Մարմնագեղոյ հանին» գործերը, երևում է Որիզենեսի ազդեցությունը²⁷:

Հսկայական է եղել Որիզենեսի գրական գործունեությունը: Վարքագիրները վկայում են, որ նրան օգնում էին յոթ աղագիրներ, որոնց նա միաժամանակ թելադրում էր իր մտքերը: Կային նաև նրա տրամադրության ներքո նույնչափ արտագրողներ և զարգացած կանանց մի խումբ: Այդ բոլորի ծախսերը հոգում էր իր առատաձեռնությամբ նրա բարեկամ և հիացող Ամբրոսիոսը, ինչպես վկայում է Եվսեբիոս Կեսարացին:

Որիզենեսի գրական վաստակը հաշվվում էր հազարներով: Հերոնիմոսը նրա ճամակների թիվը հաշվում է 2000, իսկ Եպիփան

²² Նույնը, էջ 40:

²³ Երուսաղեմ վարդապետ Տեր-Մինասեանց, նույնը, էջ 148:

²⁴ Quasten, նույնը, էջ 1248:

²⁵ Սագարդա, նույնը, էջ 37:

²⁶ Նույնը, էջ 38:

²⁷ Նույնը, էջ 38:

Կիպրացի (Դ դար) հաշվում է նրա ողջ գրական վաստակը՝ շուրջ 8000 աշխատություններ²⁸:

Որիգենեսի աշխատություններից մեզ հասել են ոչ թե հունարեն սկզբնական բնագրով, այլ լատիներեն թարգմանությամբ:

Հնարավոր չէ մի հոդվածի մեջ սպառնալից կերպով ներկայացնել Որիգենեսի մատենագրական ողջ վաստակը: Կհիշենք այստեղ միայն այդ վաստակի մի քանիսը:

Որիգենեսի մատենագրական վաստակի մեծ մասը նվիրվել է Աստվածաշունչի գրքերի մեկնությանը: Նա ճշմարտապես կոչվել է **Աստվածաշնչական գիտության հիմնադիր և հայր**: Նրա նշանավոր **Վեցեչեանը**՝ Hexapla, համարվում է առաջին գիտական ու լուրջ ուսումնասիրությունը Հիմ Կտակարանի բնական բնագիր կազմելու աշխատանքներում: Այդ «հսկայական» աշխատանքներին նա նվիրեց իր ողջ կյանքը²⁹:

Որիգենեսի մատենագրական վաստակի ծանրակշիռ գործերը նվիրվել են Հիմ Կտակարանի գրքերի բնագրային բնադատության և մեկնության:

1. Բնագրային բնական գործեր.

Նրա նշանավոր **Վեցեչեանը**՝ առաջին գիտական փորձն է Հիմ Կտակարանի գրքերի բնական բնագիր կազմելու վերաբերյալ: Բնագրի բնադատությունը նոր էր, բայց կարևոր, որովհետև ընդունված էր ներշնչման վարդապետությունը, ուրեմն պետք էր իմանալ, թե ի՞նչպես է իսկական բնագիրը: Այդ պատճառով նա բնադատական եղանակով սրբագրեց ամբողջ Աստվածաշունչը՝ Հերոնիմոսի ժամանակ: Սա Հիմ Կտակարանի Յոթանասնից թարգմանության բնագիրը մյուս թարգմանությունների հետ համեմատելով վերականգնելու համար ձեռնարկած մի հսկայական գործ է. վեց էջերի մեջ համեմատության են դրված եբրայեցիներեն բնագիրը՝ եբրայական և հունական տառերով, ապա Աբվիլայի, Սիմաքոսի, Յոթանասնից և Թեոդոտիոսի Հիմ Կտակարանի հունարեն թարգմանությունները: Լուսանցքներում նշանակված են եղել տարբերությունները: Հրիստոսեական գիտության ամենամեծ դժվարություններից մեկը կարելի է համարել, որ այս երկը, որի վրա Որիգենեսը յուր կյանքի վերջին 30 տարին ամբողջապես աշխատել է, ամբողջությամբ մեր ձեռքը չէ հասել. մնացած հատակոտրներից հնարավոր է վերականգնել

միայն Որիգենեսի Յոթանասնից թարգմանության օրինակը (տես **Երվանդ վարդապետ Տեր-Մինասյանց**, նույնը, էջ 147):

2. Մեկնողական գործեր.

Որիգենեսը Աստվածաշնչի համարյա բոլոր գրքերի վրա հմտալից մեկնություններ է գրել, երեք տարբեր գրական ժանրերով.

ա) **Սքոլիաներ** կամ համառոտ քացատրություններ աստվածաշնչական դժվարիմաց հատվածների վրա, որոնցից հատվածներ են հասել մեզ:

բ) **Քարոզներ** կամ Հոմիլիաներ, դարձյալ աստվածաշնչական ընթերցումներից ընտրված հատվածների վրա: Որիգենեսի սույն քարոզները ընթերցվել են եկեղեցիներում ժամերգության ժամանակ, ամեն օր և մանավանդ չորեքշաբթի և ուրբաթ օրերին:

Որիգենեսի սույն քարոզները համարվում են «քրիստոնեական ոգեկանության հրաշալի էջեր», գլուխ-գործոցներ, նվիրված հավատացյալների հոգևոր դաստիարակության, նրանց հոգիների շինության:

գ) **Մեկնություններ**, որոնք Աստվածաշնչի գրքերի գիտական քացատրություններ են, որոնց նպատակն է եղել դարձյալ հավատացյալների հոգևոր դաստիարակության և նրանց հոգիների փրկության գործը:

Որիգենեսյան աստվածաշնչական մեկնությունները հարուստ են բնագրային, բանասիրական, պատմական, ստուգաբանական, աստվածաբանական, փիլիսոփայական ծանոթություններով: Բոլոր մեկնությունները կատարվել են ալլաբանական մեթոդով: Որիգենեսի հարուստ այս մեկնողական ժառանգությունից ոչ մեկը մեզ չի հասել ամբողջությամբ:

Աստվածաշնչի գրքերի նվիրված Որիգենեսի հարուստ մեկնողական աշխատանքներից հիշենք մի քանիսը, համեստ մի գաղափար տալու համար նրա մեկնողական հմտության, գիտության, աստվածաշնչական հատվածների հոգևոր իմաստին մեջ խորանալու նրա ոգեկան թափանցումի կարողության մասին, մի հանգամանք, որը պրակտիկ է հաջորդ դարերի մեկնիչների մոտ³⁰:

ա. **Մեկնություն Մատթեոսի Ավետարանին** 25 գիրք.

բ. **Մեկնություն Հովհաննոս Ավետարանին** 32 գիրք.

գ. **Մեկնություն Հռոմեացի թղթի** 15 գիրք.

²⁸ Quasten, նույնը, էջ 48:

²⁹ Նույնը, էջ 44:

³⁰ Նույնը, էջ 48:

դ. Մեկնությունն Երգոց Երգույն Սողոմոնի 10 գիրք:

Սույն վերջին մեկնությունը Որիգենեսի ամենահայտնի աշխարհական մեկնությունն է համարվում: Երգ երգոց-ի փեսան, ըստ Որիգենեսի՝ Քրիստոսն է, իսկ հարսը՝ Եկեղեցին:

Ե. Որիգենեսը ունի նաև 291 գիրք այլ մեկնություններ, Հին և Նոր Կտակարանների գրքերի վրա, որոնցից 275-ը կորել է:

3. Զատագովական գործեր.

Որիգենեսը 8 գիրք է գրել հեթանոս մասնագիր Կելսոսի դեմ, ի պաշտպանությունն քրիստոնեական կրոնի: Կելսոսը որպես պատոնական փիլիսոփա 178 թվականին հարձակումներ է գործել քրիստոնեական կրոնի դեմ: Նրա աշխատությունը կոչվում է «Բան ճշմարիտ ընդդեմ քրիստոնեից»:

Կելսոսի գործը մեզ չի հասել: Բայց Որիգենեսը այնքան առատ մեջբերումներ է կատարել «Ընդդեմ Կելսոսի» իր գործի մեջ, որը կազմում է բնագրի շուրջ 3/4 մասը, որով կարելի է լինում ամբողջական գաղափար կազմել Կելսոսի գործի մասին: Կելսոսը հանգամանորեն ուսումնասիրել է քրիստոնեական գրականությունը, աղանդավորների և մանավանդ գնոստիկյանների ուսմունքը և լավ տիրապետում է իր թեմային: Նա քրիստոնեությունը համարում է հակա-պետական, գաղտնի ու դավադիր մի կազմակերպություն: Կելսոսը լուրջ գաղափարական թշնամի էր Որիգենեսի համար: Նա կոչ է անում քրիստոնյաներին, որ վերջ տան իրենց քաղաքական և կրոնական մեկուսացմանը և ենթարկվեն կայսրության հասարակաց կրոնքին և Հռոմին: Նրա քաղաքական մտահոգության հիմքը Հռոմեական կայսրության ապահովությունն է: Այդ պատճառով նա մեղադրում է քրիստոնյաներին, որ նրանք անջատողական քաղաքականությամբ տկարացնում են կայսրության ներքին միությունը և կոչ է անում նրանց օգնել կայսրին և պետությանը պաշտպանելու համար արդարությունը, խառնությունը կայսերական դրոշակի ներքո: Նա քրիստոնյաներին համարում է ամենավտանգավոր թշնամիները գոյություն ունեցող կարգերին, և կոչ է անում նրանց հրաժարվել իրենց մոլոկությունից և ստանձնել կայսրության մեջ հասարակաց բառիքի և ապահովության համար, պաշտոններ և պաշտպան կանգնել օրենքի և ճշմարտության:

Որիգենեսի պատասխանը չի գրվել լոկ

քրիստոնյա հավատացյալների համար, այլ ամբողջ կայսրության մտավորականության համար: Այն կրում է «խորունկ կրոնական համոզմունքների կնիք, ուժեղ անհատականության դրոշմ, որի մեջ միահյուսված են քրիստոնեական հավատը, գիտությունը և հեթանոս հակառակորդին թողնում են ըստ-վերի ներքո, իսկ ընթերցողին համոզում են հանդարտ և տրամաբանական տոնով»³¹:

Որիգենեսի «Ընդդեմ Կելսոսի» գործը գրվել է «անպիտան ի հաւատա» մարդկանց դարձի բերելու համար, և գրվել է 60 տարեկան հասակում, երբ հեղինակը ապրում էր իր ուժերի ծաղկման, իր մտավոր, հոգևոր հասունության ամենափայլուն շրջանը:

Որիգենեսը կետ առ կետ քննության է առնում Կելսոսի առարկությունները և հերքում դրանք: Մինչ Կելսոսը շեշտը դնում էր աշխարհիկ իշխանության, օրենքի և հեղինակության վրա, Որիգենեսը շեշտում է, որ պետության օրենքներին հանդեպ հնազանդությունը արդար կարող է լինել միայն այն ռեպրեսիվ, երբ չեն հակադրվում աստվածատուր օրենքներին:

Որիգենեսի «Ընդդեմ Կելսոսի» աշխատությունը համարվում է «ամենամեծագույն աշխատանքությունը քրիստոնեության, որով հին ուսուցող կարող են պարծենալ»³²:

«Ընդդեմ Կելսոսի» աշխատությունը մի կտուր աղբյուր է հանդիսանում նաև կրոնների պատմության համար, որի մեջ որպես «հալելում հստակորեն երևում է պաթարը քրիստոնեության և հեթանոսության միջև: Այդ օիոքը հին եկեղեցու մեծագույն ջատագովությունն է»³³:

4. Դավանաբանական գործեր.

Որիգենեսի այս բնագավառում ամենանշանավոր աշխատությունը համարվում է «Առաջին սկզբունքներ» կամ «Սկզբունքների մասին» (De principiis) գործը, որի մեջ հեղինակը մշակել և խորացրել է «աստվածաբանական քրիստոնեական առաջին սիստեմը և առաջին ձեռնարկը եկեղեցու հրամանակարգ վարդապետության (dogma)»³⁴: Որիգենեսի այս գործը համարվում է բաժանիկ և միակ գործը հին Եկեղեցու ամբողջ պատմության մեջ: Գրվել է 220—230 թվականին: Բաղկանում է 4 գրքերից: Ֆի-

³¹ Նույնը, էջ 52:

³² The Encyclopedia americana, vol. 20, Origen, էջ 866—867:

³³ Quasten, նույնը, էջ 56:

³⁴ Նույնը, էջ 57:


լուսավիայում, Ս. Բարսեղն ու Ս. Գրիգոր Նազիանզացին մեջքերել են որոշ հատվածներ: Գրքի բովանդակությունն է «Աստված», «Աշխարհ», «Ազատություն» և «Հայտնություն»:

Որիգենեսը իր սույն աշխատության մեջ քննության է առել քրիստոնեական հավատքի հիմնական վարդապետությունները կամ սկզբունքները: Նրա դավանանքն է, «որ քրիստոնեական հավատքի և կրոնական ճշմարտության աղբյուրը՝ Աստվածաշունչն է, եկեղեցական և առաքելական ավանդությունը»:

Այդ աշխատությունը ցույց է տալիս միաժամանակ հեղինակի անվեհեր համարձակությունը, նրա հավատարմությունը իր հավատքին և դեպի Փրկիչը ունեցած անսակարկելի սիրո և նվիրումի:

Սույն հոդվածի ներ շրջանակի պայմաններում երբեք հնարավոր չէ խոսել Որիգենեսի մատենագրական ողջ փաստակի, նրա աստվածաբանության առանձնահատկությունների, ամենասուրբ Երրորդության վարդապետության, եկեղեցաբանության, մկրտության և սկզբնական մեղքի, ս. Հաղորդության և վախճանաբանության, հոգիների նախագոյության և այլ կարևոր եկեղեցական-աստվածաբանական հարցերի մասին: Վերոհիշյալ հարցերով հետաքրքրվողները կարող են դիմել *Johannes Quasten, Patrology, vol. II, էջ 41—101: Migne, Patrologia graeca*. հատոր 11—17, 91—108 և այլ ուսումնասիրություններ:

(Ծառունակելի)



ՄԱՆՅԱ ՂԱԶԱՐՅԱՆ

ՀԱՅԿԱԿԱՆ ՄԻՋՆԱԴԱՐՅԱՆ ՓԱՅՏԵ ԵԿԵՂԵՑԱԿԱՆ ԴՌՆԵՐԸ

Փայտի գեղարվեստական մշակումը սերտորեն շաղկապված է հայ ժողովրդի կենցաղին, նրա ապրելակերպին, նրա արհեստավորության բազմաթիվ ճյուղերին, կիրառական արվեստի տարբեր բնագավառներին: Փայտը աման էր, դաղդղան, գավազան, մոմակալ, վառոդաման, մահճակալ, դաջի կաղապար, կուժ, գաթանախշիկ, գրակալ, գափ, պատշգամբի ձևավորված հատված, եկեղեցու դուռ...: Հղկված փայտե տախտակը հատուկ մշակվում էր նկարի կամ սրբապատկերի համար, դառնում էր ձեռագրի կազմ: Փափուկ, հեշտ մշակվող և գեղեցիկ արտաքին ստացող փայտի առանձնահատկությունները հնարավոր են դարձրել այն ներմուծել ժողովրդի կյանքի զանազան բնագավառները: Կաղնու, հաճարենու, լորենու, ծիրանենու, դեղձի, ընկուզենու, թեղու ծառերը, որոնք այնքան առատ էին Հայաստանի տարածքում, անգնահատելի նյութ են դարձել ժողովրդական կիրառական արվեստի վարպետների համար:


«Պատմական տեղեկություններից երևում է, որ Հայաստանում փայտը բավական առատ էր, որովհետև, բացի Բաքենի անտառներից, հիշատակվում են այնպիսի ըն-

դարձակ անտառներ, որոնց տեղերում այսօր ոչինչ չկա. անկասկած է, որ ժամանակի ընթացքում այդ անտառները ոչնչացել են»—գրում է Թորոս Թորամանյանը¹: Վանից հարավ-արևմուտք գտնվող Խիզանի գավառին էր պատկանում Կարճկանի գավառակը, որի անտառներում աճում էր դիմացկուն և պինդ «անտուռ» կոչված փայտը: Վանեցիք այս գավառն անվանում էին «փայտի երկիր»²: Ասորական մատենագիր Բար Հեբրալուսը վկայում է, որ Ամիդի եկեղեցին վերանորոգելու նպատակով Տարոնի տեր Աշոտ Բագրատունին իր երկրից շինափայտ է նվիրել: Հայաստանի ծառերից պատրաստված գերանները դուրս էին գալիս միջազգային շուկա, որից կահույք էին պատրաստում³: Մովսես Խորենացին գրում


¹ Թորոս Թորամանյան, Նյութեր հայկական ճարտարապետության պատմության: Հ. 1, Երևան, 1942, էջ 145:

² Վրթանես Փափագյան, Նամակներ Թորաքաց Հայաստանից: «Երկերի ժողովածու», Բ. 5, Երևան, 1959, էջ 492:

³ Բաբկեն Առաքելյան, Քաղաքները և արհեստները Հայաստանում IX—XIII դարերում: Հ. 1, Երևան, 1958, էջ 200:



Մշո Առաքելոց վանքի Թարգմանչաց եկեղեցու դռ.որ: 1184 թ.: Երևան, Հայաստանի
պատմության պետական թանգարան



Մշո Առաքելոց վանքի Թարգմանչաց եկեղեցու դուռը: Հատված: 1184 թ.: Երևան, ՀՊՊԹ

է, որ Արա Գեղեցիկի մահից հետո Ծամիրամը Վանի մոտ կառուցում է քաղաք: Սրա համար կարգադրում է Ասորեստանից և իր իշխանության մյուս վայրերից բերել գործավարներ, այդ թվում՝ վեց հազար փայտագործ, քարգործ, պղնձագործ և այլ կարգի ընտիր արհեստավորներ⁴: Հայաստանի

տարածքում փայտի գեղարվեստական զբաղմունքը տարածված է եղել դեռևս ուրարտացիների ժամանակ, որի օրինակները գտնվել են Կարմիր բլուրում: Հայաստանի հեթանոսական տաճարներում գոյություն են ունեցել նաև փայտե քանդակներ, որի մասին վկայում է Ագաթանգեղոսը: Թագավոր Տրդատն առաջարկում է Գրիգոր Լուսավորչին երկրպագել հեթանոսական կուրքերին, որից Գրիգորը հրաժարվում է, իր

⁴ Մովսես Խորենացի, Պատմություն հայոց: Երևան, 1968, էջ 99:

պատասխանի մեջ նաև ասելով. «...ի բաց թողեք պատմեան զպղծութեան պաշտամունսն, զքարեղէն և զփայտեղէն, զարծաթեղէն և զոսկեղէն պղնձաձող պատկերացող զի սուտ են և սնոտի»⁵:

Փայտի գեղարվեստական փորագրության բացառիկ օրինակներ են պահպանվել միջնադարյան հայկական մշակույթում, դռներ ու խոյակներ, գրակալներ ու խաչեր, որոնք գեղարվեստական առանձնակի հետաքրքրություն են ներկայացնում:

Հատկապես նշանակալից են փայտի գեղարվեստական փորագրությամբ կատարված եկեղեցական դռները:

Գեղարվեստական բազմակողմանի առանձնահատկություններով ու արտահայտչականությամբ, պահպանված դռների թվում առանձնակի տեղ է գրավում Մշո Առաքելոց վանքի Թարգմանչաց եկեղեցու փայտյա դուռը:

Մշո դռան մասին առաջին գրավոր հիշատակությունը կապված է անցյալ դարի 90-ական թթ. հետ, երբ Մշո մասին գրված տպավորություններում ճանապարհորդը հիշատակում է նաև այս դռան «հիանալի» քանդակները⁶: 1914 թ., Պետերբուրգի գիտությունների ակադեմիայի հանձնարարությամբ, Նիկողայոս Մառի կազմած ծրագրով, Ա. Տեր-Ավետիսյանը 1500 հայկական ձեռագիր հավաքեց Թորքիայի հայկական գավառներից և հանձնեց Էջմիածնի վանքի մատենադարանին: 1915 թ. Տարոնի գավառի ողջ բնակչությունը ևս կոտորվեց կամ գաղթեց, թալանվեց նրանց հարստությունը: 1916 թ. Ա. Տեր-Ավետիսյանը Բիթլիսում գտավ և Թիֆլիս տեղափոխեց Մշո Առաքելոց վանքի Թարգմանչաց եկեղեցու դուռը: 1925 թ. դուռը տեղափոխվեց Երևան և այժմ ցուցադրվում է Հայաստանի պատմության պետական թանգարանում (Թբիլիսիում պահպանվում է դռան կաղապարը):

Մշո դուռը (185×150) պատրաստված է սև կաղնու փայտից (Մշո չորս կողմը տարածված էին կաղնու անտառներ, որոնք շրջապատի բնակչությանը ծառայում էին նաև որպես վառելանյութ): Դռան վերևում կա մեկ տողից բաղկացած արձանագրություն. «Ի թ(փին) ԾԶԳ. ես տ(է)ր Թորոս

եւ Գրիգոր եւ Դովաս գծ(ող)»⁷: Նշանակում է, դուռը պատրաստված է 1134 թ.:

Այստեղ գործ ունենք եկեղեցու դռան քանդակների բարդ հորինվածքի հետ: Դուռը երկփեղկանի է, ունի լայն և հաստ շրջանակ, երկու հավասար մասերի է բաժանվում մեջտեղի փայտե առանցքով: Դռան փեղկերը ծածկված են հաստ գծերով փորագրված երկրաչափական զարդաքանդակներով, որոնք փնջաձև միանում են մեջտեղի մասում տեղադրված ութանիստ աստղերին⁸: Դռան յուրաքանչյուր դռան վրա կազմում են չորսական ութանկյուն հարթություններ: Թորոս, Գրիգոր և Դովաս փորագրողները գտել են ընդամենը կոմպոզիցիայի գեղարվեստական արտահայտման ինքնատիպ հնարներ: Նախշերից դուրս մնացող դռան ազատ տարածությունները փորագրողները ծածկել են նրբազեղ, թեթև սափող, շերտավոր փորվածքներով: Դռների գեղարվեստական ձևավորման մեջ ամենը ենթարկվում են փորվածքի խորությամբ, զծի շերտի հաստությամբ: Բազմանկյունիների ու աստղերի երիզները շատ ավելի հստակ են ընդգծված, որոնք և ստեղծում են ստվերներ, իսկ բարձր մնացած մասերում առաջացնում են զարդա-նախշերի ծավալային պատրանք: Գեղարվեստական ձևավորման տեսակետից, զարդաքանդակների բնույթով և փայտի փորագրման տեխնիկական հնարներով այս աշխատանքին մոտ կանգնած դռներ հանդիսանում են շատ ավելի ուշ շրջանում: Օրինակ. Մամեյունկների իշխանության ժամանակ կատարված մի դուռ՝ Նյու Յորքի Մետրոպոլիտեն թանգարանում, Իկոնիայից բերված դռներ՝ Ստամբուլի Չինիի-Քյոշք թանգարանում և այլն: Մշո դռան համար նախատիպ կարող էր հանդիսանալ եթե ոչ այլ կոնկրետ դուռ, ապա պարսկական, հատկապես սասանյան շրջանի հեռավոր

⁷ Հատկանշական ցուցակ թանգարանային ժողովածուների: Պրակ 1. **Նվզեհյա Մուշեղյան**, Հայերեն արձանագրությամբ ստարկաներ: Երևան, 1964, էջ 80: Դուռը պատմա-թանափական հիմնավոր վերլուծության է ենթարկել հայ արվեստի երախտավոր Գարեգին արքեպս. Հովսեփյանը. «Տարոնի ս. Դավարի կամ Առաքելոց վանքին դուռը»: «Զուարթնոց» տարեգիրք, Կահիրե, 1937, էջ 146—150:

⁸ Զարդանախի մի ձև, որը լայն տարածում ունի արևելյան երկրների փայտի գեղարվեստական փորագրության մեջ, հատկապես արաբական արվեստում, արաբանների թագավորության շրջանում:

⁵ Բ. Առաքելյան, Քանդակագործությունը հին Հայաստանում (VI դ. մ. թ. ա.—III դ. մ. թ.): «Պատմա-թանափական հանդես», 1969, № 1, էջ 57:

⁶ Ավետիսյան, Մուշ: «Արաքս», Ա. Պետերբուրգ, 1890, գիրք Ա, հունիս, էջ 17—20:

մի նախօրինակ, որի վկայությունը դուռն շրջանակն է⁹:

Դուռը փորագրող վարպետները ազատ չեն թողել ոչ մի հատված: Նրանք փորագրել են նաև դուռն հիմնական հարթությունների շուրջն ընկած տարածությունները, որոնք ամբողջացնում են կոմպոզիցիան և նախապատրաստում շքեղ շրջանակի անհրաժեշտությանը: Վերջինս բոլորովին առանձին է մտածված, հարուստ զարդաքանդակներով ծածկված փայտի լայն երիզ է և երեք կողմից շրջափակում է դուռը: Շրջանակի երեք կողմերն ունեն փորագրության երեք տարբեր մոտիվներ:

Փորագրող վարպետների համար կարևորը դուռն վերևի մասն է, որի մեջտեղում պատկերված մուսկետիկի ֆիգուրով այն բաժանվում է հավասար հատվածների: Յուրաքանչյուր մասում երկուական հեծյալ է պատկերված: Հեծյալներից մեկի վերևի «Տրդատ» գրությունը Գ. Հովսեփյանը համարում է ուշ ժամանակների «անշնորհք փր» և այն միտքն է հայտնում, որ դուռը Մամիկոնյան իշխաններից մեկի՝ Շորտանուել Ա-ի կամ նրա որդու՝ Վիգենի մի քաջագործությունն է պատկերում, իսկ դուռը զոհաբերական նվեր է եղել այդ հաղթանակին¹⁰:

Դուռն շրջանակի երկու կողմերից ցած են իջնում առասպելական կենդանիների պատկերումներ. սֆինքսներ, զարդանկար թևերով թռչուններ, առյուծներ, փղեր, գոմեշներ, ուղեղջյուրներ, հուշկապարիկներ, ինչպես նաև հեծյալներ և այլն: Սրանց առկայությունը վկայում է սասանյան ժամանակների արվեստների հետ ունեցած Մշո դուռն գեղարվեստական ձևավորման կապի մասին: Դա արդարացված է նաև ժամանակի տեսակետից ևս: Թարմ էին չորս դար առաջ իր ծաղկումն ապրող սասանյան արվեստի ավանդները, որոնք իրար էին հանձնում արհեստավոր սերունդները: Ավելին: Մշո Առաքելոց վանքի դուռն զարդաքանդակները աղերսներ ունեն նաև իսլամական ժամանակների արվեստների հետ, որին հարմարեցրել են շատ ավելի վաղ արված դուռն շրջանակը: Բացառիկ վարպետությամբ է օգտագործված շրջանակի հաստ փայտի շերտը: Ֆիգուրների պատկերման ժամանակ փորագրողները դիմում են խորը փոր-

վածքի, ազատվում են փայտի ավելորդ մասերից, ֆիգուրների ձևերը լուծելով քանդակային հստակությամբ: Զինված հեծյալները դրված են որոշակի շարժման մեջ, դեմքերի միօրինակությունը խախտվում է զգեստների դետալների միջոցով՝ անհատականացման ձգտմամբ: Բացառիկ վարպետությամբ են քանդակված կանգնած կամ սլացքով ընթացող ձիերը ուրվագծային հստակ ընդգծվածությամբ, դեկորատիվ նուրբ գեղեցկությամբ: Այս առանձնահատկությունները բնորոշ են նաև շրջանակի կողերի մյուս զարդաքանդակներին: Կենդանիները դասավորված են ութմիկ, համաչափ հեռավորության վրա, օժտված են ներքին լարված շարժումով: Նրանց արտահայտչականությանն օգնում է նաև ոլորապտույտ բուսական զարդաքանդակը, որը շքեղ տարածված է երիզի ողջ մակերեսով, անցնում է կենդանիների ֆիգուրների կողքով ու նրանց բաժանում իրարից: Հիացնում է վարպետների կողմից փայտի փորվածքին տիրապետելը, ինչպես նաև նրա կարողությունները լրիվ օգտագործելու նրանց բացառիկ իմացությունը: Մի կողմից առկա է խորը փորվածքը, որից կենդանիների պատկերումները ստանում են քանդակային հստակ լուծումներ: Մյուս կողմից զարդանախշերն արված են ռելիեֆային և գծային փորագրությունների տեխնիկայով, որոնց շնորհիվ դրանք հարստացնում են միջավայրը, լցնում երիզի դատարկ տարածությունները և օգնում նրա կառուցվածքի ամրությանը:

Մշո Առաքելոց վանքի դուռն իր գեղարվեստական արժանիքներով, իր զուտ աշխարհիկ թեմատիկայով ու կերպարներով զարգացած միջնադարի մշակույթի արտահայտության այն փայլուն օրինակներից է, որտեղ մերվում են հայ կիրառական արվեստի զարգացման տեղեկանքները, շաղկապված հարևան ժողովուրդների արվեստների ավանդներին:

Մեզ հասած հնագույն դռներից է Սևանի Առաքելոց վանքի արևմտյան կողմի մուտքի փայտե դուռը (178×110, Հայաստանի պատմության պետական թանգարան): Դուռն ունի հետևյալ արձանագրությունը. «Ի թվ(ին) հայոց Ռիծ (1176) Արոգեցալ դուռն ս(ուր)ք եկեղեցոյս հրամանաւ իշխանաց իշխան Քրդին եւ ձեռամբ Յոհաննիս հիւսանն, որք ընթեռնոյք յիշեսցիք»: Այս հուշարձանի առաջին գլխադրությունը պատկանում է Մայր Աթոռի միաբան Հովհաննես եպիսկ. Ծախաբունյանցին, որը բերում է արձանագրությունը, նշում, որ դուռն ընկուզենուց է և հնությունից կարծ-

⁹ Այս միտքն առաջին անգամ հայտնել է Ա. Տեր-Ավետիսյանը. Резная дверь 1134 г. из окрестностей гор. Муша. «Известия Кавказского историко-археологического института в Тифлисе». т. III, Тифлис, 1925.

¹⁰ Գարեգին արքեպս. Հովսեփյան, նշված աշխ.:



Սևանի Առաքելոց եկեղեցու դուռը: 1486 թ.: Նրևան, Հոլդիթ

րացած¹¹: Ինչպես երևում է արձանագրությունից, դուռը պատրաստվել է 1176 թ., Հովհաննես հյուսնի ձեռքով:

Սևանի Առաքելոց վանքի արևմտյան մուտքի դուռը ժամանակի փայտի գեղարվեստական փորագրության ինքնատիպ օրինակ է, որտեղ վարպետը կարողացել է համամասների միասնականության և զուսպ փորագրության միջոցով հանդես բերել գեղարվեստական ընդհանրացման կարողությունների: Հովհաննես հյուսնի նպատակը միայն գեղարվեստական ձևավորում ունեցող դուռ ստեղծելը չէ: Նա դուռն համար պատրաստում է ծանր ու հաստ շրջանակ, որի հարթ տարածությունը լցնում է եռաշար, իրար կողքի դասավորված քառակուսի խաչերով: Դրանց խորը քանդակված հաջորդականությունը վարպետն աշխուժացնում է գծային փորվածքով արված խաչերով: Վարպետն ունի ծավալի զգացողություն, փայտի ծանրությունը թեթևացնելու հմտություն: Ծարտարապետական ֆունկցիայից զատ, դուռն շրջանակը կատարում է նաև գեղարվեստական երիզի դեր: Դուռն իր հերթին ներկայացնում է խաչքար, որի կենտրոնական մասը գրավում է երկարածիգ զարդաքանդակ խաչը՝ շրջապատված ոճավորված արմավագարդերով: Խաչի ցածի մասը դատարկ է, համաչափ փորվածք ունեցող կետերով լցված, որը խաչքարի պատվանդան է հիշեցնում:

Եկեղեցիների համար փորագիր փայտյա դռներ ստեղծելը տարածված արվեստ էր միջնադարյան Հայաստանում: Պահպանված հետաքրքիր օրինակներից է Տաթևի վանքի Պողոս-Պետրոս եկեղեցու դուռը (Հայաստանի պատմության պետական թանգարան): Դուռն կոմպոզիցիան ավանդական «խաչքարային է»՝ վարդյակի վրա կանգնեցված խաչով: Վարպետը փայտի ազատ տարածությունը ծածկում է բարդ կորագծերից կազմված երկրաչափական ու բուսական զարդաքանդակներով: Նա հատկապես շեշտում է զարդագծերի ծավալայնությունը, որին հասնում է թեթև կամ խո-

րը փորվածքներով: Ըստ պահպանված արձանագրության դուռը նորոգվել է 1253 թ. (ՋԲ), Տեր Հայրապետի կողմից¹²:

Խաչի տարբերակներով ստեղծված դռներից հետաքրքիր է Վարազա վանքի դուռը: Երկփեղկ դուռն ողջ տարածությունը ծածկված է իրար մեջ հագնող եռանկյունների համաչափ շարքերով, որոնք կատարված են խորը փորվածքով: Բարձրաքանդակ փորվածք ունեցող արաբեսկների կողքին վարպետը տաճում է մի ոչ շատ խորը գիծ, որից զարդանախշերը դառնում են ավելի նրբագեղ: Դուռն վերևում տեղադրված խաչերն ունեն ժանեկանման փորագրություն և հիշեցնում են XII—XIII դդ. խաչքարերը¹³:

Խաչքարերի ու փայտյա դռների ամսիչական կապը հաստատող օրինակ է նաև Սևանի Առաքելոց վանքի Թարգմանչաց եկեղեցու հարավային դուռը (175×91, 1466 թ., Հայաստանի պատմության պետական թանգարան): Անշուշտ, դուռն ամենակարեվոր առանձնահատկությունը նրա տարածքում տեղադրված պլոմետային տեսարանն է, չնայած ընդհանուր գեղարվեստական կերպարը դարձյալ խաչքարային է:

Դուռն կոմպոզիցիայի չորս կողմում տեղադրված է արձանագրությունը, որի հիմնական հատվածն է. «Զհա(յոց) թվ(ա)կանի ԼԵ թիւ ավելի յաթ(ո)ոս(կա)լույթե(ան) տ(եառ)ն Սարգսի, ի խանութեա(ն) Յաղուպ քելի, ծաղկեցաւ դուռն տաճարիս Առաքելոցն Ք(րիստոս) ի հրամ(ա)նաւս(ուր)ք վ(ար)դ(ապետ)ի եռամեծիս Դանիէլի եւ սիրելի որդւոյ սորին եպիս(կոպոս)տ(է)ր Ներսէսի Զեռ(ա)մբ սորին աշակերտի անարժանիս Աբրահամի. Նաեւ եղբար մեր սիրելի շնորհաւք ի լի Գր(ի)գ(որ)իս»¹⁴: Դուռն ցածի մասում՝ ավանդական վարդակ է, հյուսվածքով փորագրված, շուրջն ունենալով եռատերևի և արմավենու ցողուններ, որոնք, ըստ Գարեգին Հովսեփյանի, շատ տարածված ու սիրված մոտիվներ են XIII դ. մանրանկարչության մեջ¹⁵: Կոմպոզիցիայի վերին մասում զգալի դեր

¹¹ Հովհաննես եպիսկ. Ծախաթունյանց, Ստորագրութիւն կաթողիկէ Էջմիածնի եւ հինգ գա.առացն Արարատայ: Էջմիածին, 1842, հ. Բ. էջ 212: Հետագայում այս հուշարձանին անդրադարձել են Մեսրոպ արքեպս. Սմբատեանց, Տեղեկագիր Գևորգքունի ծովագարդ գավառին: Վաղարշապատ, 1895, Դ. Ալիշան, Միասկան: Վենետիկ, 1893, Ե. Լալայան, Գեղարքունիք կամ Նոր Բայազետի գավառ: Թիֆլիս, 1908, գիրք 17, Գ. Հովսեփյան, Խաղրակյանք կամ Պոռշյանք հայոց պատմության մեջ: Վաղարշապատ, 1928, Եվգեն Մուշեղյան, Աշխ. աշխ.:

¹² Չափերն են՝ 180×150: Տաթևից բերվել է 1931 թ. երկրաշարժից հետո, կենտրոնական մասը կտրված վիճակում:

¹³ Դուռն ճակատագիրը հայտնի չէ: Լուսանկարը տեղադրված է՝ Walter Bachman, Kirchen und Morechen in Armenien und Kurdistan Leizig 1913, t. 1, b. 30.

¹⁴ Ծախաթունյան, Աշխ. աշխ., հ. Բ, էջ 213:

¹⁵ Գարեգին արքեպս. Հովսեփյան, Սևանի Առաքելոց վանքի հարավային դուռը: «Ամսագիր», Փարիզ, 1932, № 5—6, էջ 39—40:



Սևանի Առաքելոց եկեղեցու դուռը: Հատված: 1486 թ.: Երևան, Հայաստանի պատմության պետական թանգարան

են խաղում կորագծերը, որոնք դառնում են պուների վրա խարսխված կիսակամարներ, մեկը մյուսի շարունակությունն են կազմում և իրենց մեջ են առնում պուների մեջ կարելիք տեղ գրավող գործող անձանց: Դուռն վերևի մասում փորագրված է գահին նստած Քրիստոսը: Նրա երկու կողմերից երևում են Արծվի, Եզան, Առյուծի և Հրեշ-

տակի խորհրդանիշերը: Մյուս գործողությունները տարածվում են դեպի ցած. Քրիստոսի ներքևում՝ խաչն է, որի երկու կողմերում կանգնած են Հովհաննես Մկրտիչն ու Աստվածամայրը, Ստեփանոս Նախավկան և Գրիգոր Լուսավորիչը: Մեջտեղում փորագրված Սուրբ Հոգու գալստյան տեսարանի՝ դեպի ցած թռչող աղավնու

կտուցից իջնող լույսի ճառագայթների երկու կողմերում, նստած են տասներկու առաքյալները: Նրանցից ցած պատկերված են աղոթող վեղարավորները, Դանիել վարդապետն ու Ներսես եպիսկոպոսը, որոնք և դուռն պատվիրատուներն են: Սուրբ հոգու ցածում տեղադրված կամարակապ հատվածում եռաֆիգուր մի կոմպոզիցիա է: Գ. Հովսեփյանը գտնում է, որ կենտրոնում կանգնած թագակիրը՝ բյուզանդական կայսերական զգեստավորմամբ, մարմնավորում է տիեզերքը, իսկ մարդկային գլխով և ծոծրակին ամրացված շան գլխով անձնավորությունը հեթանոսության խորհրդանշին է (արա կողքին պարթևական տարազով մի կերպար կա)¹⁶: Աղավանդեալ Սուրբ Հոգին, շուրջը նստած առաքյալներն ու կամարի տակ պատկերված տարբեր ազգերի ներկայացուցիչները XI դարի մանրանկարչության մեջ ընդունված պատկերագրությունից են թելադրված:

Սևանի Առաքելոց վանքի Թարգմանչաց եկեղեցու հարավային դուռը գրավել է նաև Մ. Վազգների ուշադրությունը, որը գրել է. «Գլխավոր մուտքի դռները կազմված են օրինակելի փայտե փորագրություններից, որոնք ներկայացնում են ամեն տեսակի զարդարանքներ և ֆիգուրներ»¹⁷: Այսօրինակ գնահատությունը հատկապես արժեքավոր է, եթե նկատի ունենանք, որ Մ. Վազգները շատ զգույշ է Հայաստանում տեսած գեղարվեստական արժեքները գնահատելիս:

Ո՞րն է այս աշխատանքի լայն տարածում ստանալու և բարձր գնահատվելու գաղտնիքը. գեղարվեստական մտահղացումն ու այն իրականացնելու մեծագույն հմտությունը, որը Հ. Ղ. Ալիշանն անվանում է «ճարտարագույն»¹⁸:

Արքա՛համ վարպետի աշխատանքի հրմտությունն արտահայտվել է թեմայի ընտրության, նրա պարզ արտահայտչականու-

թյան համար գտնված մեկնաբանման մեջ: Այստեղ մենք գործ ունենք բազմաթիվ կերպարների հետ: Վարպետը ձգտում է գործող անձանց անհատականացման, գտնում է նրանց բնորոշող տարբեր դետալներ: Նա օգտագործում է և՛ բարձրաքանդակի, և՛ հարթաքանդակի հնարներ: Փորագրում է ազատ, հմուտ, ձևերին տալով թեթևություն, մոտենալով նաև գեղանկարչական արտահայտչականության: Հավանական պետք է համարել վարպետ Արքա՛համի գրիչ և մանրանկարիչ լինելը, քանի որ, ինչպես վկայում է Գ. Հովսեփյանը, 1471 թ. մի Ավետարանի հիշատակարանում հանդիպում ենք Դանիելի աշակերտ «զԱրքա՛համ անվարձ գրչիկս» արտահայտությանը, իսկ Սատթեսուի պատկերի տակ կա «զԱրքա՛համ նկարիչ յիշեա եւ ասա միշտ տր. ողորմեա»¹⁹: Դուռն ողջ կոմպոզիցիան վերցված է փայտի տարբեր կտորներից ստեղծված շրջանակի մեջ, որի զարդանախշերն աղերս ունեն արևելյան զարդաքանդակների հետ: Գ. Հովսեփյանն այն կարծիքն է հայտնում, որ շրջանակը կարող է շատ ավելի հին լինել²⁰: Բոլոր դեպքերում, եթե անգամ Արքա՛համ վարպետը օգտվել է հին օրինակներից, ապա օգտվել է հմտորեն, ճաշակով, վարպետության ակնհայտ կարողություններով: Շրջանակի վրա տեսնում ենք թեթև և նրբագեղ արված խաչեր, ծաղիկների ոճավորված վեցյակներ, հավերժության խորհրդանշներ և այլն, որոնցից դուռը որոշակի շքեղություն է ստանում:

Թարգմանչաց եկեղեցու փայտյա դռները բացառիկ չեն եղել Սևանի վանքում: Ինչպես նշվում է մի Ավետարանի հիշատակարանում, վարպետ Դանիելը, վերոհիշյալ դուռն պատվիրատուն

«զարդարե եկեղեցի,
եւ առաւել զՍևան կղզի
ի գանազան զարդ պերճալի,
պննեալ ի տիպս հրճուելի»²¹:

(Ծարունակելի)

¹⁹ Նույն տեղում, էջ 85—86:


²⁰ Նույն տեղում:

²¹ Նույն տեղում:

¹⁶ Նույն տեղում, էջ 39—40:

¹⁷ Wagner Moriz, Reise nach dem Ararat und dem Hochland Armenien. Stuttgart und Tübingen 1848, p. 30.

¹⁸ Հ. Ղ. Ալիշան, Սիսական: Վեներիկ, 1892, էջ 84:



ՀԱՆԳԻՍ
Տ. ՀԱՅՐԻԿ ԱՐԹԵՊԻՍԿՈՊՈՍ ԱՍԼԱՆՅԱՆԻ
(1909—1981)

Փետրվարի 23-ին Երուսաղեմում, Ս. Հակոբյանց վանքում, ծանր հիվանդությունից հետո, վախճանվեց Ս. Հակոբյանց Մայր տաճարի լուսարարապետ Տ. Հայրիկ արքեպիսկոպոս Ասլանյանը:

Երուսաղեմի հայոց ամենապատիվ Տ. Եղիշե արքազան պատրիարք հայրը, Ս. Հակոբյանց միաբանությունը ծանր կորուստ կրեցին Տ. Հայրիկ արքեպիսկոպոսի մահով:

Հանգուցյալը (ավագանի անունով՝ Սիմոն) ծնվել է Ադրակում (Վան) 1909 թվականին, գյուղի ուսուցչի ընտանիքում: Ծնողների յոթ զավակների միջևեկն էր հանգուցյալը:

Փոքրիկ Սիմոնը մանկական վաղ հասակից ճաշակել է որբության դառնությունը:

1915 թվականին, Վանից դեպի Սալմաստ-Պարսկաստան տարագրության և մահաճյի ճանապարհի վրա, նա կորցնում է իր հոգեհատորներին, որոնք ընկնում են մարտի դաշտում, թշնամու դեմ մղած անհավասար գոյության կռիվում, իսկ ինքը մահից ազատված հրաշքով, վիրավոր սրտով ընկնում է Պաքուպայի (Իրաք) Տարագրելոց հայկական որբանոցը, նույն տխուր ճակատագրին ենթարկված բազմահարյուր հայ որբերի հետ:

1922 թվականին պատանի Սիմոնը մի խումբ ուսանողների հետ փոխադրվում է



Երուսաղեմի Արարատյան որբանոցը՝ է՛լ ավելի հիմնավոր հայեցի դաստիարակություն ստանալու համար:

1924 թվականին Սիմոնը ընդունվում է Երուսաղեմի Ժառանգավորաց վարժարանը, և այդ օրվանից նրա կյանքն ու գործունեությունը ընդմիջտ կապվում է այդ շատ սիրելի Հաստատության անվան հետ:

Հաջողությամբ ավարտելով Ժառանգավորաց վարժարանի քառամյա դասընթացը, Սիմոնը սարկավագ է ձեռնադրվում 1928 թվականին Դուրյան Եղիշե պատրիարքի ձեռքով: Այս անդամակցելով Ս. Աթոռի միաբանության, 1932 թվականին ավարտում է Ընծայարանի աստվածաբանական դասընթացը և կուսակրոն քահանա է ձեռնադրվում Ս. Թորգոմ պատրիարքից՝ օծակից ունենալով Եղիշե, Տիրայր և Ասողիկ վարդապետներին:

Երիտասարդ, գործունյա Հայրիկ վարդապետի առաջ քացվում է վանական-վարչական պատասխանատու պաշտոնների աւարեզը: 1933—1939 թվականներին նա ձեռնհասորեն վարում է Ս. Հակոբյանց վանքի ավագ թարգմանի պաշտոնը, որը մի տեսակ յուրահատուկ ներկայացուցչություն է Պատրիարքարանի և կառավարության, հայոց վանքի և մյուս կրոնական այլ հարանվանությունների միջև:

Նույն տարիներին նա Ժառանգավորաց վարժարանում դասավանդել է գրաբար լեզու ու Հայ Եկեղեցու պատմություն:

1939—1941 թվականներին Հայրիկ վարդապետը վարում է Երուսաղեմի հայոց Պատրիարքարանի կալվածոց տեսչությունը:

1941—1953 թվականներին նա անդամ և ատենապետ է ընտրվում Տնօրեն ժողովի:

1947—1955 թվականներին, համատեղության կարգով, կառարում է նորից վանքի ավագ թարգմանի պաշտոնը:

1961 թվականից Ս. Հայրիկ սրբազանը

ընտրվում է Ս. Հակոբյանց Մայր տաճարի լուսարարապետ, պաշտոն, որը նա վարում է մինչև իր մահը:

Հանգուցյալը ազնիվ, սրտաբաց, հյուրաներ ու բարի հոգևորական է եղել, Ս. Հակոբյանց միաբանության ճանաչված ու սիրված անդամներից մեկը:

1955 թվականի հոկտեմբերի 6-ին հանգուցյալը Մայր տաճարում եպիսկոպոս է ձեռնադրվում Ս. Ս. Վազգեն Ա Ամենայն Հայոց Հայրապետից՝ օծակից ունենալով Ս. Հսկիագուն, Ս. Պարգև, Ս. Սերովբե, Ս. Ծնորհք, Ս. Վարդան և Ս. Եզնիկ վարդապետներին:

1963 թվականի հոկտեմբերին Ս. Հայրիկ եպիսկոպոսը արժանանում է, Վեհափառ Հայրապետի տվչությամբ, արքության պատվի՝ իր հոգևոր, վարչական ծառայությունների համար:


Հանգուցյալի մահվան առիթով Վեհափառ Հայրապետը հետևյալ ցավակցական հեռագիրն ուղարկեց Երուսաղեմի հայոց ամենաաատիվ Ս. Եղիշե սրբազան պատրիարքին.


«Վշտով կմասնակցինք Սուրբ Աթոռիդ սուգին՝ աղոթելով, որ Աստված խաղաղությամբ ընդունի ի Տեր հանգուցյալ լուսարարապետ Հայրիկ արքեպիսկոպոսին հոգին և արժանի ընե երկնիս արքայության:

Սուրբ Էջմիածնեն օրհնություն և լուս Հայրիկ սրբազանի հիշատակին և վաստակին: Անսասանություն Առաքելական Սուրբ Աթոռիդ և արևշատություն Ձերդ Ամենապատվության»:

Մարտի 1-ին, կիրակի.—Բարեկենդան: Հավարտ ս. պատարաօի Մայր տաճարում, Վեհափառ Հայրապետի նախագահությամբ, տեղի ունեցավ Ս. Հայրիկ արքեպ. Ազանյանի հիշատակին նվիրված հոգեհանգրստյան կարգ:

Հանգի՛ստ Ս. Հայրիկ արքեպիսկոպոսի ոսկորներին:





ՌՈՒՅԵՐՏ ԱԹԱՅԱՆ

ՄԱԿԱՐ ԵԿՄԱԼՅԱՆԻ ԵՎ ՆՐԱ ՄԻ ՔԱՆԻ ՆՈՐԱՀԱՅՏ ԲՆԱԳՐԵՐԻ ՄԱՍԻՆ

Լրացավ հայ պրոֆեսիոնալ երաժշտական արվեստի բազմերախտ գործիչ, ակադեմիկոս կոմպոզիտոր, խմբավար ու մանկավարժ **Մակար Եկմալյանի** ծննդյան 125 տարին: Անցած տասնամյակների ընթացքում Եկմալյանի անունը ոչ միայն չի մոռացվել, այլև ազգային երաժշտական ժառանգության երկնակամարում գնալով ավելի է փայլում նոր երանգներով, շարունակ ավելի պարզ է գծագրվում իր ժողովրդի համար Եկմալյանի կատարած գործի պատկառելի արժեքը:

Մ. Եկմալյանի ստեղծագործությունը արգասիք է հայ կոմպոզիտորական արվեստի զարգացման այն կարևորագույն շրջանի, երբ այդ արվեստում մշակվում էին ազգային ոճի հիմքերը: Այս առումով Եկմալյանի ներդրումը՝ ազգային լեզվով արտահայտվելու նրա հայտնաբերած միջոցներն ու եղանակները, շատ որոշակի նշանակություն ունեցան հայ երաժշտության՝ Կարա-Մուրզայից դեպի Կոմիտաս տանող վերելքի ճանապարհին:

Դրա հետ մեկտեղ Եկմալյանի երկերը մեծ դեր խաղացին ժողովրդի մեջ բազմաձայնության ճաշակ արմատավորելու գործում, զգալի նպաստեցին ժողովրդի ինքնաճանաչմանը, նրան հայրենասիրական ոգով դաստիարակելուն:


Եկմալյանի աշխատանքը Ներսիսյան դպրոցում գորել ազդակ դարձավ ազգային երաժշտական մանկավարժության և խմբավարական արվեստի զարգացման համար: Դրանից ուսում ստացած մի շարք հայ պա-

տանիներ հետագայում դարձան նշանավոր երաժիշտներ...

Այս բոլոր փաստերը ցույց են տալիս Մ. Եկմալյանի գործունեության պատմական անուրանալի նշանակությունը: Նույնքան կարևոր է և այն, որ կոմպոզիտորի երաժշտական երկերը չմնացին որպես սոսկ թանգարանային նմուշներ: Դրանք գեղարվեստական շրջանառության մեջ են և իրենց խոր բովանդակալիությամբ ու վառ ինքնատիպությամբ մշտապես գրավում են և՛ հայ, և՛ այլազգի ունկնդիրների: Սրանով երևան է գալիս Եկմալյանի գործունեության մասնաբաժնի նշանակությունը:


Մ. Եկմալյանի ստեղծագործական ժառանգությունը (եթե մի կողմ թողնենք ուսումնաստական աշխատանքները) ժանրային ստումով ընդարձակ չէ՝ լինելով գրեթե բացառապես երգեցողական (գերազանցապես՝ խմբերգային), բաղկացած հայ հոգեվոր ու ժողովրդական երգերի մշակումներից և ժողովրդական սկզբնաղբյուրից անկախ մի քանի այլ գործերից: Պատկառազոր է, սակայն, այդ ժառանգության կշիռը, հարուստ ու բազմազան՝ դրա բովանդակությունը:

Ներկայումս լիովին պարզ է, որ Եկմալյանի **Պատարագը** իր բազմաբնույթ երաժշտական արտահայտչությամբ, խոր խոհականությունից ու հոգևոր քնարականությունից մինչև դրամատիկական լարումներ ու փիպական շունչ, լոկ միայն արարողական երկ չէ, այլ մաս լիարժեք համերգային գործ, ինչպիսիք են այլ ժողովուրդների



Աշանավոր կոմպոզիտորների Առյուծախա
ստեղծագործությունները: Որպես այդպի-
սին, Պատարագի գեղարվեստական արժե-
քը պայմանավորվել է նրանով, որ այդ աշ-
խատության համար հեղինակը կարողացել
է ներդրել ընտրել հնավանդ հոգևոր եղա-
նակների լավագույն նմուշներ, դրանք հիմ-
նորեն ու ճաշակով խմբագրել է, ներդաշ-


նակելիս չի խաթարել, չի մթազնել, այլ ա-
վելի ցցուն երևան է բերել ընտրած եղա-
նակների ի սկզբանե ժողովրդական հիմքը,
ժողովրդական ոճին դրանց անվիճելի հա-
րազատությունը և, վերջապես, Պատարագը
(բոլոր երեք տարբերակները) հեղինակն
իրականացրել է ոչ թե որպես հոգևոր եր-
գերի շարան, այլ որպես խոշոր չափանիշի



ամբողջական երաժշտական երկ:

Եկմայրանի հայրենասիրական «Հայ ժողովրդական երգերի շար»-ը, «Քաջ Վարդան Մամիկոնյանի մահը», վիպասանության խոսքերով գրված «Լոռե...» ընդարձակ խմբերգը և մյուս նման գործերը ոգեշնչված

են Ռափայել Պատկանյանի բոցաշունչ քնարով: Դրանք մի յուրատեսակ հնչող հուշարձան են դարձել հայրենասեր քանաստեղծին ու նրա պոեզիային և մնում են որպես մեր ժողովրդի համար անվերապահորեն գնահատված ու սիրված խմբերգեր:



Նույնքան գնահատելի են գլխավորապես ու աշտուղական երգերի վերջերս երևան բերված մշակումները, այն երգերի, որոնց մեղեդիները, ինչպես հայտնի դարձավ արխիվային նյութերի ուսումնասիրությունից, Եկմալյանին տրամադրել է Կոմիտաս վարդապետը 1895-ին, երբ նրա մոտ վարժվում էր երաժշտության տեսությունից: Այդ մշակումները փաստորեն ժողովրդական կյանքի տարբեր արտահայտումների մասին մտերմիկ ու հուզաթաթալ պատումներ են: Վարպետության առումով դրանցում ա-

ռանձնապես գրավիչ են բազմաձայնի՝ անմիջականորեն ժողովրդական մտածելակերպից բխող նոր հատկանիշները: Ոճի մի կուսական մաքրություն է հատուկ այդ երգերին, ողջախոհությունն է բուրրում դրանցից: Գլխավորապես երգերի հրապարակումով Եկմալյանի ստեղծագործության մինչ այդ հայտնի եղած աշխարհիկ հատվածը իր ծավալով էլ կրկնապատկվեց:

Եկմալյանի աշխարհիկ ստեղծագործություններում կան շատ տխուր էջեր: Թերևս ինչ-որ չափով դա բխել է հեղինակի անձ-

նական խառնվածքից: Բայց կան նաև անկաշկանդ, ուրախության պահեր, դրամասիզմի ու հերոսականության տարրեր, անկեղծ պաթետիկա...

Մ. Եկմալյանի ամբողջական գործունեության ուսումնասիրությունը գտնվում է շարժուն փնտրում, որովհետև նույնպիսի փնտրում է գտնվում նրա երկերի հայտնաբերումը՝ լինեն դրանք մաքրագրված թե սևագիր թերթիկների վրա: Երևան եկող և ուսումնասիրվող ամեն մի նոր թերթիկը մի նոր էջ է ավելացնում կոմպոզիտորի գործունեության նկարագրին կամ նրա բուն ստեղծագործությանը:

Ստորև ներկայացվում են Եկմալյանի ուշ տարիների աշխատանքներից մինչև այժմ անձանոթ մնացած մի քանի էջեր.

Կոմպոզիտորի ձեռագրերի ուսումնասիրությունից ներկայումս երևում է, որ 1896-ին, Պատարագի տպագրությունն ավարտելուց հետո, նա զբաղվել է ոչ միայն վերը հիշատակված գյուղական երգերի մշակումով, այլ նաև շարունակել է հոգևոր երգերի մշակում-դաշնակումը: Այսպես, այստեղ առաջին անգամ հրապարակվող «Հրաշափառ Աստուած» շարականը՝ դաշնավորված քառաձայն միասեռ խմբի համար, Սբ. Ներսեսին նվիրված «Այսօր վերստին նորոգեցան» երգը, Պատարագի մաս կազմող ԳՁ «Տէր, ողորմեա» և «Փառք քեզ, Տէր» նոր հատվածները,—այս բոլորը գրված են 1898-ին, իսկ «Այսօր երկնայինքն ուրախացան» շարականը գրված է ավելի ևս ուշ՝ 1901-ի ապրիլին, ու կոմպոզիտորի թերևս վերջին աշխատանքներից է:

Այս բոլոր կտորները, Եկմալյանի աշխատանքային կենսագրությանը լրացուցիչ տվյալներ բերելով հանդերձ, գրեթե բոլորն էլ ունեն նաև մասնավոր հետաքրքրականություն:

Այսպես, օրինակ, ԳՁ «Տէր, ողորմեա»-ն, ինչպես և տպագրված Պատարագի նույնանուն հատվածը Նիկողոս Թաշճյանի գրառած ու տպագրած միաձայն պատարագներում (1874 և 1878) չկան, ուրեմն երկուսն էլ հետագայում Եկմալյանի կողմից գրաված և հաստատուապես էջմիածնական եղանակներ են: Ներդաշնակման կերպը երկուսում էլ նույնն է, բայց այս նոր «Տէր, ողորմեա»-ում եղանակի չափը կենտ է (հիշեցնենք, որ իր ընդարձակ Պատարագում Եկմալյանը կենտ չափ գործածել է միայն մեկ դեպքում՝ «Յամենայնի» հատվածի երկու տարբերակների սոսկ առաջին կեսերում), և արդեն իր այդ «գնայուն» ընթացքով հետաքրքրական է:

Հայտնի է, որ 1898 թ. գարնանը «Արաբատ» ամսագրում Կոմիտասը գետնել է

Եկմալյանի Պատարագը բարձր գնահատող և միաժամանակ դրա վերաբերյալ որոշ դիտողություններ պարունակող ընդարձակ հոդված, որին Եկմալյանը նույն տարվա ամսանը, դարձյալ «Արաբատ»-ի միջոցով, բորբոքված ժառողական պատասխան է տվել: Ըստ երևույթին, իր պատասխանը գրելուց հետո, Եկմալյանն այնուամենայնիվ անդրադարձել է Կոմիտասի դիտողություններին, և դրա հետ է կապված «1898, դեկտեմբեր» թվական կրող այս «Տէր, ողորմեա»-ն, որտեղ թվում է, թե Կոմիտասի դիտողությունները նկատի են առնված: Անշուշտ, անկախ դրանից էլ, սա ընդհանրապես գեղեցիկ եղանակ է նույնքան գեղեցիկ դաշնակումով (հատկացված է եռաձայն խմբի, հաջողությամբ կարող է կատարվել նաև մեներգով՝ երկձայն խմբի ու դեկցությամբ):

«Փառք քեզ, Տէր» հակիրճ հատվածը նույն եղանակն ունի, ինչ որ Պատարագում է, բայց այստեղ էլ նշմարվում է Եկմալյանի ներդաշնակման մեթոդի այն էվոլյուցիան, որ ավելի պարզորոշ երևան է եկել գյուղական երգերի մշակումներում (կիրառված է, օրինակ, ձայների «նշանակում», որ հետագայում, ի դեպ, Կոմիտասը ևս նույն «Փառք»-ի մեջ մշտապես կիրառել է): Վերջապես, 1901-ին գրված «Այսօր երկնայինքն» շարականը (Կանոն Պենտեկոստեի երրորդ ատոր) գրեթե ստեղծվածային է. ձայնեղանակը ոչ թե ԲԿ է, ինչպես տպագրված Ծարակնոցում (էջ 628), այլ՝ ԱՁ, «դարձվածք» վերջավորությամբ. հետևաբար՝ դարձյալ մի նոր, թերևս դարձյալ էջմիածնական տարբերակ: Սա հաջ ժողովրդական և հոգևոր եղանակների այն հետաքրքրական նմուշներից է, որոնք, շարունակ մի որոշակի ձայնեղանակում ընթանալով, վերջում անսպասելի դարձ են կատարում, ավարտվում նոր հիմնաձայնով ու դրանով առատ երանգավորում երգը: Ներկա ներդաշնակման մեջ արդյունավետ կերպով հաշվի է առնված երգի այդ հատկանիշը (տես՝ նույնի օրինակները):

(Նոտային օրինակներ)

Եկմալյանի երաժշտական ժառանգությունը, իր՝ ներկայումս էլ դեռ ոչ լրիվ հայտ-

* Եկմալյանի պատարագի 71—72 էջերի ԱԿ «Տէր, ողորմեա»-ի մասին Կոմիտասը նկատել էր, որ «Տէր» վանկերի ամանակը անտեղի ծանրացված է. իսկ էջ 79-ի ԳՁ «Տէր, ողորմեա»-ի վերաբերյալ նա գտել էր, թե եղանակի մեջ մետրական շեշտերը սխալ դասավորություն են ստացել (տես՝ Կոմիտաս, Հոդվածներ և ուսումնասիրություններ, Ե., 1941, էջ 143 և 146): Այս նոր «Տէր, ողորմեա»-ում այդ պատկանքը չկան:


նաբերված վիճակում, անցյալի հալ ազգային պրոֆեսիոնալ երաժշտության մի ամբողջական ու նշանակալից բաժինն է և, ինչպես ասացինք, ունի ոչ միայն պատմական, այլև մնայուն գեղարվեստական արժեք: Եթե անգամ Պատարագից հետո Եկմայանը նոր ոչինչ ձեռնարկած չլիներ, հենց Պատարագն էլ բավական կլիներ՝ հալ ազգային երաժշտության զարգացման մեջ նրան մեծ դեր հատկացնելու համար: Սակայն, չափից դուրս բարեխիղճ, ինքնապատասխանատվության հիվանդագիտության աստիճանի հասնող զգացմունքի տեր, բառիս բուն իմաստով աշխատավոր ու միաժամանակ բարձրաճաշակ այդ անձնավորությունը Պատարագի բերած դափնիներից անգործության չի մատնվել, շարունակել է ստեղծագործել և նույնիսկ իր արվեստում շարունակ խորացել: Եկմայանն իր բազմարդյուն կյանքն ապրեց բացառապես ժողովրդի շահերով: Նրա թե՛ նախապես հալունի եղած ստեղծագործությունները և թե՛ ձեռագրերի նոր հայտնաբերումները այս են հաստատում:


Նկատի ունենալով Եկմայանի Պատարագը,

երիտասարդ Կոմիտասը իրավացի համոզվածությամբ գրել է՝ «Հարգելի պ. Մակար Եկմայանը մեր երգեցողության ամայի անդաստանի մեջ ներդաշնակության անդրանիկ բուրաստանը տնկեց: Սրտանց ուրախ ենք, որ հաջերս այժմ կարող ենք պարծել, թե մենք էլ ետ չենք մնացել վսեմ գեղարվեստի և կատարելագույն երաժշտության զարգացումից»:

Հասկանալի է, որ «մեր երգեցողության անդաստան» ասելով Կոմիտասը նկատի ունի հալ պրոֆեսիոնալ երաժշտությունն ընդհանրապես, իսկ «ներդաշնակություն» բառն այստեղ առնված է այն իմաստով, ինչ իմաստով Կոմիտասը դա գործածում էր նաև իր ստեղծագործությունների համար («գրի առավ և դաշնակեց...»):

Իմանալ Կոմիտաս վարդապետը Եկմայանի՝ այդ ժամանակ արդեն ձեռնարկած գլուղական երգերի մշակումները ևս (որոնք հեղինակի կյանքի ընթացքում այդպես էլ չկատարվեցին), անշուշտ իր բարձր գնահատականը նա կհատկացներ և ա՛յս գործերին, Եկմայանի ո՛ղջ ստեղծագործությանը:





ՄԵՂՈՒՆ, ՄԵՂՐՆ ՈՒ ՄԵՂՐԱՄՈՄԸ ՄԵՐ ԺՈՂՈՎՐԴԱԿԱՆ ՀԱՎԱՏԱԼԻՔՆԵՐՈՒՄ

Հայաստան աշխարհը, Փոքր Կովկաս լեռնաշղթայի փեշերից մինչև Հայկական Տավրոս, վաղնջագույն ժամանակներում ծածկված է եղել ալալյան արտադրանքներով ու անտառներով, գետերով, մեծ ու փոքր լճերով և սառնորակ աղբյուրներով: Այդտեղ բազմացել են բազմազան կենդանիներ ու թռչուններ, միջատներ ու գետուններ, այդ թվում՝ նաև մեղուներ: Բնակչի մայրական այս պայմաններում են ապրել ու գործել հայերի նախնիները՝ Հայկական թարձրավանդակի հնագույն բնակիչները: Նրանք իրենց մատչելի միջոցներով ստեղծել են իրենց ապրելակերպն ու միջավայրն արտացոլող ժայռապատկերներ, որոնք հարատևել են մինչև մեր օրերը և որոնք վերջին տասնամյակներում հազտնագործվել ու ուսումնասիրվել են մասնագետների կողմից:

Այդ ժայռապատկերներում, ի թիվս ժամանակի մարդուն հայտնի այլ արարածների, առկա է նաև մեղվի պատկեր (նկ. 1): Հայտնի է, որ հնում թե՛ իրական և թե՛ երևակայական արարածների պատկերումները ժայտերին, ապա նաև հնագիտական ու ազգագրական բնույթի գտածոների՝ գոտիների, մատանիների, զինդերի, դրամների, հագուստի, գործվածքի, փայտի, քարի, ոսկրի և այլ իրերի վրա, անմիջապես առնչվել է մարդու հնագույն հավատալիքների հետ, որոնք հիմքում կապված են եղել քարոս և չարի, օգտավետի և վնասակարի գաղափարի և դրանց ծնող պատճառները գիտականորեն բացատրել չկարողանալու հետ: Ժողովրդի դարավոր կրոնական պատկերացումները բազմազան արտահայտություններ են ստացել նրա



Նկար 1

ատոմին կյանքի ու կենցաղի բոլոր ոլորտներում, մանավանդ խաղման արարողություններում: Ուշագրավ է, որ այդ ամենի մեջ, այլևայլ երևույթների կարգին, նշա-

նակալից տեղ է բռնել նաև մեղուն, մանավանդ նրա մեղրը և հատկապես մոմը:

Սկանավոր ազգագրագետ Երվանդ Լալայանը 1906—1908 թթ. Նոր Բայազետի գավառում (Գեղարքունիք), Սևանա լճի հարավային և արևելյան ափերին, պեղել է 500-ից ավելի միկարապա, երկկարապա դամբարաններ, որոնցից մեկի մասին իր «Դամբարանների պեղումները Խորհրդային Հայաստանում» աշխատության մեջ գրում է, որ այդտեղ հայտնաբերված երեխայի կմախքի մոտ դրված է եղել ճրագ, մի խովորույթ, որը, ինչպես հավաստում է հեղինակը, հարատևել է մինչև մեր օրերը՝ «Երեխային թաղելիս ձեռքը մոմ են տալիս, որպեսզի մյուս աշխարհ գնալիս ճանապարհը լուսավորեն»:

Իր «Հին Հայաստանի կուլտուրան» աշխատության մեջ նույնն է վկայում պրոֆ. Խաչիկ Սամվելյանը, ավելացնելով, որ «հոգու» ճանապարհը մյուս աշխարհը գնալիս լուսավորելու նպատակով հանգուցյալի ձեռքին մոմ դնելու հնագույն ծեսն անցել է նաև քրիստոնեական եկեղեցուն, ըստ որում բնորոշ է, որ մոմը վառելիս մաղթում են. «Ախտված հոգին լուսավորի»:

Հայկական լեռնաշխարհի տարբեր վայրերում պեղած դամբարաններում հայտնաբերված քաղմաթիվ ու քաղմագան կավե ամանների կարգին գտնվել են նաև ճրագներ, որոնցում հնարավոր է, որ մոմեր վառած լինեն:

Դամբարաններից հանվել են նաև բրոնզե գոտիներ, որոնք ծածկված են եղել զարդանկարներով, դրանցից մեկի վրա (որը մաքրվել է Ե. Լալայանի կողմից), երևում է մի գույզ ձի, թռչնազույս մարդիկ՝ նետերը ձեռքերին, ապա արևի խորհրդանիշը պատկերող մի շրջանակ և մի «բզեզանման միջատի պատկեր», ինչպես կարծել է Ե. Լալայանը, որը, ըստ իս, ավելի նման է մեղվի, քան բզեզի: Գոտու վրայի պաշտամունքի առարկա հանդիսացող արևի ու մեղվի պատկերները ցույց են տալիս, որ այն ունեցել է մոգական, չարից ու վտանգից պաշտպանող ու հաշտություն և բարեբախտություն բերող նշանակություն: Գոտիները, ինչպես նաև նույն դամբարանից հանված ճրագները, թվագրվում են մ. թ. ա. III—II հազարամյակներով: Գոտու մոգական նշանակությունը շարունակել է պահպանվել նաև կրոնաժողովրդական հանգամանքներում, երբ այն կապել են պաշտամունքային արարողության ժամանակ, ինչպես նշում է Խ. Սամվելյանը: Սևանի ափագանում, Լճաշեն գյուղի մոտ, 1965 թ. կատարած պեղումների ժամանակ հնագետ Հ.

Մնացականյանը մեկկարապա դամբարանի միջից գտել է բրոնզե գոտի, որի վրայի քաղմաթիվ զարդաքանդակների թվում կան նաև մեղունների պատկերներ՝ թռչչի պահին, թևերը բացած (նկ. 2): Ինչպես վկայում է հեղինակը, գոտին պատկանում է մ. թ. ա. 10—9-րդ դդ.: Այս գոտու վրա քանդակված մեղունների պատկերները վկայում են, որ մեր նախահայրերը ոչ միայն ժայռապատկերներում են խորհրդանշել մեղվին, այլև այն առարկայի վրա, որը կրելիս են եղել իրենց մեջքին՝ պաշտամունքային նպատակով:

Մեղվի և նրա մեղրի պաշտամունքի հետ են կապված նաև եկեղեցիների պատերին, գմբեթներին և սյուների քանդակված մեղրահացի պատկերները: Դրանք առկա են 915—921 թթ. կառուցված Աղթամարի պալատական եկեղեցի-տաճարի պատուհանի կողքին պատկերված հրեշտակի գլխի շուրջը երիզած պսակի համալիրում, հայկական վիմախոր կառուցվածքի գլուխ-գործոց Գեղարդի (Այրիվանք) քարակոփ գմբեթաձև առաստաղին, Արցախի XIII դ. կառուցված Հովհաննես Մկրտչի (Գանձասար) վանքի գմբեթաձև ծածկի խաչվող կամարների և լուսանցք-երդիկի միջև, Թշևանի շրջանի Աչաջուր գյուղի մոտի Մակարավանքի սյուներից մեկի խոյակի վրա և այլուր:

Մեղվապահության վերաբերյալ ուղղակի և անուղղակի ուշագրավ վկայություն են պարունակում նաև հայերեն ձիվ ձեռագրերը ու մանրանկարները: Այսպես, Մատենադարանի № 8400 ձեռագիր շարակնոցի 107ա թերթի տառակերպ նկարում (18-րդ դ.) պատկերված է թռչունի նմանվող գեղեցիկ մի մարդապատկեր՝ գլխին թագ, վրան շարված վառվող մոմեր: Այստեղ, ինչպես նկատում է Ա. Մնացականյանը, լուսապսակին փոխարինել է վառվող մոմերով թագը, որից որոշակի երևում է տառապատկերի աղերսն աստվածոմիների հետ, որը միաժամանակ մոմի պաշտամունքի հետ կապված խորհրդանիշ է: Ինչպես այս, այնպես էլ սրա նման այլ եակները, որոնց գլուխները վերցված են լուսապսակի մեջ կամ բերանում ունեն սրինգ, գրականության մեջ անվանվել են սիրեններ և կապված են սիրո և գեղեցկության, երգի ու երաժշտության գաղափարի հետ: Մի այլ՝ № 6059 ձեռագիր շարակնոցում, գրված 1621 թ. Վ. Պոլսում, Ավետիս Գրչի կողմից, պատկերված է մարդ, կքած վիճակում, ձեռքերին և գլխին վառվող մոմեր: Ա. Մնացականյանի մտահանգմամբ դա հիշեցնում է ուրարտական կուռքի պատկերը: Այս կուռքերը, ըստ Վ. Ս. Սորոկինի, արտա-

հայտնում են կին աստվածության պատկերը: Հ. Իսրայելյանն էլ նկատում է, որ համանման քարե արձանիկները ուշ բրոնզե-դարյան մշակույթին պատկանող՝ պտղաբերության պաշտամունքն արտահայտող կանանց կոտքեր են, որոնց վերևի երեք

ների, գոթերների շքապուճների, ինչպես նաև տաճարներում գործածվող իրերի ու աճանների վրա: Բ. Բ. Պիոտրովսկին Կարմիր բլուրի պեղումների ժամանակ կարասներից մեկում հայտնաբերել է 97 թաս, որոնց վրա փորագրված են աշտանակներ,



Նկար 2

եղուստի վրա փորագրված են ծառի ճյուղերին նմանվող զարդամոտիվներ, որի իմաստը հետազայում արտահայտվել է վառվող մոմերով: Այս կապը հանգեցնում է նրան, որ նախամարդու պատկերմամբ հողըն էլ, մայր կինն էլ պտղաբերող են, ուստի երկուսն էլ հանդես են գալիս որպես մայր հողի խորհրդանիշ, ինչպես նշում է հեղինակը:

Այս ամենից հետո սխալված չենք լինի, եթե ավելացնենք, որ ինչպես արձանիկների վրայի բուսական զարդանախշերն են խորհրդանշում կենաց ծառ, այնպես էլ վառվող մոմերով զարդանախշված արձանիկը հետազայում ներկայացվել է նման բովանդակության խորհրդանիշ արտահայտող մոտիվ:

Ծառ հնում վառվող մոմերով արտահայտված կենաց ծառեր են քանդակվել ու նկարվել տաճարների (ուրարտական Մուսասիրի տաճարի խորանների), մատու-

որոնց ծայրերի կենաց ծառն արտահայտված է վառված մոմերով: Ըստ Ա. Մնացականյանի, տոտեմիզմի հետ են կապված նախնիների ու ծնող զույգերի գաղափարն արտահայտող՝ Թուփրակ-Կալեի պեղումներից հանված մոմակալը, միջնադարի առօրյան արտահայտող՝ № 7729 ձեռագրի 476ա թերթում նկարված աշտանակը, № 3033 ձեռագրի 4բ թերթում նկարված մոմակալը: Այս ոճով էլ հետազայում մշակվել են կախովի կանթեղներն ու ջահերը:

Կենաց ծառը նաև լույսի աղբյուր է, այդպես են պատկերացրել նրան, որովհետև ծառի վրա վառվող մոմերը լուսավորում են շրջապատը: Հայկական կենաց ծառին նվիրված մի երգում «Արդար մեղուն» գովերգվում է այն պատճառով, որ նա ծաղիկներից քաղցր մեղր է պատրաստում, իսկ նրա արտադրած մոմն օգտագործվում է լուսավորության համար: Այդ ծաղագովքը

շատ տարածված է եղել հայոց մեջ և հաճախ երգվել է հարսանիքներում:

Ծաղկազարդին էլ շատ ծիսական արարողություններ են կատարվել մեղրի ու մոմի հետ կապված: Հիշենք դրանցից աղջիկ նշանելու պահը ծառի շուրջը: Տղայի մայրը, նախօրոք ունենալով աղջկա ծնողների համաձայնությունը, եկեղեցում Ծաղկազարդի ծառի վրայի վառվող մոմերից վառել է մի խաչաձև մոմ, որի վրա մի արծաթե մատանի է անցկացրել: Վառված մոմը մատանիով լռելյայն տվել է իր հավանած աղջկա ձեռքը և կամ, աղջկան մոտեցնելով Ծաղկազարդի ծառին, գլխին գցել է մի կարմիր շղարշ, որից հետո այդ աղջիկը նշանված է համարվել: Հիշվե՞ք նաև առագաստի առաջին գիշերվա և հաջորդ օրվա հարսի լողացման արարողությունները՝ կապված մեղրի ու մոմի հետ, որը ժողովրդի սովորություններում գոյատևել է մինչև մեր օրերը: Նման նկարագրություններ շատ կան «Ազգագրական հանդես»-ում: Այդ նույն հանդեսում Ե. Լալայանը Վասպուրականի վերաբերյալ նշում է, որ Ուոց կտրելու գիշերը, ընթրիքից հետո, թագավորը (փեսան) հարսի հետ առանձնացել է մի սենյակ, ուր խորհեն պատրաստված է եղել առագաստի անկողինը, մոտը դրված մի շիշ գինի, մեղր և մրգեղեն: Փեսան հարսին խոսեցրել է, տվել նվերներ, նույն քաժակով գինի են խմել, կերել են մրգերն ու մեղրը, որ իրենց միությունը մեղրի մեջն քաղցր անցնի: Առագաստի հաջորդ օրը փեսայի տանը պատավ կանաչ լողացրել են հարսին, լողանքի տաշտի շուրջը վառել մոմեր: Վանեցիների մեջ էլ առագաստին հաջորդող առաջին հիմազարթի օրը նորահարսի սկեսորը հավաքել է իրեն հասակակից, մերձավոր արյունակից և հարևան մի քանի կին, որոնք, մեկական վառվող մոմ բռնած ձեռքերին, շրջապատել են տան կենտրոնում դրված պղնձե տաշտը, որի մեջ նստած է եղել մերկ նորահարսը: Տաշտի շուրջը նույնպես շարել են վառվող մոմեր: Կանաչ մերկ հարսի վրա հաջորդաբար լցրել են մեկական թաս սառն ու տաք ջուր և հետև էլ խղոթք մոմնջացել: Եթե մերկ հարսը սառն ու տաք ջրերի ազդեցության տակ շարժվեր կամ ցնցվեր, դա նշան էր, որ հարսն չանհամբեր և անհնազանդ է: Եթե չշարժվեր, ուրեմն հարսը համեստ էր լինելու: Այսպիսով, առագաստի առաջին գիշերը և հաջորդ օրը, լողացման արարողության ժամանակ, օգտագործվել է մեղրի արտադրանքը:

Գամիքի (Փոքր Հայք) հայերը մոմեր են վառել հարսանիքներին՝ հինգ դնելու արա-

րողության ժամանակ: Քավորն ու քավոր-կինը բռնել են մի բյուրեղյա նախշուն ափսե, որի մեջ քոպան դիզված է եղել հինգ, կենտրոնում թաղված պարուրան ոլորված մոմի խորձը: Հարսին նստեցրել են սենյակի կենտրոնում, մի բարձի վրա, շրջապատել վառված մոմերով ու հինգն դրել: Հետո էլ սկսել են խրախճանքը՝ նվագն ու պարը, երգն ու երաժշտությունը:

Հարսանիքի գաթան թխելիս, գաթայի ալյուրի, խմորի տաշտի եզրերին մոմեր են վառել, որպեսզի հարսը մոմի լույսի նման պայծառ լինի, ամոթխած ու հնազանդ:

Վանեցիները հարսանիքի ժամանակ մոմեր են վառել, երբ հարսն ու փեսան եկեղեցուց տուն են վերադարձել: Փեսայի մայրը, գլխին դրած կամ ձեռքին բռնած մոմերով զարդարված ուտելիքներով լիքը մի ափսե, պարելով ընդառաջ է գնացել թագավորին ու թագուհուն և, համբուրելով նրանց, առաջնորդել է հարսնացուի սենյակը:

Մշո դաշտում մոմեր է վառվել Տերնդեզի կամ Տեառնընդառաջի տոնական ծիսակատարության ժամանակ: Երեկոյան ժամերգությունից հետո եկեղեցու բակում եկեղեցու մոմերով խարույկ է վառվել, այդ խարույկից էլ վառվել են ողջ գյուղի կտորներին արված խարույկները, ու գյուղը թաղվել է ծխի ու կրակի խոցերի մեջ: Բոլորը թռել են խարույկի վրայով, խանձելով վարտիքների փողկերը, դրանով, որպես հմայիլ, իրենց ապահովել են գազաններից ու սողուններից վնասվելուց: Վառել են նաև հավերի փետուրները, որ նրանք էլ հաջող թուխս նստեն ու շատ ձու աճեն: Եթե գյուղում նորահարս է եղել, նրա տուն պատգամավոր են գնացել հարսի հոր տնից, հարսին հանել են տանիք՝ Տերնդեզ տեսնելու և նվերներ ապանալու: Հենց կտորում էլ փոխինդ են արել, ցորենի հասկեր խարկել և քաժանել ներկաներին, գցել երդիկներից, գծել քաշել երդիկների ու դռների շուրջը՝ ընդդեմ չար ոգիների: Մշեցիների մեջ ևս այս արարողությունը եղել է: Մոմեր վառելու արարողության հիմքում ընկած է մոմի պաշտամունքը, ընտանիքի պաշտպանության ապահովումը:

Դրա ուշագրավ վկայությունն են նաև ձեռագրերում և մանրանկարներում պատկերված վառվող մոմերը, մոմակալներն ու հյուսածո մեղվափեթակները: Այսպես, Մատենադարանի 14-րդ դարասկզբին վերաբերող № 3708 ձեռագրի 7ա թերթի վրա պատկերված է նորահարսի գույզի գունավոր նկար: Հարսի ու փեսայի ձեռքերին կան վառվող մոմեր և կենաց ծառեր: Ինչպես


երևում է նկարից, նրանք հարսանիքում պարում են, մակագրությունն էլ ասում է, որ պարելիս են եղել Աշտարակի շրջանի Մաղմոսավանքին մոտիկ գյուղում: Այստեղ կենաց ծառն ու վառվող մոմերն արտահայտում են պողպեթության գաղափարը:

Սիրարիի Տեր-Ներսեսյանի «Հայկական մանրանկարչություն» գրքի № 18 և 90 տախտակները Մատենադարանի ձեռագրի զարդաքանդակներից են: Այստեղ որպես զարդանախշ օգտագործված է մեղվի հյուսածո փեթակի պատկերը, իսկ լուսանցքներում պատկերված են մոմակալներում դրված վառվող մոմեր: Նկարներն արված են 18 և 17-րդ դարերում:

Սկսած հնագույն ժամանակներից ընդհուպ մինչև մեր օրերը, մեղվի մեղրը և մոմը, կազմելով հայ ժողովրդի սննդի կարեւոր բաղադրիչ մաս, օգտագործվելով նաև բուժական նպատակներով, միաժամանակ որոշակի դեր են կատարել ժողովրդական հավատալիքներում, դիտվելով որպես կենսատու և չարխափան միջոցներ, մարդուն բոլոր առումներով հույժ օգտակար նյութեր, վերջին դեպքում՝ սրբագործված կրոնական հավատալիքներով:

ԱՐԱՄԱՅԻՍ ԳԱՍՊԱՐՅԱՆ





Յ Ո Ւ Յ Ա Կ

ՄԱՅՐ ԱԹՈՒ Ս. ԷԶՄԻԱԾՆԻ ՆՈՐ ՍՏԱՅՎԱԾ ՁԵՌԱԳՐԵՐԻ*

Թ. 222ա.— Իսլամականություն. մահմետականություն ծագումը. իր վարդապետությունները:

Թ. 229ա.— Ներսէս Գ. Շինող. Ներսէսի ընտրությունը և Դընայ ժողովը:

Թ. 231ա.— Հայերը արաբացուց կը հպատակին. Կոստանդին կայսրը:

Թ. 234ա.— Անանաս Ա. Ակոռեցի:

Թ. 235ա.— Իսրայէլ Ա. Ռթմեցի:

Թ. 236ա.— Սահակ Գ. Ջորափորեցի. հայոց խոովեալ վիճակը:

Թ. 237ա.— Սահակայ մահը:

Թ. 239ա.— Եղիա Արճեշեցի (703—717). Պարտաւի ժողովը:

Թ. 242ա.— Յովհաննէս Գ. Օձնեցի իմաստասէր:

Թ. 244ա.— Դընայ և Մանազկերտի ժողովները. իմաստասէրին պնասիրությունը:

Թ. 247ա.— Իմաստասէրին գրական գործունէությունը:

Թ. 250ա.— Պատկերամարտությունը:

Թ. 253ա.— Դաւիթ Ա., Տրդատ Ա. և Տրդատ Բ. կայսրոյիկոսները:

Թ. 257ա.— Սիոն Ա. Բառնացի. Եսայի Ա. Եղիպատրոշեցի:

Թ. 258ա.— Ստեփաննոս Ա. Դունեցի, Յովսէփ Ա. Դունեցի. Սողոմոն Ա. Գառնեցի:

Թ. 259ա.— Գէորգ Ա. Օշականցի. Յովսէփ Բ. Փարպեցի. Դաւիթ Բ. Կակաղեցի:

* Ծարունակված «Էջմիածին» ամսագրի 1964 թվականի № № Ը—Թ-ից, ԺԲ-ից, 1965 թվականի № № Ը—Ժ-ից, 1968 թվականի № Է-ից, 1970 թվականի № № Դ—Ե-ից, Ժ-ից, ԺԲ-ից, 1971 թվականի № № Ե—Ը-ից, ԺԱ—ԺԲ-ից, 1972 թվականի № № Ա—Բ-ից, Դ-ից, 1973 թվականի № № Ա—Գ-ից, Ը-ից, 1974 թվականի № № Գ-ից, Է—Ը-ից, 1975 թվականի № № Ա-ից, Գ-ից, ԺԱ—ԺԲ-ից, 1976 թվականի № № Բ—Ե-ից, Է—Թ-ից, ԺԲ-ից, 1977 թվականի № № Գ—Ժ-ից, 1978 թվականի № № Ա-ից, Դ-ից, 1979 թվականի № № Բ-ից, Դ-ից, Զ—Է-ից, ԺԲ-ից, 1980 թվականի № № Բ—Գ-ից, Ը-ից, Ժ—ԺԲ-ից և 1981 թվականի № Ա-ից:

Թ. 261ա.— Յովհաննէս Ա. Ովայեցի (883—855):

Թ. 265ա.— Զաքարիայի ընտրությունը. Աշոտ Բագրատունի:

Թ. 267ա.— Զաքարիայի և Փոտի թղթակցությունը. Շիրակաւանի ժողովը:

Թ. 270ա.— Գէորգ Բ. Գառնեցի (877—898). Աշոտի թագաւորությունը:

Թ. 273ա.— Սմբատ Ա. և Ափշին ոստիկան:

Թ. 278ա.— Մաշտոց Ա. Եղիվարդեցի (898—899):

Թ. 279ա.— Յովհաննէս Ե. Դրասխանակերտցի «պատմաբան»:

Թ. 281ա.— Յուսուփ ոստիկան. Սմբատայ մահատ(ակ)ությունը:

Թ. 285ա.— Աշոտ Բ. Երկաթ. մահատակությունը և սով:

Թ. 287ա.— Նիկողայոս պատրիարքին մխիթարական թուղթը. Աշոտ ի Կ. Պոլիս. ներքին խոովությունները:

Թ. 290ա.— Բիւրական ամրոցին առումը. Կաթողիկոսին կրած տագնապներն ու վախճանը:

Թ. 293ա.— Հայրապետական Աթոռն յԱղթամար. Ստեփաննոս Բ. Ռշտունի (926—927). Թէոդորոս Ա. Ռշտունի (927—938):

Թ. 295ա.— Եղիշէ Ա. Ռշտունի (938—945). Ա. մանիս Ա. Մոկացի (945—967):

Թ. 297ա.— Յակոբ եպիսկոպոս. Միմեաց և Ամանիս:

Թ. 299ա.— Յունական հալածանքը:

Թ. 301ա.— Աշոտի թագաւորությունը և Ամանիայի մահը:

Թ. 303ա.— Վահան Ա. Սիւնի. Ստեփաննոս Գ. Սևանցի:

Թ. 305ա.— Խաչիկ Ա. Արշարունի. Խաչիկի մեծագործությունը. նշանաւոր վարդապետները:

Թ. 307ա.— Երկրին քաղաքական վիճակը. Սըմբատ Բ.:

Թ. 308ա.— Յունական ատելությունը:

Թ. 312ա.— Սարգիս Ա. Սևանցի. քաղաքական վիճակը:

Թ. 314ա.— Ծուգատիկի խնդիրը:

- Թ. 317ա.— Թոնդրակեցիի ծագումը:
 Թ. 318ա.— Աղանդիկ նկարագիրը և վարդապետությունը:
 Թ. 323ա.— Յակոբ Եպիսկոպոս Հարթաց:
 Թ. 325ա.— Մանանդի գառանից դէպքը:
 Թ. 327ա.— Գրիգոր Մագիստրոսի հալածանքը:
 Թ. 329ա.— Պետրոս Գետադարձ. Յովհաննէս-Սմբատի թագաւորութիւնը. Սենեքերիմ Արծրունի:
 Թ. 331ա.— Պետրոսի մասնակցութիւնը Անիի վանանման մէջ:
 Թ. 333ա.— Պետրոսի աստանդական կեանքը և Դէսկարոս Մանանկեցի:
 Թ. 337ա.— Սմբատի կտակը. Վեստ Սարգիս և Վանթամ սպարապետը:
 Թ. 338ա.— Անիի գրաւումը:
 Թ. 340ա.— Պետրոսի կալանաւորումը և մահը:
 Թ. 343ա.— Խաչիկ Բ. Անեցի:
 Թ. 347ա.— Գրիգոր Վկայաւէր. Գրիգորի ընտրութիւնը. Պահլաւունքի:
 Թ. 351ա.— Գրիգոր Վկայաւէրի հաշրապետութիւնը:
 Թ. 352ա.— Գրիգոր Վկայաւէրի ճամբորդութիւնները. Գէորգ, Սարգիս և Բարսեղ:
 Թ. 355ա.— Վկայաւէրի ճամբորդութիւնը. Բարսեղ կաթողիկոս. Թէոփրոս Ապիսոփի:
 Թ. 359ա.— Բարսեղ կաթողիկոսի տեսակցութիւնը Մկիթ-Շանի մետ:
 Թ. 360ա.— Վկայաւէրին վերջին տարիները. իր և Բարսեղի մահը:
 Թ. 365ա.— Գրիգոր Գ. Պահլաւուն. ԺԲ դարը ազգային եկեղեցական տեսակէտով:
 Թ. 368ա.— Գրիգորի ընտրութիւնը. Դաւիթ Թոռնիկեան և Սեա լերան ժողովը:
 Թ. 370ա.— Աթոռին փոխադրութիւնը. Գրիգորի ոխտազնացութիւնը և յարաբերութիւնը լատինացիներին:
 Թ. 374ա.— Կաթողիկոսական Աթոռը Հռոմկայի մէջ:
 Թ. 376ա.— Ամայք և Օսղթան գաւառներուն աւանդաւորները:
 Թ. 377ա.— Յունացիներ միութեան խնդրին սկզբնա որութիւնը:
 Թ. 381ա.— Ս. Ներսէս Շնորհալի Կլայեցի (1166—1173). Ներսէսի նախկին կեանքը. իր ընդհանրական թուոյթը:
 Թ. 384ա.— Միութեան խնդիրը:
 Թ. 387ա.— Կալսեր պատգամաւորութիւնը. Թէոփրիմէ և Ուրման:
 Թ. 390ա.— Ինը առաջարկներ. Ներսէսի մահը:
 Թ. 393բ.— Արևորդիք:
 Թ. 394բ.— Ծիսական բարեկարգութիւնները:
 Թ. 396ա.— Գրիգոր Դ. Տղայ. ընտրութիւնը. միութեան խնդրին վերակումը:
 Թ. 398ա.— Ներսէս Լամբրոնացի:
 Թ. 398բ.— Բանակցութեանց շարունակութիւնը:
 Թ. 399բ.— Միութեան խնդրոյն յարուցած վէճը Արևելեան և Կիլիկեան վարդապետներուն միջև:
 Թ. 400բ.— Գրիգոր Տղայ և Գրիգոր Տոստնորդի:

- Թ. 402ա.— Գրիգոր Տղային պատասխանը:
 Թ. 404ա.— Հռոմկայի ժողովը (1179 թուականին):
 Թ. 407ա.— Մանուէլի մահը. հազոց յարաբերութիւնը լատինացիներին:
 Թ. 408բ.— Գրիգոր Տղայ և Լուկիոս Գ. Պապը:
 Թ. 410ա.— Կղէմէս Գ.ի թուոյթը և Գրիգոր Տղայի մահը:
 Թ. 411բ.— Գրիգոր Ե. Բարաւէժ. բանտարկութիւնը և մահը:
 Թ. 413ա.— Գրիգոր Զ. Ապիրատ. Ներսէս Լամբրոնացի և Լևոն:
 Թ. 415բ.— Լամբրոնացոյն դեսպանութիւնը. մուսուլմանները:
 Թ. 416բ.— Լևոնի թագաւորութիւնը. Ներսէսի և Գրիգոր Ապիրատի մահը:
 Թ. 417բ.— Յովհաննէս Մեծարարոյ (1203—1221). Յովհաննէս Զ. «Խճկաւոր». Անանիա Սեբաստացի. Դաւիթ Արքակաղանկեցի:
 Թ. 418բ.— Զարաթէ և Խանէ. Լոփի և Անիի ժողովը. Ման լևոնի և Յովհաննէսի:
 Թ. 420ա.— Կոստանդին Ա. Բարձրբերդցի (1221—1267). ընտրութիւնը. Հերմոս Ա.:
 Թ. 421ա.— Սուլ Ա. ժողովը:
 Թ. 422ա.— Յակոբ Ա. Կոստանդին Բ. և Ստեփաննոս Դ. Յակոբ Ա. Կլայեցի «Գիտնական» (1268—1286):
 Թ. 423ա.— Կոստանդին Բ. Կատուկեցի «Պրօնագործ» (1286—1289):
 Թ. 423բ.— Ստեփաննոս Դ. Հռոմկայեցի (1290—1293):

ՀԻՇՏԱՍԿԱԳՐՈՒԹՅՈՒՆ

Թ. 7ա.— Գէ(ո)րգ Արք. Արպանեան (կնիք, ձեռագիր ստորագրութեան ձևով: Մատյանը պատկանել է Գևորգ Սրբազանին, որի ամբողջ գրականութեան մետ, ետ մահու, ողարկված է Ս. Լէմիսին):

№ 515

ԱԿՆՏԱՐԱՆ

Թերթերը՝ 301:— Պրակները՝ 25, յուրաքանչյուրը 12-ական թերթից, բացի ԻԵ՝ 8, Ա՝ 11 և Ի՝ 14 թերթից են:— Մեծութիւնը՝ 20×15,3×5 սմ.:— Նյութը՝ դեղնած և կեղտոտած թուղթ:— Կազմը՝ կաշեպատ տախտակ, որի վրա ճնշումով զարդեր կան նկարված:— Պահպանակները՝ 2-ական թերթ սկզբում և վերջում:— Վիճակը՝ բավարար:— Գրութիւնը՝ երկայուն:— Դատարկ թղթերը՝ 299բ և պահպանակները՝ 1ա—2բ և 300ա—301բ:— Տողերը՝ 21:— Գծումները՝ ճնշումով:— Գիրը՝ բոլորգիր:— Զարդագրութիւն՝ ձեռագրում կան երեք ազատաբանիչների նկարները (թթ. 87բ, 142բ և 230բ): Պակասում է Մատթեոսի նկարը, կտրված և հանված լինելով: Պահպանված են չորս Ավետարանների խորանները (թթ. 3ա, 88ա, 143ա և 231ա):

Կան բազմաթիվ զարդագրեր, թռչնագրեր և լուսանցազարդեր, ինչպես նաև մի հրեշտակագիր (թ. 3ա), երկու գազանագրեր (թթ. 88ա և 143ա) և մի մեծ թռչնագիր (թ. 281ա): Այս բոլորն ունեն միջակ որակի արժեք:— **Գրիչը՝** Հովհաննես:— **Պատվիրատուն՝** անհատ:— **Մադկողը՝** անհայտ:— **Ժամանակը՝** 17-րդ դար:— **Վայրը՝** անհայտ:— **Մանրագրություն՝** սույն ձևագիրը Մայր Աթոռին է նվիրել Տ. Նշան քահանա Բեյլերյանը 1980 թ. հունիս ամսին: Այն ձևը է բերել Կիրովաբադում (Ադրբեջան) 1957 թ.:

ԲՈՎԱՆԴԱԿՈՒԹՅՈՒՆ

- թթ. 3ա—87ա Ավետարան Մատթեոսի:
թթ. 88ա—142ա Ավետարան Մարկոսի:
թթ. 143ա—230ա Ավետարան Դուկասու:
թթ. 281ա—298ա Ավետարան Հովհաննու:

ՀԻՇՍԱՏԱԿԱՐԱՆՆԵՐ

Թ. 230ա.— Ով եղբ(ա)յրք յիշեցէք ի մաքրափ(ա)յլ յաղօթս ձեր անարժան գծողս սուտ անուն Յովանէս, յիշողքդ յիշե(ա)լ լիցիք ի Ք(րիստո)սէ, Ամէն:

Թ. 298ա.— Փառք ... հօր և որդոյ և հոգոյն սըրբոյ՝ այժմ և անգրաւ յախտեմնի Ամէն: ...րոթի(ւն)է ա(ստուա)ծային արանց միշտ և համապազ խոկալ յա(ստուա)ծային պատուիրանս, ի տուէ և ի գիշերի, միշտ զվերինն խորհել ուր Ք(րիստո)ս նստի ընդ աջմէ՝ Ա(ստուծո)յ:

Եւ վասն բազում պատճառի, բազում փառագին (թ. 298թ) ջերմեռանդ սիրով և ըղձալի ցանկութեամբ, արդիւնս և գործս կատարել:

Նախ վասն յախտեմական և անմահ կենացն զանցաւորս արհամարեմ և զայն ստանան կեանս որ մնացական է որպէս ասէ Տ(է)րն երթայք գործեցէք մի զկորուստական կեանքս, այլ զկերակուրն որ մնա ի կեանս յախտեմականս:

Երկ(րո)րդ, զի հրամայէ Տ(է)րն, զամենեցէք ձեզ գանձ յերկինս ապականեն և գողք ... հատանեն և գողանան:

Գրեմք զգիրս որ զամ(ենայն) գանձ և զամ(ենայն) ա:ետիք յինքն պարունակեալ ունի:

Նախ զվերջինն իմաստութիւն և ապա զամ(ենայն) սքանչելագործութի(ւն)ս որ ի սմա:

Երր(որ)դ վ(ա)ս(ն) անջինջ յիշատակութե(ան) առաջի (Թ. 299ա) Ա(ստուծո)յ ո(ր)պ(է)ս ասէ մարգարէն:

Երանի որ ունիցի զաւակ ի Սիովն և ընդանի(ք) յԵ(րուսաղէ)մ:

Չոր(որո)դ վ(ա)ս(ն) քաւութե(ան) և թողութե(ան) մեղաց մերոց բարեխաւս:

Որպէս ասէ մարգարէն ըզմեղս քո ողորմութե(ան)ք քաւեսցես և զանօրէնութի(ւն)ս տրաք տնանկաց:

ՀԻՇՍԱՏԱԿԱՐՈՒԹՅՈՒՆ

Թ. 2ա.— Նորին Սուրբ Օծություն

S. S. Վազգեն Ա-ին, Կաթողիկոս ամենայն հայոց.

Վեհափառ Տեր, որդիական ամենաանկեղծ սիրով և երախտագիտական ջերմ զգացումներով նվիրում եմ այս ձևագիրը Ձեզ, ակնկալելով միայն Ձեր հայրական օրհնությունը:

Մատչիմ ի համբույր Ձեր Ա. Աջոյն

Նշան քահանա

5 հունիսի 1980

Էջմիածին:

№ 516

ՔԱՐՈՉԳԻՐՔ

Թերթերը՝ 412:— **Պրակները՝** ձևագիրը բաղկացած է երկու մասից՝ 17 և 18 պրակներից, յուրաքանչյուրը 12-ական թերթից: Առաջին մասի Ա պրակն ունի 7 թերթ, իսկ երկրորդ մասի վերջին (ԺԸ) պրակն ունի 9 թերթ:— **Մեծությունը՝** 22,2×16,5×5,7 սմ.:— **Նյութը՝** դեղնած և կեղտոտած հաստ թուղթ:— **Կազմը՝** կաշեպատ տախտակ, կիսաքայքայված, որի վրա ճնշո մով զարդեր կան ներկված:— **Վիճակը՝** բավարար, սակայն սկզբից թերի է:— **Գրությունը՝** միասյուն:— **Դատարկ թղթերը՝** 1ա, 1բ, 5բ—7բ, 199ա—200բ, 380—399ա, 401բ—403ա, 404բ, 409ա—410ա, 411բ—412բ:— **Տողերը՝** 25—35:— **Գծումները՝** ճնշումով:— **Գիրը՝** նոտրգիր (մի քանի տարբեր ձևագրեր):— **Չարդագրություն՝** ձևագիրն ունի մի ձկնագիր (306բ), երկու հրեշտակագիր (300բ, 311բ) և բազմաթիվ զարդագրեր, որոնք հասարակ որակի են: Կան նաև բազմաթիվ թռչնագրեր, որոնց մեկ մասը գեղեցիկ է, իսկ մնացածը՝ ոչ արժեքավոր:— **Գրիչները՝** Գրիգոր, Հակոբ և Հովհաննես քահանաներ:— **Պատվիրատուն՝** Պողոս վարդապետ:— **Մադկողը՝** անհայտ:— **Ժամանակը՝** 18-րդ դար:— **Վայրը՝** անհայտ:— **Մանրություն՝** սույն ձևագիրը Մայր Աթոռին է նվիրել Տ. Նշան քահանա Բեյլերյանը 1980 թ. հունիս ամսին: Այն ձևը է բերել Կիրովաբադում (Ադրբեջան) 1957 թ.:

ԲՈՎԱՆԴԱԿՈՒԹՅՈՒՆ

Թթ. 2ա—5ա, 8ա—198բ, 201ա—397բ (Քարոզգիրք, որ գրված է տարբեր անհատների կողմից):

Թթ. 399բ—401ա, 403բ—404ա (Մեկնություն Սուրբ Գրոց):

Թթ. 405ա—408ա, Ցանգ է գրոյս (ձեռագրի երկրորդ մասի միայն):

ՀԻՇՍԱՏԱԿԱՐԱՆՆԵՐ

Թ. 43ա.— ԶԳրգր գծողս յիշես:

Թ. 65ա.— ... յիշես զգրիչս Յկր քնյ:

Թ. 76ա.— Յիշեցէք զտալ Յկր Էրեց գծողս:

թ. 137թ.— ՁՏ(Է)ր Յկբ գծողս յիշեալ տր:

թ. 164թ.— Ով մանկ(ո)ւնք սր եկոյ և ընթցդք սր տ(ա)ոխս. յիշէք զստցդ սր զՊողոսս վդպ արհնակըսպտն. և Ած ողորմի աւ(ա)ցէք:

թ. 183ա.— Չտուպ գծողս Յկբ քնս յիշեսիք:

թ. 186ա.— Ձցանկայցոյ գիրքս Պողոսս վդտն յիշեցէք:

թ. 215թ.— ՁՅննէս խնդրող բանի և գրող յայսմ տառի յիշման առն(ու)ք դուք արժանի և Ած ձեզ և մեզ առ հարկ ողորմեսցի որ է օրհնել յախտեանքս, Ամէն:

թ. 237ա.— Որով զմեզ և զամ հաւտցելս և թէ սորին գրողս իրենան արժանի արտացէ Քս Ած պայծառ երեսօք և զուարթ սրտիք լուսով խաշին տեսանել զսր երրորդութե(ան)ն, փառսն լուսոյ, որ է օրհնել(ա)լ յատենս ամէն:

թ. 246ա.— Չամենամեղ գրիչս յիշել ի բարի մսին. ով սր ընթերցողք և Ած զձեզ յիշէ յիւր բարութիւնսն. Ամէն:

թ. 256ա.— Չի սատաց և ի մեղսամած գծող գրիս յիշեցէք ի Քս ամէն:

թ. 268թ.— Ով սր ընթերցողք զգրոյս գծողս ևս յիշեցէք ի մաքրափայլ յաղօթս ձեր զի կորել եմ ի մեջ մեղաց և Քս զձեզ յիշէ յւրն դատատնի աւմէն:

թ. 280թ.— Եղբայրք զմեղատոր անարժան գծողս ս(ո)րին յիշեցէք ի Քս ամէն:

թ. 306թ.— Ով ընթերցողք զանարժան գծողս սորին յցք ի մաքրափայլ յաղօթս ձեր:

թ. 311թ.— Յորոց փրկեցէ զմեզ և զգրողս սորին փրկիչն ամցն Քս Ած մեր և մեա ընդ հօր իւրում և սր հոգւոյն յսնս ամէն:

թ. 316թ.— Ով ընթերցողք զյիմրել զանարժան գծողս ի գրոյս ի մաքրափայլ յաղօթս ձեր յիշեցէք զոր տր Ած զձեր աղօթիւքն զյանցանս իմ թողու ամէն:

թ. 320ա.— Որում և զմեզ զաման արժանի արտացէ համբոյր ի բ(և)րանոյ իւրոյ յիւր խնդութեցն ի Քս Յս ի տր մեր որ է օրհնել յատնս, ամէն:

թ. 324թ.— Որոց փրկեցէ Քս Ած մեր յոյսն և փրկիչն ամցն, և մեայ փառք յախտենս յսնց ամէն և անարժան գծող սորին յցք ի Քս:

թ. 328ա.— ... Սր Ածածին բարեխօս լեր առ որդիտ միածին զի զանարժան գծ(ո)ղս գրոցս մեղացն թողութիւն պարգևացէ և ստնկն յորոգայթէ փրկել(ա)լ ազատեցէ ամէն:

թ. 334թ.— Այսքան առ այս մա և տր Ած ինձ մեղատոր անարժան գրչիս աղօթիւքն ձեր ով ընթերցողք արժանի առնէ այսմ կրկրոյ և մեա փառք յսնս յսնց ամէն:

թ. 348ա.— ... և զիս անարժան գր(ո)ղս յիշցք ի Քս:

ՀԻՇԱՏԱԿԱԳՐՈՒԹՅՈՒՆՆԵՐ

թ. 1ա.— Որդիական արտաքոյս մկերս Ն. Ս. Օ. Տ. Տ. Վազգեն Ա-ին Հայրապետին, համբոյրում եմ Ձերոյ Սրբոյրայն Օծնալ Աջք:

Նշան քառանգ

5—VI—80

Էջմիածին

թ. 197թ.— ՌՃՀ (1721—Ն. Մ.) թուին:

№ 517

ՊԱՏԱՌԻԿՆԵՐ

Ա. ԱԻԵՏԱՐԱՆ

Թերթերը՝ 1:— Մեծությունը՝ 10×14 սմ.:— **Նյութը՝** դեղնած և կեղտոտած թուղթ:— **Կազմ՝** չունի:— **Վիճակը՝** անբավարար, կա միայն թերթի վերնի մասը, մերթնիքը կտրված է:— **Գրությունը՝** երկայուն:— **Տողերը՝** 13:— **Գծումները՝** ճնշումով:— **Գիրը՝** բոլորգիր:— **Զարդագրություն՝** չունի:— **Գրիչը՝** անհայտ:— **Պատվիրատուն** անհայտ:— **Ժամանակը՝** 16—17-րդ դդ.:— **Վայրը՝** անհայտ:— **Մանրություն՝** պատահիկը հանված է Մայր Աթոռի № 17 Ավետարան ձեռագրից, որն ստացվել է Թեհրանից 1949 թ. ձեռամբ Ռուբեն արքեպիսկոպոս Դամբյանի:

ԲՈՎԱՆԴԱԿՈՒԹՅՈՒՆ

Կես թերթանոց աչս փոքրիկ պատահիկը խոսում է Քրիստոսի Գալիլեա գնալու և այլ արարքների մասին:


Բ. ԺԱՄԱԳԻՐՔ

Թերթերը՝ 4:— Մեծությունը՝ 14.5×9.8×0.1 սմ.:— **Նյութը՝** դեղնած և կեղտոտած բարակ թուղթ:— **Կազմ՝** չունի:— **Վիճակը՝** անբավարար:— **Գրությունը՝** միապուն:— **Տողերը՝** 21—23:— **Գծումները՝** ճնշումով:— **Գիրը՝** բոլորգիր:— **Զարդագրություն՝** չունի:— **Գրիչը՝** անհայտ:— **Պատվիրատուն՝** անհայտ:— **Ժամանակը՝** 19-րդ դար:— **Վայրը՝** անհայտ:— **Մանրություն՝** ձեռագիր աչս չորս թղթերը դուրս են եկած 19-րդ դարի տպագիր մի ժամագրից (№ 104), որ ստացվել է 1980 թ. հունիսի 23-ին:

ԲՈՎԱՆԴԱԿՈՒԹՅՈՒՆ

Առաջին երկու թերթերը պարունակում են հիշատակագրություններ, իսկ 3—4-րդ թերթերը ժամագրից են վերցված: Այստեղ կան «հրաժարիմք ի տատանալէ» և «խոստովանիմք և հաւատամք» աղոթքները:

(Շարունակելի)




«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ФЕВРАЛЬ, 1981 Г.).

1. Иеромонах Затик Аветилян—День праздника свв. Вартанидов и Тезоименитство Его Святейшества Вазгена Первого (26 февраля 1981 г.). Описание торжеств и актов имеющих место в Кафедральном соборе и Актовом зале Патриархии (стр. 3—10).
2. 8-го февраля, в церкви им. св. Саркиса в г. Ереване, под председательством Его Святейшества проходили торжества посвященные назначению преосвященного епископа Арсена Берберяна викарием Араатской Патриаршей епархии: архинерейское служение, провозглашение патриаршей энциклики и обед в гостинице «Ани» в честь Его Святейшества и новоназначенного викария (стр. 11—15).
3. О проведений св. Литургий, чтений проповедей и проведений других торжеств в Первопрестоле за февраль м-ц (стр. 16—17).
4. Праздник свв. Вартанидов и Тезоименитство Его Святейшества Вазгена Первого в Ленинканской армянской церкви им. Пресвятой Богородицы (стр. 18—19).
5. Архимандрит Анания Арабаджян—Важность молитвы: проповедь произнесена в Кафедральном соборе 1-го февраля (стр. 20—21).
6. Священник Езник Петросян—Сретение Господне: исследование посвящено истории Сретения 40-дневного Иисуса Христа в Иерусалимском храме (стр. 22—25).
7. Артун Атитян—Оригэн Александрийский (185—254). Исследование посвящено житию, разбору трудов Оригена, их переводам на армянский язык и их изданиям (стр. 26—34).
8. Маня Казарян—Армянские древнейшие церковные двери Средних веков, статья посвящена описанию дверей в церквах им. свв. апостолов в г. Муше (Западная Армения), свв. апостолов на острове Севан, им. свв. Первопереводчиков в г. Феодосия (Крым), в монастырях Татев, Агулис, им. св. Фомы в Новой-Джуге (Иран), в Константинополе, в Эчмиадзине (Кафедральный собор), в Иерусалимском армянском монастыре (стр. 35—43).
9. Некролог: кончина Ключаря Иерусалимского армянского монастыря архиепископа Айрика Асланяна (стр. 44—45).
10. Роберт Атаян—К 125-летию со дня рождения армянского композитора Макара Екмаляна. Исследование посвящено биографию и деятельности великого музыканта, а также, новооткрывшимся его трудам (стр. 46—51).
11. Арамаис Гаспарян—статья «Пчелы и их мед в армянских народных верованиях» (стр. 52—56).
12. Нубар Микаелян—О новых рукописях, поступающих в св. Эчмиадзин, №№ 514—517 (стр. 57—60).



„ETCHMIADZIN“
OFFICIAL JOURNAL OF HOLY ETCHMIADZIN
(FEBRUARY 1981)

1. **Reverend Zatik Avetikian**—The commemoration of Saint Vartan's Day on the 26-th of February and the Name's Day of His Holiness the Catholicos Vasken I in the Holy See. The description of the ceremonies and festivities which have taken place on this occasion in the Holy Cathedral and the festivity hall of the Patriarchal Residency (pages 3—10).
2. Festivities which have taken place on the 8-th of February in the church of St. Sarkis at Yerevan, on the occasion of the appointment of Bishop Arsen Berberian as new-elected vicar of prelate of the Patriarchal diocese of Ararat: episcopal mass, reading of the Patriarchal encyclical, Patriarchal sermon and banquet in the hotel „Ani“, in honour of His Holiness and the new-elected vicar of prelate (pages 11—15).
3. Divine liturgy services and sermons delivered in the Holy Cathedral and other festivities which have taken place in the Patriarchal Residency during the month of February (pages 16—17).
4. The festivities of Saint Vartan's Day on the 26-th of February and the anniversary of Name's Day of His Holiness in the Holy Church of Mother of God at Leninakan (pages 18—19).
5. **Reverend Anania Arabadjian**—The importance of prayer: sermon delivered in the Holy Cathedral on Sunday, the 1-st of February (pages 20—21).
6. **Priest Eznik Petrosian**—Candlemass-day or the forty days Advent of Christ to the Cathedral: religious study devoted to the forty days Advent of Christ to the Cathedral of Jerusalem (pages 22—25).
7. **Arthoon Hadidian**—Origen of Alexandria (185—254): study devoted to the life and conduct of Origen, to his bibliographical works and of their armenian translation and printing (pages 26—34).
8. **Manya Ghazarian**—The Middle Age's armenian wooden church doors: study devoted to the traditional wooden doors of the Translators' monastery of Apostles (Mush city in Western Armenia), similarly of the Translators' monastery of Apostles (island of Sevan), of the city of Theodosia (Crimea), of the monastery of Datev, of St. Thomas of Agoolis, of New Julfa (Iran), of Constantinople, of the Holy Cathedral of St. Etchmiadzin and the Cathedral of St. Jack at Jerusalem (pages 35—43).
9. **Obituary**, devoted to the death of Archbishop Hayrig Aslanian, on the 23-rd of February Grand Sacristan of the Cathedral of St. Jack (Jerusalem) pages 44—45).
10. **Robert Atayan**—Study devoted to the 125-th birthday anniversary of the famous musician Makar Egmalian, to his life, activity, creation and to his few pages unknown until now (pages 46—51).
11. **Aramayis Gasbarian**—Study devoted to the bee and its honey in the armenian public believes 52—56).
12. **Nubar Mikaelian**—The list of the newly received manuscripts of the Mother See of Holy Etchmiadzin under the numbers of 514—517 (pages 57—60).



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(FEVRIER 1981)

1. **Père Zatik Avétikian**—„La commémoration de la Journée de saint Vardan au Saint-Siège“. Dans son article l'auteur décrit les cérémonies religieuses et les festivités qui ont eu lieu le 26 février 1981 dans la cathédrale de Saint-Etchmiadzine et dans la grande salle de la Résidence Patriarcale et qui ont été consacrées à la mémoire de saint Vardan et de ses compagnons (pages 3—10).

2. Description des cérémonies religieuses (célébration de la sainte messe, lecture de l'Encyclique de Sa Sainteté suivie d'une homélie prononcée par le Catholikos de tous les Arméniens) qui ont eu lieu à Erévan, dans l'église Saint-Sarkis, le 8 février 1981 à l'occasion de la nomination de Mgr. Arsen Berbérian comme vicaire patriarcal du diocèse d'Ararat (pages 11—15).

3. Sous la rubrique „Nouvelles du Saint-Siège“ sont publiées de brèves informations concernant la célébration de saintes messes, les sermons prononcés à cette occasion et d'autres cérémonies religieuses qui ont eu lieu à Saint-Etchmiadzine au cours du mois de février 1981 (pages 16—17).

4. Solennités déroulées le 26 février 1981 à Léninakan, dans l'église de la Sainte Vierge, à l'occasion de la Journée de saint Vardan (pages 18—19).

5. **Père Anania Arabadjian**—„L'importance de la prière“. Sermon prononcé dimanche, le 1^{er} février 1981 dans la cathédrale de Saint-Etchmiadzine (pages 20—21).

6. **Père Yeznik Pétrossian**—„La Chandeleur ou l'Avènement du Christ au Temple“. Etude religieuse consacrée à la fête de la présentation de Notre-Seigneur au Temple de Jérusalem (pages 22—25).

7. **M. Artoun Hatitjian**—„Origène d'Alexandrie“ (185—254). Dans son étude l'auteur présente

la vie, l'héritage littéraire, ainsi que les traductions et publications en arménien des oeuvres du célèbre apologiste (pages 26—34).


Mania Ghazarian—Dans son étude intitulée „Les portes de bois des églises arméniennes du Moyen Age“, l'auteur fait la description des portes traditionnelles de certaines églises arméniennes du Moyen Age: la porte du monastère des Apôtres nommée „Targmantchats“ dans la ville de Mouche (Arménie Occidentale), celle du monastère de Sévan portant le même nom, la porte de l'église arménienne de Théodosie (en Crimée), celle du monastère de Tatev, celle du monastère Saint-Thomas d'Agoulis, la porte de l'église arménienne de Djoulfa (en Iran), celle de l'église arménienne de Constantinople, celle de la cathédrale de Saint-Etchmiadzine et celle de l'église arménienne Saint-Jacques de Jérusalem (pages 35—43).

9. Nécrologie de l'archevêque Hatrik Aslanian, sacristain de l'église arménienne Saint-Jacques de Jérusalem, décédé le 23 février 1981 (pages 44—45).

10. L'étude du professeur Robert Atayan est consacrée au 125^e anniversaire de la naissance du célèbre compositeur arménien Makar Ekmalian. Dans son étude l'auteur présente la vie et l'activité musicale du grand compositeur et fait l'analyse de certaines pages de ses créations musicales jusqu'alors inédites (pages 46—51).


11. **M. Aramaïs Gasparian**—„L'abeille et le miel dans les croyances populaires arméniennes,“ (pages 52—56).

12. **M. Noubar Mikaelian**—Index des manuscrits que le Saint-Siège d'Etchmiadzine a récemment reçus et placés sous les numéros 514—517 (pages 57—60).



ԲՈՎԱՆ ԴԱԿՈՒԹՅՈՒՆ

ԶԱՏԻԿ ԱՐԵՂԱ ԱՎԵՏԻՔՅԱՆ—Սիրոց Վարդանանց տոնակատարությունը և վե- նափառ Հայրապետի անվանակոչության տարեդարձը Մայր Աթոռում . . .	3
ԶԱՏԻԿ ԱՐԵՂԱ ԱՎԵՏԻՔՅԱՆ—Հանդիսություն Երևանի Ս. Սարգիս եկեղեցում . . .	11
ՄԱՅՐ ԱԹՈՒՌՈՒՄ—Եկեղեցական բեմ, լուրեր	16
ԿԱՐԻՆԵ ՂԱՎԱԶՅԱՆ—Ծիրակի թեմում	18
ԱՆԱՆԻԱ ՎԱՐԴԱՊԵՏ ԱՐԱՐԱԶՅԱՆ—Աղոթքի կարևորությունը	20
ԷԶՆԻԿ ՔԱՀԱՆԱ ՊԵՏՐՈՍՅԱՆ—Տեսողությունը կամ քառասունյայ գաղութում Քրիստոսի ի տաճարն	22
ԱՐԹՈՒՆ ՀԱՏԻՏՅԱՆ—Որիգենես Ալեքսանդրացի՝ եկեղեցու բազմաթյուն վար- դապետ	26
ՄԱՆՅԱ ՂԱԶԱՐՅԱՆ—Հայկական միջնադարյան փառու եկեղեցական դռները	35
Հանգիստ Տ. Հայրիկ արքեպիսկոպոս Ասյանյանի	44
ԻՌԲԵՆԻՏ ԱԹԱՅԱՆ—Իսկար եկմալյանի և Գրչա մի քանի նորանայտ բնագրերի մասին	46
ԱՐԱՄԱՅԻՍ ԳԱՍՊԱՐՅԱՆ—Մեղում, մեղքն ու մեղրամեղք մեր ժողովրդական հա- վատալիքներում	52
Ցուցակ Մայր Աթոռ Ս. Էջմիածնի նոր տաճարի ձևագրերի	57
«Эчмиадзин» официальный журнал Эчмиадзинского Католикосата	61
„Etchmiadzin“ official journal of Holy Etchmiadzin	62
„Etchmiadzine“ organe officiel du Saint-Siege d'Etchmiadzine	63



ԽՄԲԱԳՐՈՒԹՅԱՆ ՀԱՍՅԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ

«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտատրության 26.02.1981 թ.: Լիտրագրված է տպագրության 30.03.1981 թ.:
Տպագրական 4 մամուլ + 1 ներդիր, թուղթ 60×84¹/₈, պատվեր 163

Մայր Աթոռ Ս. Էջմիածնի տպարան, 1981 թ.